

20-d

81

Bibliotheca


Coll. Rom.

Societ. Jesu

6-10-281-

70-7-21

66-2-102







JOANNIS LAURENTII

LUCCHESINII LUCENSIS

E SOCIETATE JESU

*Sacrae Congregationis Rituum  
Consultoris*

LYRICORUM

*Libri Duo.*

HYMNORUM

*Liber Unus.*

EPIGRAMMATUM

*Libri Sex.*

Quorum Quadringentis Argumenta  
tantum Quatuor excoluntur.

CARMINUM TOMUS TERTIUS.



ROMÆ, MDCCXIII.



---

Typis, & Sumptibus Georgii Plachi.

*Superiorum Permissu.*



# MICHAEL ANGELUS TAMBURINUS

*Præpositus Generalis Societatis JESU.*

**C**UM librum, cui titulus: *Pomus Carminum Tertius, in quo Lyricorum Libri Duo, Hymnorum Liber Unus, Epigrammatum Libri Sex &c.* a P. Joanne Laurentio Lucchesinio Societatis nostræ Sacerdote conscriptum aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandetur, si iis, ad quos pertinet, ita videbitur; cujus rei gratiâ has literas manu nostra subscriptas, & sigillo nostro munitas dedimus. Romæ 12. Febr. 1713.

*Michael Angelus Tamburinus.*

---

*Imprimatur,*

**Si videbitur Reverendis. P. Magistro Sacri Palatii Apost.**

*N. Caracciolus Archiep. Capuæ Vicefg.*

A 2

Jussus



**J**Ussus a Reverendissimo P. Gregorio Sel-  
leri Sac. Palatii Apostolici Magistro per-  
legere Tomum Tertium Carminum R. P.  
Joannis Laurentii Lucchesinii, cum com-  
pertum haberem deputatos fuisse ad illum  
expendendum a Reverendissimo P. Gene-  
rali Societatis Jesu præstantissimos P. P. Joan-  
nem Baptistam Conti, & Ubertinum Car-  
raram, nihil opportunius a me fieri posse  
putavi, quàm si eorum sententiam explo-  
rarem. Illam inveni adeo congruentem me-  
rito Authoris, ut eandem libentissimè sub-  
scripturus hìc utramque referre decreverim.  
Sic ergo inquit Primus.

Tertium Carminum Tomum, in quo  
Lyricorum Libri Duo, Hymnorum Liber  
Unus, Epigrammatum Libri Sex continen-  
tur, Auctore P. Joanne Laurentio Lucche-  
sinio perlegi libentissimè, Auctoremque  
suum sui in omnibus persimilem inibi suspe-  
xi, videlicet Priscæ Latinitatis nitore, Sen-  
tentiarum luminibus, Eruditionis copiâ,  
& æquabili in primis perspicuæ locutionis  
facilitate, cujusdam tamen temperamento di-

dignitatis, experfecta semper, modestèque semper sublata, foelicissimum, atque adeo publica luce dignissimum.

Alterius verò Approbatio est hujusmodi :

Legi summa cum voluptate Tomum Carminum Tertium scriptum a P. Ioanne Laurentio Lucchesinio, Authore satis superque spectati nominis tot in editis hactenus Voluminibus de rebus multò altioribus. Verùm quia præsens Opus amplectitur Lyricorum Libros Duos, Hymnorum Librum Unum, Epigrammatum Libros Sex, præter Styli nitorem, & elegantiam, miscet hîc duorum Vatum principes dotes, in Odis, & Hymnis Horatii Sublimitatem, in Epigrammatis Aculeum Martialis. Proin Typis dignissimum censeo, & profuturum vel maximè Rhetoricæ studiosis, qui comparatis sibi formulis elocutionis selectæ pariter, & acuminatæ, ad utrumque diversæ Poeseos characterem poterunt eniti foeliciter.

Multò plura his adiicere possem, præsertim Extemporalis impetum spiritus, &

insignem Eloquentiam , qua in unum , idemque Argumentum Auctor Centena Epigrammata quater effudit . Sed ne singularem illius moderationem lædam , in alieno præconio conquiesco . Quare , cum adeo nihil in hoc Opere integerrimæ Fidei , probisque Moribus adverfetur , ut Pietati potius fovendæ plurimum idem conducat , dignissimum existimo , quod in publicum prodeat .

*Theodorus Pangalus .*



*Imprimatur .*

**Fr. Gregorius Selleri Sac. Pal. Apost.  
Mag. Ord. Prædic.**

LY-

# LYRICORUM

LIBER PRIMUS.

Sanctè Operosa ,

*Sanctissimi Domini Nostri*

## CLEMENTIS XI.

PONTIFICIS MAXIMI

RUSTICATIO.

JAMBUS.



NERS fuisse fertur Heroum Quies ,  
Iners Deorum , dum Teraphza jacet  
Pollux solutus gymnade: aut iussa hor-  
Junonis executus Alcides latus (rida  
Strato Leoni acclinat : aut post prælia  
Mavors recūbit fessus in Rhodopes jugo:  
Aut considerare Gangis in ripa videt

Bacchum Indus : aut mirantur Æthiopes Jovem  
Mensas suas revifere oblitum Ætheris .

Finxerit inertes Fabula Heroas , Deis  
Ignaviam tribuerit : Augusto Patri ,  
Suas adegit gerere quem Vices Deus ,  
Operosa tantum arridet , & magnis Quies

A 4

Ad-

Addicta curis . Rura , cunctatus diu ,  
 Adire tandem haud renuit ; aliorum at Labor  
 Ejus Quietì cedat . Innumera exhibet  
 Exempla laudum , Prisca quæ haud Ætas tulit :  
 Et Secula evolvenda suspicient simul  
 Fluxisse in unum . Palladis Quinquatria  
 Celebrabat olim in Colle , quem prope assidet  
 Romæ Alba Mater , fraude Tartarca Titus  
 Delusus . At nunc Magnus huic colli insidens  
 Sapientiæ nova Sacra constituit Pater  
 Divinæ , ad Aras Ipse dum semper facit :  
 Inopum catervæ quolibet mensam die  
 Instruit : in illis Ipse famulatur Deo :  
 Alioque nutrit pabulo mentes legens  
 Sacra Ipse Monita . Suetus Eloquentiâ  
 Mirâ Leones , & Gregorios plausibus  
 Regum Senatus reddere perorans Throno  
 E Vaticano , prima dignatur rudes  
 Nunc edocere Arcana , quæ tradit Fides ,  
 Puerisque septus quærere ex illis , utrum ,  
 Oporteat quæ nosse , retineat memor  
 Vis animi . An Antiqua omnia licet consulas  
 Monumenta , Fastis paria reperies sacris  
 Fuisse consignata ? Qui Pueros fovet  
 Pietate , Adultos deferat ? Convivio  
 Recreare sancto hos destinât : per Oppida ,  
 Urbesque spargit Nuntios , Cælestia  
 Ad Dona qui animos præparent , & præmia  
 Qui spondeant , cum singulis Numismata  
 Sint eroganda , sæta thesauro , eluat  
 Pœnæ ut reatum quilibet secum ferat  
 Hanc tesseram execratus admissum scelus .  
 Immensa populi copia ad Dias Dapes  
 Confluxit , in queis ficta spectatur Ceres ,  
 Salutis Ipse ast Author occultus latet .  
 Distribuit illum Millibus Sanctus Pater ,

Vul-



# LIBER PRIMUS.

9

Vultuque spirat, quem manu præfert, Deum.  
 Exultat Almus Pastor, ad Cælum suas  
 Eniti oves dum conspicit fausta die,  
 Qua Spiritus Divinus incendit fibras  
 Mortalium: hac luce agmina ferè Millium  
 Viginti ad astra precibus aspirant Tuo,  
 Pater Alme, munere. Innumera dum Cælitum  
 Mensam frequentat turba, cælesti ebrius  
 Nectare videris Ipse cum Superùm choro  
 Discumbere. A Latente, quem donat, Deo  
 Hebetare doctus lucis augustæ jubar  
 Alloquitur omnes blandus: in humiles casas,  
 Quas consecrat Religio, dignatur pedem  
 Inferre: sese indulget, ut Natis Pater:  
 Serena nec terrere Majestas potest  
 Voces precantum. Prævenit largus preces,  
 Quæ flagitare munera haud ausus pudor,  
 Ultro ingerit. Domesticum Sacrarium,  
 Ubi rusticata offerre Lojolæ cohors  
 Suevit Parenti Filium Æterno, jubet  
 Sortiri easdem, Tempa quas dotes habent.  
 Quid reliqua memorem dona, quæ in nos congerit  
 Paternus animum prolis incendens amor?  
 Quid sparsa in alios? Singulas ditat, quibus  
 Immolat in Aris. Alba prægestit suum  
 Spectans recludi carcerem. Sponte hunc prius  
 Frequens subierat Debitor, namque omnia  
 Æris alieni nomina ex ærario  
 Solvenda Principis esse certa quilibet  
 Præstegiebat mente, nec spes irrita  
 Lactavit ullum. Major Albanos Patres,  
 Quos Rector Orbis ad oscula Sacrorum Pedum  
 Admisit, & sua vota jussit promere,  
 Spes hilarat. Urbi propria lex illi fuit,  
 Ut Prole destitutus haud ulli queat  
 Relinquere sua, ad Principem at spectent, bona.  
 Hanc

Hanc abrogandam, initum nisi pactum vetet  
 Utrique parti commodum, spondet pia  
 Parentis Optimi Indoles. Phœbus velut,  
 Quæcumque lustrat, luce perfundit loca,  
 Serenat animos omnium Sol Principum,  
 Quos intuetur, miro & Alloquio beat,  
 Dum rura, quæ consultor Ægeriæ Numa  
 Adibat, aut quod Virbius coluit nemus  
 Hippolytus, aut amœna Telegoni juga  
 Invisit: illum aut Crypta si quando allicit  
 Ferrata, Achæo & cultus ibi Ritu Deus  
 Studium exacuit amantis Argolicos Patris,  
 Mirificè & Atticâ inclyti Facundiâ:  
 Aut Arce non digressus, Albanum Lacum  
 Quæ spectat, inde dividit cûras vigil  
 Terras per omnes, ut Quirinali super,  
 Aut Vaticano Monte si haud parcens sibi  
 A lucis ortu ad alterum solem loca  
 In cuncta mentem intenderet: & Animum velut  
 Obtundere valet nullus Æthereum labor,  
 Adamantinum sic Corporis robur foret.

Salvete colles, Itala queis Tempe insident,  
 In queis salubres Maximus somnos Pater  
 Incæpit iterum ducere, ac vires novas  
 Haurire: vobis debita est Mundi Salus,  
 Vestro fluit quæ fonte. Qui Herois vigor  
 In membra rediit, vota terrarum erigit.  
 Panacea sese prodit. Epidauri haud opus,  
 Aut Pergami herbas quærere: aut Cretæ latens  
 In gramine, aut quod pharmacum Amphrysi exhibet  
 Nemorosa vallis. Rura subiecta Algido  
 Reparantis annos Arboris laudem ferent.  
 Ne renue Rura hæc, Sancte Sacrorum Arbiter,  
 Identidem subire. Si nulla est Tuæ  
 Tibi Salutis cura, Mundo consule,  
 Cui Te præesse voluit Invitum Deus.

*Dum*

LIBER PRIMUS.

11

*Dum Illustriss., & Excellentiss. Dominus*

JOANNES MAUROCENUS

Eques, & D. Marci Procurator

*Taurinensi, Gallica, Germanica, Constantinopolitana Legatione perfunctus  
exoptanti Patrię redonatur,*

DITHYRAMBUS.

**N** Ec Fama ludit? Barbara Thracii  
Tandem relinquit littora Bosphori,  
Et Patriam lætus revisit,  
Quę Adriacis dominatur undis,  
Heros, Avorum gloria, Patrię  
Tutela, fulgor, prodigium, decus,  
Quo sospite exoptata cives  
Gaudia, deliciasque libant?  
Quo viduata suo caruit Regina nitore,  
Italiam Regina fovens, Bercynthia quamvis  
Lata Deüm partu, centumque amplexa feraci  
Reges illa sinu. Reducem nunc læta salutat  
Digressum toties, ut Patria vigil  
Bono excubaret, consuleret suę  
Ut cautus Urbi magnus Exul.  
Nunc decet illustres tandem finire labores,  
Quamque aliis peperit, jucundę nectare pacis  
Illum etiam post bella frui. Velut axe receptus  
Alcides regnat post debellata per Orbem  
Portenta, & haurit ore purpureo ebrius

Am-

Ambrosiam . At illum nobiles curæ manent  
 Prognatæ ab aliis . Horret Heroum indoles  
 Nomen quietis , inclytus quibus labor  
 Quies videtur . Mille perpetuæ obsident  
 Famæ viam discrimina , nec ante aurea  
 Subire Laudis templa mortali datur ,  
 Quàm monstra mactet horrida .

Interea pelagum dum Maurocenus ovantem  
 Transmittit , Myrtoa Thetis , Cretensis & omnis  
 Nympharum chorus , Jonii , Ægæique profundi ,  
 Adriacique Deæ sedent Neptunia regnâ :  
 Etesias , Zephyrosque parent strepitantibus alis  
 Obsequio pronos . Illius Numen & ipsæ  
 Sentiant undæ , tumidique Rector  
 Sentiat ponti . Ipsa etiam procella  
 Innocens olli sit , & hospitalis .

Improba nulla

Nam sunt vota , quibus fœlicia fœnerat astra  
 Patria Joanni , fuerit quo sospite sospes .  
 Ipsa suum Conchile Thetis , Delphinas Arion  
 Exhibeat . Vel si Navim dignatur , ab astris  
 Refixa veniat prima quæ domuit fretum ,  
 Dædala pinus ,

Cyaneas superare ruinas

Docta olim , Scythicique ponti  
 Minas superbas . Nomen inter sydera  
 Sortita quamvis , rursus infidi salis  
 Tentare fluctus ambiat ,

Nam mille in Uno Heroas excipiet sinu .  
 Hic Patriæ Typhis , clavum qui temperat urbis :  
 Hic Lædæ soboles , blando qui lumine fluctus  
 Mitigat irarum . Clavâ hic munitus , & igne  
 Monstrorum Alcides domitor , queis noxia tellus  
 Obsessa : Eloquio hic Regum vel barbara sacro  
 Corda Orpheus rapiens : velut olim carmine phocas  
 Threïcius traxit , sylvas , & marmora , Vates .

Unus

# LIBER PRIMUS.

13

Unus ast omnes quoniam Argonautas  
Laudibus vincit, viden, ut volantis  
Rursus admirans iter æstuosum

Puppis ab undis

Nereidum chorus exiliat, quem dicitur Argo  
Rapuisse quondam. Rursus ætheream ratem  
Nymphæ ambiunt, algæque Tritones latus  
Præcincti, & humeros: ipse Portunus volat,  
Nec Charites absunt. Musis comitatus Apollo,  
Dum sacra præclaro pinus sessore superba

Argiva radit littora,

Proxima Bæotiæ culmina destituit:

Ipsa etiam in pelagum Castalis unda fluit.

Sed tua Tritonum postquam tuba nomina ad astra,  
Maurocene, tulit, certatim carmine Nymphæ  
Hospiti plaudunt, Charitesque magno.

Audio? Alpinis, ait Amphitrite,

Quæ jugis Doris fluit, & secantes

Sequanæ, & Istri,

Flumina Nymphæ

Oceano patri narrant, quo Regia plausu

Alpina, & dives quo Gallia, Cæsaris aula

Quo tibi assultet. Neque te filere

Norunt sorores, sæva Propontidos

Quæ sæpe visunt littora.

Adriacum per te nomen, per te inclyta fama

Crevit, & Italiæ majestas fulsit in orbe

Odrysio. Te sollicitus miratur & hostis

Dis simulans frustra. Quoties te Thracia mater

Italiæ invidit, quoties te Thracia natis

Ostendit nurus! Egregias quascumque per aulas

Circumfers regnandi artes, obnoxia Regum

Corda rapis. Seu sanguineam si concutit hastam

Bellona, aut Astræa fugat si nobilis arma,

Pacis ades, facer & fugandi

Arbiter belli. Tua dum volentes

Vox

Vox rapit Reges, & amata nectunt  
Cordibus vincla ambrosio fluentes

Ore catenæ,

Sensere, ut Regnum in Reges parit aurea virtus.

Laurea tota tua est, animos qua vincis. In armis

Laudis coronam milites pariunt Duci.

Pennis ipse tuis inniteris. Inclyta Patrum

Nec te superbum gloria

Inferit astris,

Quamvis eximio ducas de sanguine nomen,

Olim Duces qui tribuit, & Patriæ Patres,

Reginas Regum thalamis, primosque Latini

Pastores Ritus Urbi, quæ præsidet undis

Hellepontiacis: ceu nuper Patria magnum

Suspexit Patrum, quo non præstantior alter

Ducere ad astra gregem, cælesti spargere rore,

Auro rigare. Sileat haud unquam Tybris

Purpureos Patres, queis Maurocena decorum

Infixit calcar Virtus, ut culmina laudis

Attingerent, quò rara pes vestigia

Mortalis urget. Ipse Avis illustrior

Hauris, & auges gloriam

Laudis avitæ.



In

LIBER PRIMUS.  
In Funere Illustrissimi Viri

FRANCISCI MARCHIONIS VILLÆ

*In Regno Cretensi Pontificii Exercitus  
Instruētoris , quod contigit  
Anno 1668.*

ODE PINDARICA.

**T**Roja Fortunæ domitrix protervæ ,  
Troja Virtutum domus , & viro-  
rum Fortium Mater , decimum Pelasgos  
Fregit in annum .  
Ilium dives stetit , atque celsa  
Risit e turri Priamus Mycenæ  
Frustra inundantes , suaque arva pasta  
Sanguine Grajo .  
Principum frustra , populusque Regum  
Fluxit , & centum riguere fertis  
Cassides Græcæ , dominata centum  
Sceptraque castris ,  
Frustra in immensam metuendus hastam  
Filius crevit Thetidis marinæ ,  
Donec , heu , circum rapuit cruentos  
Hæc tora muros .  
Pergama insultant furiis Achillis ,  
Patriæ donec clypeus gementis  
Hæctor excessit . Fugitiva magni  
Hæctoris umbra  
Dardanas sortes rapuit sub Orcum :  
Quotque sint raptæ , patuit , Phalanges  
Hæctore in forti . Timidæ superbus  
Munere Matris

Arva

Arva Pelides secat , & cruentam  
 Imprimis muris violentus hastam .  
 Troja fatalem domat at cupressum ,  
 Armaque Divum .  
 Semivir Dextram perimit Pelasgum :  
 Ictus en telo Paridis momordit  
 Ore tellurem Phrygio mucroni  
 Impervius Heros .  
 Haufit en frustra stygiam paludem !  
 Provida o frustra genitrix ! perempto  
 Hectore en rursus metuenda Troja !  
 Græcia fracta !  
 Classis en solvit Tenedo , & jocos  
 Sibilis Nerei celebrata , Reges  
 Currit ut centum referat Mycenæ ,  
 Signaque mille .  
 Classis at portu lateat ; procaces  
 Ora Nympharum jugulent cachinnos :  
 Classis eversæ spolia ampla Trojæ  
 Afferet Argos .  
 Hectore extincto lachrymosa fatis  
 Troja mutatis ruet ; aut aperto  
 Marte , seu cœca labefacta clade  
 Troja peribit .  
 Quam nec Atridæ domuere fratres ,  
 Nec genus Divum , populusque Regum ,  
 Nec gelu fregit decimum , dolosus  
 Vicit Ulysses .  
 Vicit insigni fabricatus arte  
 Palladi munus , Phrygibusque Enipeus ,  
 Et Sinon fregit per adusta currens  
 Pergama victor .  
 Fregit & centum gravidus Tyrannis  
 Quadrupes , victor sonipes Gigantum .  
 Talis haud unquam Enceladus minaci  
 Arsit in Ossa .

Re-



# LIBER PRIMUS.

17

Regna subvertit dolus , & sagacis  
 Fraudis inventor . Quis in hofte , virtus,  
 An dolus vincat Danaûm , requiret ?  
 Vincere pulchrum ,  
 Aut dolus vincat , vigor aut apertus.  
 Dexteræ hæc palma eft, ea palma mentis.  
 Præftat hic ergo reliquis triumphus ,  
 Inquit Ulyffes .  
 Creta, te virtus rediviya Trojæ  
 Bellicis flammis animat : renati  
 Mille te circum furibunda flagrant  
 Pectora Achillis .  
 Unus & centum Ducibus Tyrannus  
 Prævalet Thracum : levis eft tuorum  
 Hostium appendix inimica Trojæ  
 Græcia tota .  
 Nec decem tantum vigilavit annos  
 Sub tuis muris Oriens : corona  
 Hostium ex quo inflat tibi , quinque currunt  
 Horrida luftra .  
 Huic fuus Trojæ fuit alter Hæctor ;  
 Afpera aſt illum rapuere nuper  
 Fata . Francifcum Hæctoreo flagrantem  
 Robore fenfit  
 Creta defenfa . Ut generofa Patrum  
 Hæctorem virtus ftimulavit , atque  
 Regius fanguis : tibi militaris  
 Frondis honorem ,  
 Villa , clarorum tribuit Parentum  
 Indoles magna , & generis vetuſti  
 Splendor , atque aflueta agitare Martis  
 Dexterâ ſceptrum .  
 Quem latent veſtræ monumenta laudis ?  
 Littore in quo non rutilant trophæa ?  
 Quodque non vidit nemus irrigatas  
 Sanguine lauros ?

B

Ire

Ire per fastos trepidant Camœnæ ,  
 Queis iter centum labyrinthus arctat  
 Obsitus Palmis . Nequit at fileri  
 Dextra Ghironis ,  
 Quem Jovem sensit , simul & Gradivum  
 Creta custodem ; at metuit Tonantem  
 Thracia ultorem : trepidavit alto ex  
 Æthere Luna :  
 Gnosia & circum maris obstrepentis  
 Littora admirans trepidavit unda ,  
 Ille quam turpi docuit rubere  
 Sanguine Thracum ,  
 Ad suum postquam properasse vidit  
 Littus Alcidx geminas Columnas .  
 Omnibus metam statuit triumphis  
 Inclytus Heros ;  
 Hercules illas licet imperarit  
 Stare , quâ scindit brevis unda ab Afro  
 Littore Europen . Aget at perenni  
 Fama volatu  
 Te quoque a magno Patruale , Martis  
 Docte vim , Francisce , timentis Umbo  
 Cretici Regni , citò rapte , fortis  
 Hæctoris instar .  
 Ergo te Crete ruet occidente ?  
 Quin tuo a fato trahet usque vires :  
 Hæctori hoc tantum absimilis videris ,  
 Cætera compar .  
 Namque de celsa Superum superbos  
 Fulmina in Thraces jacularis arce :  
 Qualis ardentis pharetrata quondam  
 Dextera Phœbi  
 Torfit in Grajos celeres sagittas .  
 Æthere ex alto stygias phalangas ,  
 Villa , sic vexas , meritumque Thraces  
 Trudis ad Orcum :

Mar-

## LIBER PRIMUS.

19

Martis & sacri studium laceffis  
 Æmulis flammis acuens decorum  
 Pectus Heroum . Rhodani ecce potor  
 Flagrat in armis ,  
 Bellico fuetus glaciemque Rheni  
 Solvere afflatu , Tyberisque flavi  
 Incola : Europam stimulavit omnem  
 Bellicus ardor :  
 Copias Clemente , suosque Divos ,  
 Fœdere & secum sociata Regum  
 Arma præbente , obsidione Thracum  
 Creta soluta ,  
 Urbibus centum redimita , frontem  
 Inferet cælo : malè pertinaces  
 Hostium , si quæ superent , favillas  
 Æquora mergent .

## HOMINUM FOELICITAS

*A Deiparæ cum Divino Spiritu  
 Sponsalibus exoritura .*

## O D E .

**T**Andem frementis cornua 'Tartari  
 Infregit audax Terrigenûm manus,  
 Servire detrectans Tyranno,  
 Et stygiis dare colla loris .  
 Megæra tandem fletibus innatat ,  
 Luctuque delet belligeras faces ,  
 Sævît colubris Pluto inertis  
 In furiz latus , & morantes

B 2

Ur-

Urget chelydros, bella quòd impia  
 Cessant, nec hastas in superos vibrat  
 Mortalis; instantem ruinam  
 Tristi Acheron lachrymatur unda:  
 Immugit Orcus. Sed facili redux  
 Pax alma terras lumine recreat:  
 Injussa crescit messis, undis  
 Nectareis tumuere ripæ.  
 Gaudent morantis nubila fulminis  
 Frænare cursum: provocat ignea  
 Nec tela tellus, & Gigantum  
 Fata, suæ ambitiosa cladis.  
 Quin astra gemmis prodiga grandinant,  
 Imberque venâ provenit aureâ:  
 Astræa jam depulsa Pacis  
 It lateri comes imperantis.  
 Irrupta Sponsi copula Flaminis  
 Dum te, Virago, consecrat ætheri,  
 Nivesque candoris pudica  
 Flamma foveat, tua dos, Olympo  
 Hæc dona largo flumine concidunt.  
 Telluris hospes dum latitat Deus,  
 Hærare nescit laus in astris,  
 Et Charitum chorus obsequentum.  
 Mundi juvenus prima renascitur,  
 Dissingit aurum degeneres notas  
 Secli labantis, jamque culpa  
 Insipiens populata pectus,  
 Ruit sub orcum. Non hominum genus  
 Pirata mentis fraus mala fascinat.  
 Florescit immutata morum  
 Temperies, niveoque fulget  
 In ore veri candor amabilis:  
 Solem refusum moribus allinit  
 Divina Solis lux propinqui:  
 Dumque hominum Deus ambit umbras,

Fra-

## LIBER PRIMUS.

21

Fraterna gessit nomina prosequi  
Adæ propago moribus æmula :  
Nos miscet astris , vix minores  
Diis , sua dum premit ora Numen .  
Ergo solutam fulmine dexteram  
Cernes Tonantis ? Virginis in sinu  
Spectabis hærentem Puellum ,  
; Oscula dum petit , & liquatum  
Cor fugit , urgens brachiolis caput  
Caræ parentis ? Luminibus bibes  
Portenta , Mortalis , gementis  
Abrahæ ad invidiam beatus ?  
Ridentis ergo purpureas genas  
Libasse Regis , grataque suavia  
Admosse labris , & flagrantem ,  
Qua liqueas , rapere inde flammam ?  
Sed tu beatis ebria sensibus ,  
Haustique dives munere Numinis ,  
Miranda Cælo Virgo , blandam  
Invidiam Superùm laceassis .  
Hæc imminenti fatidico Aliger  
Complexus ævi fatum animo canit ,  
Incerta dum pendes , decoram  
Et dubitas tolerare sortem .  
Telluris exple , & Cælicolum preces :  
Fatigue dulcis splendida munera  
Ne temne , dum Natura Vitam  
Filix ab ingenio moratur .



B 3

PA-

## PASTOR PROPHETA

De gente Amos

BEATISS.<sup>MÆ</sup> VIRGINI

*Per Judææ Montes iter habenti prænuntiat  
Divina Munera ab illius hospitio in  
D. Joannem Baptistam, &  
Parentes derivanda.*

## O D E :

**A** Moris alis dum volat aureis  
Reginæ Divûm per juga montium  
Visura fœcundæ penates  
Elisabeth, Ovium Magister  
Afflatus æstro fatidico vider  
Dignata Sylvas visere Numina,  
Deoque commotus recepto  
Hæc animo canit æstuanti.  
I, magna Virgo, grande Parentibus,  
Et grande Nato præsidium ferens;  
Te Pax, & illibata mentis  
Gaudia, te Charitès Elysæ  
Sub testâ ducent. Quanta moves tuo  
Congressu amicis hospitibus bona!  
Non dives æquè Phœbus intrat  
Syderei hospitium Leonis.

Dile-

Dilecte cælo Pupule , carceris  
 Maternus horror non tibi lumina  
 Subduxit exoptata Solis :  
 Unio ceu radios Eoos  
 Conche parentis sub gremio bibit .  
 Que flamma venis hausta , quis insidens  
 Victor medullis regnat ardor !  
 Vulnificas amor ut sagittas  
 Excussit arcu ! Diffugit illico  
 Fatale Patrum crimen , & invidæ ,  
 Suisque devinctæ catenis  
 Præcipitant Furia sub Orcum .  
 Io , triumphe : cornua tartaro  
 Decussit Infans , Auspiciis tuis ,  
 Intacta Patrum Virgo labe ,  
 Qua sobolem paritura Mater  
 Necat sub alvo . Pupulus intulit  
 Per te Draconi Tartareo metum .  
 Dum fata diffingi maligna  
 Sensit iners , trepidavit omni  
 Cocitus unda . Fronde quis integrit  
 Victrice cunas , quis properat sacras  
 Palmas Idumes ? Victor Orbem  
 Ingredieris , radiosque primos  
 Plausu salutas . Nectaris imbuent  
 Liquente succo quæ Charites tibi  
 Finxere nomen . Te Virago  
 Sydereo gremio fovebit ,  
 Totumque fibris inferet æthera .  
 Ut inde Virtus pectora roborat !  
 Regina quid præsens amico  
 Numine , & innocuis adultus  
 Flos primus ævi sub laribus potest !  
 Spectatis ? Acta vix trieteride  
 Urget per obstantes propinquos  
 Pulchrum abitum generosus infans ,

**Virete Sylvæ :** vos beat incola ,  
 Quo non Eous currus Apollinis ,  
 Cadensve majorem quadriga  
 Vidit . Amos cineres triumphant :  
**Froncosa Vates** tecta iterum petunt .  
 En unda vitro purior aridis  
 Vix lacte depulsis labellis  
 Sufficit ambitiosa potum .  
**Si** quando parca torquet amor dapis ,  
 Errare rivos nectaris aspicit :  
 Reducta in aurum secla , truncis  
 Lapsa cavis trepidare mella .  
**Qua** fessa ponit membra sub arbore ,  
 Injussa tellus vere tegit sinum :  
 Lauroque , collatisque palmis  
 Depositedum studiosa cœlat .  
**Sic** crescet inter prodigia igneus  
 Defensor Agni Syderei Leo .  
 Hunc primus ostendit virorum :  
 Et populum , viden , ut rebellem  
**Voce** eloquutus fulminea petit !  
 Turbam influentem vix nemus excipit ,  
 Quæ dextram adorat fulminantis .  
 Magnanimam , Superi , repulsam  
**Audite .** Regi non ego solvere  
 Dignus cothurnos : sacrilegos procul  
 Auferte cultus , & latenti  
 Sceptra Deo properate , cives .  
**Vox** ipse Verbi , quo Pater omnia  
 Loquutus olim : Vox faciles Deo  
 Parare calles jussa : cives ,  
 Innocuos iterate cursus .  
**Corde** execrati mergite crimina  
 Jordanis undis : mox aderit Deus ,  
 Fœliciori qui scelestos  
 Fonte lavet , liquidoque cœlo .

In



## In Antrum Bethlemium.

## O D E.

**O** Rupes, domibus pulchrior aureis,  
Ortu digna Dei, cui radiantibus  
Lapso ex Ætheris oris  
Curvas hispida brachia.

**Quam** formosa nites, dum Superum tuo  
Præbes hospitium sub lare Principi,  
Et forti viduatam  
Cernis fulmine dexteram!

**Quam** formosa nites, Virginis ad sinum  
Dum spectas avidum tendere Pupulum;  
**Qui** fragrantia Matris  
Frontem torquet ad oscula!

**Non** illum rapido stringeret æquore  
Neptunus, patulo nec caperet sinu,  
**Quæ** porrecta per Orbem  
Tellus Oceano incubat:

**Non** illum Boreæ Regna capacia  
Urgerent liquidi finibus aeris,  
**Quem** tu lenè superba  
Gyro contrahis in brevi.

**Te** pressi tenebris nuntia Numinis  
Cæli lingua loquax stella superstitit:  
Auroræque Dynastæ  
Te corde, & genibus colunt.

**Cingent** nobilibus te quoque frondibus  
Pastores ovium: plurima populus,  
Undantisque hederæ vis  
Sertis impediunt latus.

De

De te mellifluo flumina nectare  
 Manabunt : posito frigore marmora  
 Innatumque rigorem  
 Linquent, ac teneram aureo  
 Discant mollitiem a Numine marmora .  
 Dumque imber lacrymis deciduus genas  
 Perfundet, cava saxa  
 Pupi fletibus aggement .

## D. LAURENTII

*Mirifica Indoles, & in Pænis  
 Constantia.*

## O D E.

U T stirpis ardor nobilis alitum  
 Regem paterno distrahit a sinu,  
 Raptique Solis quâ propinquam  
 Lucem oculo bibat irretorto :  
 Nunc in Dracones suscitât æmulum  
 Cupido belli : sic trahit ignea  
 Laurentium virtus ab Orbe  
 Nobile in exilium volantem .  
 Ad regna lucis tollitur aurea ,  
 Divûmque sedes . Ut volat impiger ,  
 Ut audet iratam Tonantis  
 Fulminibus viduare dextram !  
 Nunc æstuanti percitus impetu  
 Turbam Deorum vexat inanium ,  
 Ridetque, si, quos Roma fecit ,  
 Thura Diis adolere gaudet .

Ro-

Romana pubes vidit amabilis  
Contempta vitæ munera , dum breve  
Ver ducit ætas , dum decoro  
Flore animos hilarat juvenus .  
Heroa vidit fortis Iberiæ  
Iras Tyranni spernere ludicras ,  
Fatigue damnare imminentis  
Segnitiam . Didicit paternum  
In prole robur vivere suppari .  
Ætas avorum cerea moribus  
Formatur , & cum lacte fugit  
Ingenium genitricis infans .  
Sancta creatus dicitur arbore  
Iberus Heros . Dicitur inclyta  
Crevisse virtus innocenti  
Sub lare ; sed juvenile Xistus  
Firmavit ævum . Deficit indoles  
Innata , recti si studium cadit ,  
Nec prima robustis adulta  
Consiliis stabilitur ætas .  
Hoc Rege doctam non stygis agmina  
Flexere mentem , non hominum furor ,  
Illi nec abruptere somnum  
Suppositæ thalamo favillæ .  
Non sic malignus fauciat Africanus  
Prensam carinam fluctibus Adriæ ,  
Cum regna Nerei turbo vexat ,  
Et sonitu tremuere ripæ :  
Ut pulchra tortor corpora ferreus  
Sulcat flagellis , ut spoliat decus  
Immissa tempestas ab Orco  
In Juvenis caput immerentis .  
Exesa rupes attamen Æoli  
Ut frangit iras Carpathio in mari ,  
Derisit ardores Tyranni  
Fortis Iber , voluitque lethum ,

Vin-

Vinci dolentem te , Valeri , furor  
 Comprendit audax : Siccine Cæsaris ,  
 Divûmque decrevere , dicis ,  
 Imperia , ut Juveni protervo  
 Cedant inulti ? Culmina Jupiter  
 Frustra vibratis fulminibus quatit ,  
 Si parcit imbellis juventæ  
 Perfidia . Tua tela poscit ,  
 O Rex Olympi , Cerbereum caput .  
 Nostra ira friget ; corde adamantino  
 Gens quippe ridet mortis artes ,  
 Et medio juvenescit igne .  
 Jurata Regem namque sequi trabi  
 Fixum nefasta , supplicium probat ,  
 Luditque , si pœnas minemur ,  
 Quas amat . Ipsa suas requirit  
 Natura leges , nec tamen invenit .  
 Non talis usto corpore in Herculem  
 Succrevit Hydra , ut perduellis  
 Vulnere gens reparat vigorem .  
 Nec prisca sector : mille novi vias  
 Procudo lethi : sufficit ingenj  
 Vires Erynnis ; sed superbos  
 Funera progenerant triumphos .  
 Permitto Divis cætera . Vincimur ,  
 Sed victa cedit vis quoque Numinum .  
 Urgemur , at nobis maligna  
 Fata Jovem , Superosque tangunt .



LIBER PRIMUS. 29  
DE B. ALOYSIO GONZAGA,

*Dum nascebatur, Sacris Baptismi  
aquis lustrato.*

DITHYRAMBUS.

**D**ilecte Cælo, non tibi carceris  
Maternus horror lumina amabilis  
Subduxit exoptata Solis.  
Unio ceu radios Eos  
Conchæ parentis de gremio bibit.  
Quæ flamma venis hausta! quis intimis  
Victor medullis regnat ardor!  
Vulnificas amor ut sagittas  
Excussit arcu! Cornua Tartaro  
Decussit infans sydereus. Sua  
Dum fata diffingi maligna  
Sensit iners, trepidavit atrâ  
Cocitus undâ. Fronde quis integit  
Victrice cunas? Quis properat sacras  
Palmas Idumes? Victor Orbem  
Ingredieris, radiosque primos  
Plausu salutas. Nectaris imbuet  
Succo, liquenti te Charis æthere.  
Lucina Divorum, Virago  
Sydereo gremio fovebit,  
Totumque fibris inferet æthera.  
Ut inde virtus pectora roborat!  
Urget per obstantes propinquos  
Pulchrum abiturum generosus exul.  
Fugitivas, Aloyfi, fuge pompas,  
Fuge pulchra latitantem cute pestem,  
Fuge syrtes, fuge fluxum peritura decus aulæ.  
Age

Age cursum : per apertum quate pennas ,  
 Pete velox Tyberinæ juga ripæ ,  
 Ubi colles minitantur caput altum inferere astris .  
 Opulentas tibi gazas , & honores ,  
 Tibi Regnum , allicientisque Charybdis  
 Studium aufert , Aloyfi, radiantis jubar Æthræ .  
 Illi ut perpetuò volvitur aureus  
 Pura luce dies , qui volat alitis  
 Mentis remigio ad Sydera , & ubera  
 Sugit gaudia Cælitum !  
 Ille haud æthereæ oblitus originis ,  
 Qui nil mente fitit , nil bibit ebria ,  
 Quàm quæ nectareo gaudia vulnere  
 Christi suppeditat latus .  
 Quò te Divus amor proripiet sui  
 Plenum ? quàm gravidum pectus agit Deus ?  
 Quis pennas humeris Dædalus addidit ?  
 Ut pondus tibi corporis  
 Excussisse juvat ! Quis neget incolam  
 Astrorum , innocuos condere quem dies  
 Spectas , æthereos volvere pectore  
 Motus , atque animi impetus  
 Omnes arbitrio flectere Numinis ?  
 Quem cernis latebris usque silentibus  
 Divini radios quærere Apollinis ,  
 Atque haurire animi fibris ?



B. ALOY-

LIBER PRIMUS. <sup>31</sup>  
B. ALOYSII GONZAGÆ

O C U L I.

O D E.

**O** flammis oculi sydereis pares ,  
Fulgentes niveæ frontis in æthere ,  
Dulci non sine risu  
Lucem panditis auream .  
Vos puram placido lumine cordibus  
Inspirare diem , vos Paphium nefas ,  
Irarumque procellas ,  
Et nigras Erebi faces  
Discussisse , canam : Vos adamantina  
Vallant claustra , Cypris si ferit obvia  
Obtutum , aut puer Ales  
Vultu lubricus aspici .  
Vos flagrantis iners aura Cupidinis  
Nescit tangere : vos pompa Quiritium ,  
Et pictis vagus armis  
Martis terror amabilis  
Frustra proposito flectere credidit ,  
Aversosque nova fallere imagine ;  
Nam virtutis avarus  
Terræ deposuit puer .  
Non sic Hinnuleum territat Africanus ,  
Cum leni strepitu turbat arundines .  
Non sic agna leonem  
Vitat , vel rabidum lupum ,  
Non sic Enceladus Gorgoneum caput :  
Ut Gonzaga timet cernere disparis  
Quos discrimina sexus  
Molles dissociant choros .

Quis

Quis credat ? Genitrix non valuit pium  
 Inflexisse animum, quæ nimis asperum  
 His aggressa pudorem  
 Blanda sollicitat prece .

Laudo propositum , Nate : Cytheridis  
 Ne vultum facili lumine videris ,  
 Nam , quæ pectora turpant ,  
 Delibare oculis , nefas .

Atqui non ego te , Cypris ut impotens,  
 Falsis difficilem necere persequor  
 Verbis , non ego diram  
 Vultu Gorgona præfero .

Non ostrum roseis purpurat in genis :  
 Jam turpis macies occupat aridam  
 Frontem , nec lepor ignes  
 Malis nutrit eburneis .

Quid Matrem viduas lumine prospero ,  
 Fili ? Num scelus est fœmineum genus ?  
 At culpare Tonantem  
 Plus justo tumidus , cave .

Qui de quadrifida sanguineos trabe  
 Demisisse oculos fertur , & auream  
 Compellasse Parentem ,  
 Et Matris lachrymas suis

Penè auxisse pius . Quæ pietas facit  
 Invisam Genitricem ? Heu nova ferreo  
 Ponis jura pudori ,  
 O quondam puer aureus .

Matri redde diem , Nate : quid invidum  
 Lustras usque solum ? Num tibi mitior  
 Tellus visa Parente ?  
 Num tellus Genitrix fuit ? •

Ah , te si caream , Nate , quid immoror  
 Invisam hanc animam linquere ? Munera ,  
 Quæ despero superstes ,  
 Collapsa in cineres feram .

Emi-



## CARDINALIS GEORIUS

*In pulcherrimum a se fabricatum Sacellum  
D. Severini Ossâ transferri jubet.*

## O D E.

**Q**UÆ ducta cælo sacra Colonia  
Visum beavit? Quæ Domus æmula  
Solis superbam vincit aulam,  
Et Superos petit inquilinos?  
TERRÆ gementis viscera nobili  
Vexare ferro, & marmora Hymettiis  
Æquanda: thesauros avari  
Eruere e pelagi latebris,  
Septempedanos mirus amor docet,  
Ut furgat augustum hospitium ætheris,  
In quo Severini sepulchro  
Magnanimos cineres recondant.  
HÆC ambientes sponte volaverint  
Ad tecta Divi: huc, auguror, agmina  
Beata certatim, & decoræ  
Aligerum properent phalanges.  
HUC ipse, sudat cui labor, inclyta  
Cui furgit Ædes, huc Populi Pater  
Accedet, & gratum benignus  
Fronte hilari hospitium subibit.  
CESSANT ministri, queis humeros onus  
Fortunat optatum, aereum celer  
Sulcabit, ut delata pennis  
Machina iter, cineresque sacros

C

Con-

Condet Sacello . Ceu Totilæ impius  
 Septempedæ olim cum incubuit furor ,  
 Urbemque fumantem Gradivus  
 Stravit humi , fugitiva nidos  
 Post dira Martis fulmina patrios  
 Cohors revisit : sollicitus locum  
 Consultor exquirat , renatæ  
 Quo Patræ reparata testæ  
 Ad astra surgant . Illicit aureo  
 Imposita curru , nullius indiga  
 Ducis , Severini locantur  
 Corpora , & arbitrio volantum  
 Relicta equorum rheda viam vorat :  
 Demittit altum Sylva caput , gelu  
 Duratur in gemmas , per arua  
 Scena viret properata veris ,  
 Quæ rheda transit , dum nivibus graves  
 Sylvæ laborant , dum riget horrida  
 Tellus , & errantes coerces  
 Vis hyemis furibunda rivos ,  
 At quæ recurrens unda Potentiæ  
 Brumæ morantis fræna pati negat ,  
 Ut Currus hæsit , obsequentes  
 Attonitum tenuere cursum  
 Fluctus , & altum lympha reciproca  
 Curvavit arcum : præterit invidi  
 En Regna Neptuni quadriga  
 Colle nigro positura Divum ,



Ger-

## LIBER PRIMUS.

35

Germanæ Mulieres suos in Expeditionem  
Hierosolymitanam prosequuntur.

## O D E.

**N**EC dum subactos Thracas ahenci  
Vinxere nodi, nec Capitolium  
Vidit catenatos tumore  
Deposito cecidisse Turcas?  
Nec Luna pallet? Bustaque Numinis  
Exempta nondum Threiciis gemunt?  
Perduntur iræ: decolores  
Eridani timuere fluctus:  
Superbit Hebrus: Christiadam in latus  
Mucro rotatur, machina subruit  
Turres amicas: Othomannus,  
Incolumi Babylone, regnat.  
Proh crimen ævi! Turpis inertia  
Non sic avorum pectora fregerat,  
Nec nostra raro Turca vidit  
Signa Syris volitare campis.  
Germana virtus, implicuit tuas  
Palmis Idume nobilibus comas,  
Lectam cohortem Fœminarum  
Cum Solymæ timuere cives.  
Natura leges erubuit suas  
Cessisse Marti, cum premeret gravia  
Crines recisos cassis, umbo  
Cum Gothicas tegeret Camillas.  
Auditis? An me ludit amabilia  
Imago belli? Jam ferit æthera  
Clamor superbus, jam pudendo  
Murmure congemuere Thraces;

C 2

Jor.

Jordanis undas nam prope nobiles  
 Instructus ardor Christiadam rotat  
 Mortem volentem, atque indecoro  
 Auget aquas fluvii cruore.

Tormenta crebro fulmine mugiunt  
 In expaventum vulnera Bistonum,  
 Ducesque, & æratas phalanges  
 Fulmineo implicuere nimbo.

Armata Pallas Gorgone Fœminas  
 Præit feroces, & Sociis favens  
 Bellona curru inuenta, duro  
 Odrysios agitat flagello.

Non sic superbas Xanthus Amazonas  
 Miratus undis attonitis stetit:  
 Ut unda Jordanis cruentos  
 Teutoniæ trepidavit enses:

Confossa telis ut muliebribus  
 Iter negarunt corpora fluctibus:  
 Frænavit haud sic arrogantem  
 Penthesilea furens Orontem.

In Funere præclarissimæ Heroinæ

F U L V I Æ C Y B O

*Massæ, & Carrariæ Ducis.*

O D E.

O Quæ metallo, Fulvia, principe,  
 Aut clariori a Cæsare syderum  
 Illustre nomen, quæque magnis  
 Grande genus Proavis trahebas,

Ex-

Extincta palles! Eumenidum soror  
 Mors, quæ superborum improba funerum  
 Fames adegit, falce dignam  
 Nestoris ut mæteres senectâ?  
 Heu perduellem non Equitum phalanx  
 Mortem coerchet: copia divitis  
 Non frænât auri, non potentis  
 Imperii decus, aut decoræ  
 Formosa frontis sydera dimovent.  
 Quis hic cupressus luctificum prope  
 Rogum inserit? Quis decolori  
 Spargit humum viola, Camœnæ?  
 Apollo, mæsto tibia lugubris,  
 Plectrumque rauco nunc ululet sono:  
 Novemque terram verrat atro  
 Syrmate mæsta cohors Sororum.  
 At quò doloris me rapit imperus?  
 Cur invidendam fletibus urgeo?  
 Lugere nec fas, quæ superbos  
 Funera progenerant triumphos.  
 Quò celsa dudum vota superstitis  
 Prægestiebant, mors iter explicat:  
 Dum temnit Orbem aspirat astris,  
 Et volucres lachrymatur alas  
 Hæfisse fati: mox ubi pallido  
 Mors blanda vultu fletibus annuit,  
 Gestivit, ut nudata vinclis  
 Gaudet avis volitare cælo.  
 Atque hic perennis te pariter rogo  
 Fama excitabit. Spargere ad ultimas  
 En illa terras nomen ambit  
 Magnanimum: quatit ecce pennas.  
 Post e volatu sydereo redux  
 E marmore ambit Templa Lygustico  
 Tibi sacrare: aurita cerno  
 Marmora sponte sequi canentem.

Decedit illis Tænareus lapis,  
 Vena & Caryſti, nec Phrygium poteſt  
 Certare marmor, nec, fodinæ  
 Quæ Namidûm tribuere, ſaxa.

## In eodem Funere.

### O D E.

**F**ULvia, illuſtris generoſa ſtirpis  
 Gloria, auguſtum, rutilumque nomen,  
 Vita dum luxit, ſpolias amato  
 Lumine terras?  
 Sol tuis quondam fueras, ſed atræ  
 Hesperus noctis face decolori  
 Corda nunc torques. Rutilante cujus  
 Fulgur honorum  
 Vertice in ſummo radiabat olim:  
 Blanda majeſtas, rapiens amorem  
 Fulgor ut caſti radiis nitoris  
 Pinxerat ora!  
 Pulchrior mentis color at ſerenæ  
 Fulſit: Æterni ab radio Parentis  
 Duxit exemplum genialis ardens  
 Luce nitoris.  
 Numinis quantum tulit a beato  
 Fonte! Ut illimes oculi loquuti!  
 Corda qui incendit, Deus ut ſereno  
 Fulſit in ore!  
 Auſpicem te Juſtitiz, innocentis  
 Præſidem fauſtam meriti coronant,  
 Supplici & queſtu tumultum clientes  
 Floribus ornant,

Cer-

Cernis in quantos lachrymosa luctus  
 Ora solvantur ! Viden , ut sepulchro  
 Invident ! Dicunt : Tibi Cordis urna  
 Aptior esset .

Te piis utgent lachrymis ademptam  
 Subditæ gentes ; hilari sed ipsa  
 Lumine instantis truculenta fati  
 Ora tueris .

Ut quies omnes animi procellas  
 Ponit ! Ut vastæ penetræ mentis  
 Alma pax mulcet ! Viden , ut vocanti  
 Visaque Olympo

Obviam ferri properante penna !  
 Interim sacrum , quod ab Axe manat ,  
 Nectar hinc hausit , magis ut sitiret  
 Ebria cælum .

Ad præstantem eximio Ingenio ,  
 & Facundia

P. MAGISTRUM LEPORI  
 Ordinis Prædicatorum ,  
*Deinde Salutiarum Antistitem .*

O D E .

**R**egnata quondam Templa iterum petit  
 Forfan Minerva ? An Thracius aureis  
 Orpheus catenis corda nectit ,  
 Quem decorant Charis , & Lepores ?  
 Quem rore puro Castalius liquor  
 Sparsit tenellum , cui dedit ubera  
 Blandita Suada , inque ore nidum  
 Virgineæ volucres locarunt .

C 4

Huic

Huic docta gazas Flora suas dedit :

Huic ver Hymetti prodiga munera :

Nunc , floribus fœcunda , campos

Ille tuos populatur , Hybla .

At corda pascens nectare melleo

Exosum amaro felle petit nefas .

Nectit catenas ; at beatis

Oscula dividimus catenis .

Quæ blandienti buccina personat

Clangore Romam , terribili tonat

Ira in scelestos , nulla quamvis

Nubila pervolitent sub axe .

Tonat , serenis dum micat ignibus

Illustre Cælum : fulminat impios ,

Dum sermo , ceu ridens Olympus ,

Syderibus micat eruditis .

Trifulca vexent tela superbiam ,

Vexent reluctantum agmina criminum :

Securus idem tela spargis

Nil odii trepidans venenum .

Blandiris ipso fulmine , & ignea

Quæ tela torques , nectare proluis.

Te , vel tonantem , Roma adorans

Fulmineæ pia tela dextræ

Sitit , beato vulnere faucia .

Mirare quicumque eloquium excolis

Floræ efficacis vim potentem

Fulminibus Periclis Platonis

Miscere nectar . De tumulo invidam

Attolle frontem , Templaque Palladi

Olim dicata , irate Tulli ,

Attonitis oculis tuere :

Nec te sonantem largius aureis ,

O Marce , verbis concio tam frequens

Suspexit unquam , nec beatas

Hausit opes sitibunda Roma ,

Quas



# LIBER PRIMUS.

41

**Q**uas ore fundens fluminis æmulo  
 Latè explicabas . Non ita sanctior  
 Orator unquam confluentem  
 Vidit adesse sibi coronam ;  
**C**ampana quamvis ære sonantior  
 Nuper tonaret , perque Italas volans  
 Cieret urbes grande murmur ,  
 Atque tuos quateret , superba  
**O** Roma , colles . Blandius intonat ,  
 At corda Rhetor fortius attrahit ,  
 Plausu Quirites quem recenti  
 Concelebrant , meritoque tollunt  
**A**d astra nisu . Cernis , ut aureas  
 Dum Roma voces pendula combibit,  
 Venere Musæ , atque Hippocrenes  
 Deferuit latices Apollo ?  
**H**æc te volantem nobilis ingenj  
 Miratur alis , atque homines supra ,  
 Supraque nubes , & beati  
 Ad solium penetrare Regis .  
**A**t illa mentis vim memoris stupet :  
 Hanc vocis argutæ exhilarat Lepor :  
 Hanc gestus , & cum voce blanda  
 Exhilarant digiti loquaces .  
**A**ttolle pennis non homini datis  
 Ad astra cives : Templa , Colonias  
 Cæli , ut frequenti prole ditas ,  
 Sic numerum patrio adde Cælo .



LY-

<sup>42</sup>  
**L Y R I C O R U M**  
**LIBER SECUNDUS,**

Inquem referuntur editæ anno 1670.

Odæ in laudem

Palutii Card. de Alteriis,

Aliorumque ex ea Pontificia Domo

Principum, cum iidem excipiendi essent

In Collegio Romano.

Brevissimæ sunt omnes, quia

in longum productas

non excipiebant designata loculamenta.

**PALUTII CARD. DE ALTERIIS**

*Curæ Sacro Principe dignæ.*

**S**UBESSE Regi Sydereo, Imperj  
Latus prima Sacri est. Parietis aurea,  
Depicta fervorum venustas,  
Currus Apollineam laceßens  
Auro quadrigam, gemmea quadrupes  
Lupata mandens, alipedum canum  
Vis, quodque regali tributum  
Cuncta ferunt elementa cœnæ:  
Sunt probra Sacri Principis. Ætheris  
Est Cardo quisquis moribus aureis  
Effulget: ac desert ad Aras  
Damna factis populanda flammis

Syl-

Sylvæ Sabæ creber : & Hostiam  
 Cælo Sacerdos se pius immolat :  
 Suoque placatum sequester  
 Conciliat populo Tonantem .  
 Tunc & recepti Numinis ebrius  
 Amore , Pastor lac Sapientiæ ,  
 Gregique porrectum liquabit  
 Innocuæ Pietatis uber .  
 Hac arte , Princeps , Purpurei inclytum  
 Decus Senatus , eriperis solo :  
 Cælestis & fulgore lucis  
 Attonitos hilaras Quirites .

Faustum Virtuti Seculum

S V B

## PALUTIO CARD. DE ALTERIIS.

**A** Urea quæ jactant lymphati secula Vates ?  
 Mentitur Thymbræus Apollo .  
 Flumina nec riguis fluxerunt aurea gemmis :  
 Puniceo nec vellere dives  
 In campis Aries fulsit , nec Terminus agris  
 Abfuit . Aut si faustior ætas  
 Blandita est Orbi quondam , populoque Latino,  
 Cessit deterioribus annis ,  
 Ex quo Tybris aquas mollis violavit Orontes .  
 Virtuti uunc Aurea reddis  
 Secula , Romano tergis qui nubila Cælo ,  
 Quo , rident nunc , Principe , soles ,  
 Auspice quo Populis nova fulsit vena salutis :  
 Qui facili clementior Astro  
 Commune exuperas votum , lætusque videri  
 Plurimum habes commune Tonanti ;

Nam-

Namque Urbi prodesse, putas decora inclyta Sacri  
 Imperii. Sapientia gemmis  
 Nescit Erythræis regale sonantia verba.  
 Quæ vigilem longo agmine curæ  
 Circumstant, adimunt fera tibi nocte soporem.  
 Quis Phidias dignissima cælo  
 Ora sacrâ fingit dextrâ? Subscribimus: Urbis  
 Hic Pater est, Custosque Quiritum.

## PALUTIUS CARD. DE ALTERIIS

*Purpuratorum Principum Idea.*

**F**ormas, Cælicolum Chorus  
 Arcano taciti Numinis in sinu  
 Quas miratur, ab Æthere  
 Lapsas rarò hominum concilium videt.  
 Te Formam stupet at suam  
 Quisquis Purpureo Murice fulgurat.  
 Hanc mentis niveus rubor  
 Exornat melius,quàm Tyrius liquor.  
 Vultus Purpura nobilis  
 Accendit Trabeæ Sidonium jubar.  
 Vivis sacra decentius  
 Virtus imbuit hoc fyrma coloribus,  
 Cui nil suppeditat solum.  
 Non mittit Tyros, aut Africa muricem  
 Ad Phryxi aurea vellera.  
 At flos hîc rutilat Puniceæ Iridis:  
 Phœnici inficit aureas  
 Qui pennas, micat hîc sanguineus color:  
 Hîc & candida syderum  
 Lux ridet: placidi fulgor Apollinis  
 Huc fluxit: Meritis sacram  
 Iniecit Chlamydem Diva humeris Themis.

SUB

LIBER SECUNDUS. 45  
SUB PALUTIO CARD. DE ALTERIIS

*Justitiæ, ac Pacis, cæterarumque  
Virtutum Imperium.*

**G**ressu Romuleos quis quatit alite  
Colles, atque canit sydereum melos,  
Cælo lapsus ab alto  
Formosus Charitum Chorus?  
Astræam video: lumine territat,  
Sed terror decet. Hinc torquet ad oscula  
Pax frontem, diadema  
Cui Thaumantias explicat.  
Hinc irrupta Fides, almaque Veritas  
Alternò choream gressu iterant, manus  
Confertæ, ac Tua, Princeps,  
Tollunt nomina ad Æthera.  
Te regnante etenim Regna iterum petunt  
Expulsæ Charites. Vincere gestiat,  
Qui causa potiore,  
Non qui præsidio imminet.  
Solem quadrijugo pronius aureo,  
Quàm Te Justitiæ abstraxerit orbitâ,  
Quæ votis oneratur,  
Te Rege, Ambitio irritis.  
Sontes attenuas & pretio fidem  
Oblato faciles frangere vitream:  
Larvas cogis & atras  
Fucum prodere pectoris.  
Cretata extulerit se sapientia?  
Synceramq; lucris turpibus immolet?  
Aulæ monstra bilinguis  
Nil, Te vindice, proderunt.

PA-

46                      LYRICORUM  
PALUTIUS CARD. DE ALTERIIS

*Maximis Imperii Curis Major.*

**P**ellæi Juvenis fluctuat alveo  
 Pectus sollicito, perque genas cadunt  
 Ubertim lachrymæ non humiles, suo  
                     Quod non imperio premit,  
 Quotquot Democriti somnia, Cynthia  
 Trans Cælum, populos, regnaq; sinxerant,  
 At vix edomuit, quos face Lucifer  
                     Eous rosea beat.  
 Quos Arctos nivibus tardior obruit:  
     Queis incumbit Atlas rupibus igneis:  
     Queis Vesper rutilat, dum viduum die  
                     Nox Cælum bijugo subit,  
 Haud Martis rapido turbine subruit.  
     Orbis consiliis sed minor est Tuis,  
     Princeps, qui celeri mente per omnia  
                     Curas littora dividis.  
 Clemente Auspicium, Præsidium, & suos  
     Divos consociante, Imperio immines,  
 Atque ipso eveheris pondere; nec valent  
                     Te lassare negotia,  
 Qui curis aleris, cum penetralia  
     Cordis pax hilaret; dum Maleæ in vada,  
 Urget puppim Aquilo, despicias æquora  
                     Clavi alto moderamine,



PA-

LIBER SECUNDUS. <sup>49</sup>  
PALUTII CARD. DE ALTERIIS

*Voluptatum Odium, & Reipublicæ Studium.*

**U**rbis Æternæ Cumen, Latini  
Imperj clarum decus, innocentis  
Purpuræ Sydes, tua frangis acri  
Pectora nutu.

Quod licet, tantum libuit, nec omne  
Quod licet, semper libet imperanti.  
Mitigas curarum & amara parco  
Tempora risu.

Haud Erythræ decorant smaragdis  
Infule sacrum caput otiosis.  
Dona presentis capere usque temnis  
Sedulus horæ.

Haud Tibi indulgens, aliis soporem  
Elocas: curas operosiores  
Consecrans, ne quæ populus laboret,  
Pervigil ardes.

Urbis hinc audis Pater, atque Custos,  
Publicæ fingens bona faustitatis,  
Regna cui sordent, nisi Rex subactis  
Serviat Orbi.

PALUTIUS CARD. DE ALTERIIS

*Cupiditatum ab adolescentia Victor.*

**Q**uis æstuanti vincla licentiæ  
Æthonis addat? Quanta Hyperionis  
Infanientes vis jugales  
Corripiat, Phaeton trifulco  
Telo peremptus dicat, & aridi  
Exhausta flammis Eridani vada,  
Funusque Mundi. Sed ruentes  
Solis equos citius negatis

Si-

Sistes habenis, quàm juvenem, genus  
 Illustre, & ardor sanguinis, asperæ  
 Cui legis expertem per omne  
 Suadet iter glomerare cursum.  
 At te, Quiritum Spes & Amor, juvat  
 Acri juventæ neçtere vincula.  
 Tibi ipse præscribis Lycurgus,  
 Et Cato, Pompiliusque leges.  
 Vidit Lyceum, quod Draco pervigil  
 Custos tuetur, Palladis artibus,  
 Et fortis imbutum Pudoris,  
 Ad Tyrios properare cultus.  
 Nunc Magnus Hospes, cum Charitum choro,  
 Regnum Minervæ dum repetis, suus  
 Apollo Parnasum revisit,  
 Castaliasque hilarat sorores.

## PALUTII CARD. DE ALTERIIS

*Candidi, & integerrimi mores.*

**I**N ore regnant, que Tibi Charites Sacrum  
 Finxere pectus: flumina  
 Labris feruntur mellea, ac sese lepor,  
 Et tota promit Comitas,  
 Moresque madidi neçtare, & frontis nitor,  
 Ritusque blandus luminum,  
 Latentis animo signa fulgoris vibrat,  
 Et lactis instar candidæ  
 Mentis. Retenta fronte privata, inclyto  
 Conspectus Ostro, tempora  
 Coruscus auro, publicæ servis rei.  
 Sic ore Clemens aureo,  
 Nutuque blando vocis augustæ micat.  
 Regnare compulsus probat

In-



Innube Cælum frontis , & ridentium

Fulgor benignus Syderum .

Ut corda miti fascino hic nictus rapit !

Ut sponte demissus Sacræ

Apex Thiaræ vertice excelsa altius

Attingit Arces igneas !

## GASPAR PRINCEPS DE ALTERIIS

*Lauræ de Alteriis Conjugio decoratus .*

**C**onjugio , Gaspar , Lauræ dignate superbo ,  
Quam spes Quiritum Sponsam anhelabant : velut ,

Quos mundo debet , cum Sol in Virgine fixit

Oculos , virere Laureum vidit nemos .

Non unus Lauræ fuit huic , aut alter Apollo ,

Casto jugalis ambitu accensus facis .

Nec veniunt , quamvis regali , a dote sagittæ :

Nec forma , quamvis vincat Idæas , rapit ;

Sed Morum nitor , & sexu Prudentia major ,

Magnusque Patruus Gentis Alteriæ Decus .

Exoptatus Hymen Tibi defert Aurea Pomæ ,

Indole , & Averum stemmate , & meritis pari .

Æmula cui Patrum Virtus , quam mordet honesto

Præclara sensu Gloria , ingenuus Pudor ,

Divorum cultus , præcox animique senectus ,

Dant innocentis esse consortem Thori .

Sed Tua quo virtus alios sub Iudice vincit ?

Tibi Pallas ipsa , non dedit Palmam Paris .

Lectus ab Æmylio , Superum censeris ab aula

Prælatus aliis . Ille nocturnus solet

Concilio Divum misceri , oracula rebus

Numine suis secuta consulto ferens .

Non sic Ægeriâ doctus Numa , vel Jove Minos ,

Majæ Carondas prole , vel Phæbo Solon ,

D

Con-

Confiliis aut, Vesta, tuis Zamolscis inanem  
 Mercatus auram, splendide mendax, fuit.

## GASPAR PRINCEPS DE ALTERIIS

*Præclarissimorum Parentum Decus  
 amplificat.*

**H**eroum Soboles, quos Tyrium jubar  
 Ostri Romulei, sceptraque Martia,  
 Auro Sydere sparfaque laurea  
 Divum concilio inserit,  
 Quamvis provenias Arbore ab inclyta,  
 Ac Te Faustus Hymen inferat alteri,  
 Aurato nituit secula quæ decem  
 Phryxi vellere nobilis,  
 Non censes Tua, quæ suppeditant Avi,  
 Sed quæ ipse amplificas, stemmata Gloriæ,  
 Quæ magnis valeant ferre Nepotibus  
 Ex Te Patre superbiam.  
 Virtus fulgida Avorum antetulit facem,  
 Qua nunc & Pietas, & Pudor, & Modus,  
 Mentis clara dies & niteat Tuae,  
 Romanæ & studium rei.  
 Frustra degeneres Nati Abavos strepunt,  
 Quorum gesta probris dedecorant suis,  
 Quorum umbre ingenuæ crimina Filiis  
 Semper fontibus exprobrant.  
 Fundamenta locant magnanimi Patres.  
 Ni fastigia tu admoveris Ætheri,  
 Debebis populo ludibrium, ut Gigas  
 Fractis turribus obrutus.

AN-

LIBER SECUNDUS. 31  
ANGELI PRINCIPIS DE ALTERIS

*Compositi in Principatu Animi  
moderatio.*

**A** Bditos mentis niveæ rubores,  
Et verecundam fer ad astra lucem  
Principis: Pindo huc agilis relicto  
Labere, Clio.

Ille non fato tumidus secundo  
Vela protendit: nihil inquieto  
Credulus Ponto, nihil & faventi  
Credulus auræ.

Novit, hoc tantum stabili teneri  
Lege, ut exortum nihil usque confitet.  
Ore sortem composito ferenus  
Spectat utramque.

Discit exemplo tenuare magno  
Corda. Clementis generosa Solis  
Sydera innubes imitata vultus  
Lumine blando

Emicant. Longum Pudor hic triumphet:  
Semper & Cælo niteant Latino,  
Quæ Jovis faustam, facilemque fundunt  
Sydera lucem.

Sed minax Martis, truculenta diri  
Stella Saturni procul est, sacrisque,  
Axe quæ regnent diuturna nostro,  
Distat ab Astris.



52 LYRICORUM  
ANGELI PRINCIPIS DE ALTERIJS

*Aequus Animus in utraque  
fortuna.*

**Q**ui nec fecundis tollitur, arduis  
Nec rebus unquam concidit, asperi  
Exarmat iram, & blandientis  
Munera, nequitiamque fati.  
Prudens sibi ipsi est Numen : & imperat  
Sorti bifronti. Tu nisi finxeris,  
Fortuna, qua nectat catena  
Pectora, non habet. Insolenti  
Objeceris si frontem adamantinam,  
Sors victa cedit : gaudia lachrymis  
Aut vana miscebit, dolosis  
Ut reparet nova bella donis.  
Siren Charybdi noxior, aurei  
Frons blanda Fati : Ad Sydera provehit  
Præclara quamplures ruina,  
Quos ad humum pepulit volatus.  
Utrique, Princeps, Agmina cui sacrum  
Dedere nomen Sydereæ, immines :  
Adversa Constantem, secunda  
Fors animum probat Innocentem.  
Præcelsa Cælum mens hominum refert.  
Serenus ær rideat, obsitus  
Aut nube ploret, constat idem  
Syderibus detor, atque Phæbo.



JO.

LIBER SECUNDUS. 53.  
JO. BAPTISTA CARD. DE ALTERIS.

CLEMENTI DECIMO

*Sanguinis , O Virtutum cognatione  
Germanus.*

**T**Ybris Eurotam tumidus laceffit .  
Alma Germanos habet Urbs Lacænos ,  
Ætheris risum , geminum Latini  
Sydus Olympi .  
Lumine ut fulgent simili ! Ut serenos  
Fronte cœlesti jaculantur ignes !  
Lege ut elidunt stabili frementes  
Æquoris iras !  
Si fori raucum pelagus tumultu  
Fluctuat , ventis agitata fidunt  
Marmora , ut , nautis bene culta , Cœlo  
Sydera fulgent .  
Sævus Arcturi licet occidentis  
Impetus regnet . Timidus procellas  
Nunc quis horrescat ? Nitet Axe Pollux,  
Castore raptō .  
Urbis o Tutela , & in omne Fratres  
Nobiles ævum ! Ratis imminere  
Dignus æternis & uterque fausto  
Sydere velis .  
Vivet extento diuturnus ævo  
Alter , ac terras niveo beabit  
Lumine : erepti geminata Fratris  
Secula vivet .

54 LYRICORUM  
JO. BAPTISTÆ CARD. DE ALTERIIS

SS. D. N. Fratris

*Sacri in Vaticano Templo Oratoris  
Facundia.*

**U** Ndam Quiritum dum Tyberis videt  
Ad Vaticanum confluere, aureus  
Ex ore Pactolus diserto  
Namque fluit, Tuaque ambit ardens  
Potare, Princeps, flumina nectaris  
Quicumque Sacram nobilis eloqui  
Miratur artem: Perge faustis,  
Tybris ait, pretiosa vinclis  
Corda implicare: ut Gallicus Hercules  
Fertur catenis ore fluentibus  
Vinxisse turmas obsequentes,  
Thracis ad invidiam canori.  
Quod Suada verbis Imperium Tuis  
Dat in volentes Romulidas, Tuo  
Astræa, nequidquam gementi,  
Imperium dabit alma Fratri.  
Tunc nostra crescet fama, & ad Infulas  
MAGNO ferar DE FLUMINE Principem  
Misisse: tunc rebellem Orontem, ac  
Nile, tuas, & Hydaspis undas  
Sub jura mittam: Tunc & Amazonum  
Qui bella fluctus Thermodoontii  
Videre, & Eufrates minores  
Volvat aquas, Tanaisque discors.

JO.

LIBER SECUNDUS. 95  
JO. BAPTISTÆ CARD. DE ALTERIIS

*Eximia Sacræ Theologiæ  
Scientia.*

**S**yderum ex horto, Uranie, coronam  
Texe : Cælesti dare festa fronti  
Te decet. Qui nunc fruitur beato  
Nectare Princeps,

Ille dum terris agitare ævum,  
Dædali pennis animi volucres  
Increpans ventos, superansque nubes  
Aurea Magni

Numinis Tempia impavidus subivit.  
Quæque Phœbeis laticant sub umbris,  
Lucis immensæ oceano sepulta  
Arcana Tonantis,

Vidit hæc hærens oculo irretorto.  
Juvit & cunctas animum per artes  
Spargere : exhaust Latium, tuosque,  
Græcia, fontes.

Juvit & lites ferere eruditæ  
Arma tractantem Sophiæ. Quis acri  
Fortior verba ingenio Stagyræ  
Flectere gyro?

Gregori, hoc Regnum Latæ Minervæ  
Audiit nodi series plicantem  
Gordii, quas vix Macedo diserto  
Solverit ense.



56 LYRICORUM  
JO. BAPTISTA CARD. DE ALTERIIS

*Summo, cui par erat, Imperio  
a morte præreptus.*

**V** Is dira fatorum, Eumenidum soror,  
Quæ te superborum improba funerum  
Fames adegit, falce dignum  
Nestoris ut meteres senectâ?  
Vides, ut ambit sollicita prece  
Illum Supremi culmen ad Imperj  
Efferre Virtus? Inter omnes  
Emitat, invidiâque major  
Dignus beatis dicitur Infulis.  
Auditis, ut se non humilis rea  
Tuetur? Avulso superstes  
Sydus, ait, dominetur Auro,  
Aut regna cedat Sydus Apollini.  
Quo more Daphnin Cynthius, Æmyli,  
Ut imperes Prorex Tonantis  
Te sequitur, fugitive, regnum.  
Horrescis altum tollere verticem,  
Dum Regna flagras aurea Syderum:  
Frustra reluctanti dederunt  
Purpurei Tibi sceptrâ Patres.  
Quem temnis, Orbem flectere quis labor?  
Sic Archimedes Tethyos imminens,  
Terræque moli, regna terræ,  
Ac tumidas agitasset undas.

\*\*\*

HIE



LIBER SECUNDUS. 57  
HIERONYMI DE ALTERIIS

EQUITIS HIEROSOLYMITANI

Sanctiss. D. N. Fratris

*Bellica Fortitudo.*

**F**Rondis Apollineæ sacrum nemus effer in auras,  
Calliope, prope littora Ponti,  
Urgentis Batavos humiles pendentibus undis.  
Illa etenim fuit area Martis  
Heroi, quem, dum Fratres decora alta Togatæ  
Palladis invitant, rapit ardens  
Armata ingenium. Viden, ut vomit aureus ignes  
Umbo! Thorax flagrat, & Ensis:  
Casside reclusa scintillant lumina frontis:  
Ut Cælo nimbosus Orion  
Ferali rutilat sub noctem fulgure, nubes  
Cum scindit, Boreamque, Tyrannum  
Æquoris, Ægeas cogit violentus in undas:  
Tunc Pelago nant Cyclades alto.  
At qualis ruit in Batavos? Irata Tonantis  
Intorsit quod dextera fulmen,  
Ceu ruit in Phariam lethali turbine puppim,  
Et latera, & proram populatur:  
Illita transra pice, & nigrae dant pabula ceræ:  
Fractus stridet malus in undis.  
Jam super antennas celestis flamma triumphat,  
Quam scopulo piscator acuto  
Prospiciens, Sicula speciem mirabitur Ætne  
E ponto minitarius astris.

HIE-

38. LYRICORUM  
HIERONYMUS DE ALTERIIS

EQUES HIERSOLYMITANUS

Sanctiss. D. N. Frater

*Strenuitatem Gentis Alterie  
representans*

**Q**ualis ferocem dissimulans virum  
Proles Marinae bella fremit Deae,  
Ut audit Europam duello,  
Atque Asiam trepidare magnos  
Fastos subrum sic memores Patrum.  
Dum vidit Heros, bellicera indoles  
Queis nominis vitam pefennis  
Multiplici peperit triumpho,  
Exardet. Illum non patrius potest  
Frænare Tybris, splendida non domus,  
Non Purpure, & Fratrum Thiaræ,  
Quodque Triplex Diadema fronti  
Spes, & Quiritum vota parant sacra.  
Fulgore Romæ pulchrior aspici  
Mavortis olli est pulvis ater,  
Et Batavi furor æstuantis.  
Exempla fortes cuncta aciunt viros,  
Avitâ cogunt. Sic Macedo Patris  
Trophæa dum cernit Philippi,  
Magnanimo maduisse fertur  
Perfusus imbi non humiles genas.  
Nostræ superfit quæ arca gloriæ,  
Si cuncta terrarum paterno  
Subdis, ait, gladio, Gradive?

MAR.

LIBER SECUNDUS. 59  
MARTIUS DELPHINUS DE ALTERIIS

EQUES AB ALCANTARA

Sanctiss. D.N. Frater

*Poloniae Regi percharus.*

**C**hristiadum, Generosa Polonia, vallis, ac Tyranni  
Obex, pavorque, & fulmen Otthomanni,  
Martia Delphini tu pectora, candidosque mores  
Vinculis coerces aureis, & Aulæ  
Præclara invitas ad munera. Fratris ille Magni,  
Suisque clarus laudibus, Tonanti chos,  
Lechorum, in Thraces qui fulmina torquet, atque Mes-  
Cor surripit regale. Nunc Poloni  
Quam fausto celebrant certamine Triplicem coronam  
Clementis! Illum Vistula ex Olympo  
In sua delapsam nam commoda credidit, sequester  
Quando, & quietis Arbiter, procellas  
Castrosum, atque Fori compescuit, adfuitque Regi,  
Reique Custos publicæ. Paternis  
Nunc fovet auspiciis, & amoribus intonata Thracum  
Minis furentum Regna, Cælitumque  
Recludens armamentaria, Præsidi Gelonorum  
Adolet Stanislao nemus Sabæum;  
Rursus ut ex astris in barbara castra crispifulcans  
Telum coruscat: ut superba quondam  
Osmani cum diruit agmina, Bistonumque pavit  
Cruore campos. Cernis, ut profundo  
Dira metu glaciuntur pectora; concrepant per altæ  
Nam clara nubes classica, En petuntur  
Frustra indignantis conclavia Bosphori. Fugato  
Mox Thrace, Meschis incubant, Gradivus  
Civili

Civili quos vexat turbine. Fræna rursus ambit  
Mordere Lechi Principis Smolenschum.

MARTIUS DELPHINUS DE ALTERIIS

EQUËS AB ALCANTARA

Sanctiss. D-N. Frater

*Omnes Europæ Regum Aulas splendidus  
hospes invisit.*

**E**uropa, Regum magna parens, rapis  
Quàm præpotenti pectora fascino!

Non Syderum sic arsit arces

Icarus, & Phaeton superbo

Tentare cursu, magnanima ut solet

Flagrare Pubes visere Sequanæ

Fluctus minaces, Martiales

Scaldis aquas, Tamesim ferocem,

Rhenum profundum, atque auriferis Tagum

Illustrem arenis, Palladia inclytum

Bætin corona: quique plaustris

Vistula concutitur Gelonis.

Altas tuorum sanguine laureas

Per cuncta, Marti, surgere littora

Spectas, & immortale passim

Indolis egregiæ Trophæum.

Externa fulgorem allinit Hospiti

Virtus. In unum migrat in omnibus

Spectata regnis. Sic Ulysses

Exilium excoluit sagacem.

Mer-

Mercator altæ laudis ad ultimos,  
 Delphine, cursum sic celeras Getas;  
 Metiris & callem Triumphis:  
 Urget equos velut Axe Phœbus.

Tibi Theatrum nobile Regiæ  
 Aulæ recludunt, nec minus explicas  
 Virtute, regalique cultu,  
 Regibus, & Populo Theatrum.

## IN IMMATURUM

FRANCISCI, ET RUTILII  
DE ALTERIIS

## Sanctiss. D. N. Fratrum

*Funus.*

**E**Rgo Cupressus funebres, pulsa implicant  
 Daphnide fronde, comas? Phœbea nervis dissilit  
 Chelys repulsis. Vere sic primo occidit

Nobile par juvenum? Franciscus, & Fratri æmulus  
 Rutilius, & utrique Pallas obfuit.

Cultus Apollo suis perniciem alumnis attulit:  
 Ut Clytiam adurit Phœbus, æterno suum

Quamlibet illa jubar quærat rotatu frondium,  
 Et Marte clarus alter, & Cæsar fuit

Laude in utraque, Toga, Sagoque clarus inclyto:  
 Quem docta flevit Felsina, inferias Duci

Ac tulit emerito: fronde & sepulchrum Delphica  
 Sparfit. Valete nobiles umbræ. Sacri

Fratris ad imperium quis prohibet annos ducere?

Vi-

Vivendo secula vincere æternum est decus

Sanguinis Alterii . Malignè at in vos irruit  
Maturior vis . Sacra quàm bene Regia

Flectere lora manus novisset Imperii , & suum  
Secuta Germanum indoles , foelicia

Divideret populis fata . Heu maligno perstrepat  
Chelys ululatu : lachrymis Helicon fluat :

Perpetua & sylva , Cyparisse , Parnasum intège .

# H Y M N O R U M

## L I B E R .

### De Sancta Domo Lauretana .

## H Y M N U S .

**A**Ula Divini Domus Alma Regis ,  
Lustra quem plusquam quatuor latentem  
Impari clausit lare , fulminanti  
Æmula Cælo .

Hanc Salus circum volat , & Salutis

Pax comes , Virtus , Honor . Hic Virago  
Supplicum questus miserata blandas  
Applicat aures .

Cerno Divini monumenta Amoris  
Sospites flammæ : & ab axe lapsas  
Sentio curas per amica cælo  
Tecta volantes .

Flu-

## LIBER.

63

Fluxit huc cælum, comitesque Divi  
Tecta certatim subeunt beata :  
Claviger Cæli Petrus hanc ad Aram  
Sacra litavit .  
Sit decus Patri, genitæque Proli,  
Sit tibi compar honor, hic beato  
Cujus afflatu Mariæ resedit  
Pectore Numen .

## HYMNUS ALTER.

**P**urimus cælo volat ad beatum  
Aliger pondus, famulasque pennas  
Mutuò neſcit per inane tollens  
Virginis Ædem .  
Ergo per Cælum patriis ab oris  
Veſta tranavit Domus Alma Pontum :  
Venit ad collem, cui dat decora  
Nomina Laurus !  
Prona curvatis veneratur arbor  
Virginis Magnæ ſacra tecta ramis :  
Excipit gaudens peregrina Cæli  
Munera tellus .  
Hauſit hic ſælix paries loquentis  
Numinis voces . Vigilo, & quietem  
Spectra non ludunt ? Etiam loquentis  
Aſſonat Echo .  
Sit decus Patri, genitæque Proli,  
Sit tibi compar honor, hic beato  
Cujus afflatu Mariæ resedit  
Pectore Numen .



HYM-

## HYMNUS TERTIUS.

**N**ullus antiqui sub humum recedens  
 Amovet tecti paries ruinam :  
 Fulcit haud Templi senium perenne  
 Ardua moles .

Nititur cælo Domus hospitali :  
 Stat suo nisu ruitura nunquam :  
 Cæteras ædes abolet vetustas ,  
 Templaque Divum .

Quando Terrestrem subeunt Olympum ,  
 Virginis Templum , rigeant athena  
 Corda quantumvis , bonus illa cæli  
 Permeat ardor .

Bellico a tecto niveæ Parentis  
 Adriæ ad vasti latus inquietum ,  
 Fulminum volvi trepidavit imbrem  
 Barbara classis .

Sit decus Patri , genitæque Proli ,  
 Sit tibi compar honor , hic beato  
 Cujus afflatu Mariæ resedit  
 Pectore Numen .

## De S. Ludovico Galliarum Rege .

## HYMNUS.

**I**nteger Vitæ mala Ludovicus  
 Omnia , & Mortem tolerare mavult ,  
 Antequam pectus vitiet maligni  
 Criminis umbra .

Aspe-



**Asperis flagris, cilicumque-fetis**  
**Macerat corpus : peritura nunquam**  
**Regna miratur : tribuens egenis**

Regiâ dextrâ famulatur ægris,  
Abluit sordes, genibusque flexis,  
Lepra quos urit, recreat paratæ  
Munere mensæ.

**Pauperum tutor cohibet potentes,  
Comprimit lites, miseris benignus  
Erigit lapsos, facili querelas  
Excipit aures.**

Sive lux terras radiis coloret,  
Sive nox cōdat radios sub undis,  
Numen exorat, precibusque semper  
Astra fatigat.

Gallias scepro moderatur æquo,  
Regibus normam statuens regendi,  
Regis Æterni valeant ut alta  
Regna subire.

Patre cum Sancto Sobolem, Sacrumque  
 Spiritum laudent Populi, coronat  
 Qui triumphali pia Ludovici  
 Tempora seruo.

HYMNUS ALTER.

**M** Orbus infanti viduare Gallos  
Rege molitur : prohibent querelæ  
Pauperum, Cælum subeuntque vota  
Supplicis Orbis .

Exul a curis fugientis ævi  
Inferit stellis animum : quiescit  
Impetus morbi , solitasque vires  
Integer haurit .

# E

Bar-

Barbaros contra Fidei rebelles  
 Præparat bellum: præbat orsa Numen;  
 Nam Cruces Cælo radiare visa  
 Arma laceffunt.  
 Navigat classis pia: Damietta  
 Vincitur: cedunt Syria phalanges;  
 Pestis at gliscens sacra Ludovici  
 Cæpta cohercet.  
 Heu Saracenis data præda cessit  
 Optimus Princeps. Aliena solvit  
 Vincla captivus, Fideique multos  
 Lumine lustrat.  
 Patre cum Sancto Sobolem, Sacrumque  
 Spiritum laudent Populi, coronat  
 Qui triumphali pia Ludovici  
 Tempora fert.

## HYMNUS TERTIUS.

**P**oenitens gaude chorus obsequenti  
 Corde Francisci venerare Leges,  
 Tertius Divi quibus institutus  
 Flebitur Ordo.  
 Innocens quamvis, scelus expiantum  
 Ingredi cœtum Ludovicus ambit:  
 Pauperum curas sequitur decora  
 Clarus in aula.  
 Fune præcingit latus: execratur  
 Auræas vestes, Tyriæque lucem  
 Purpuræ; gaudet magis obsoleto  
 Tegmine vestis.  
 Illitas linguas gelido veneno,  
 Quæ pias audent temerare Sancti  
 Principis curas, cohibent severâ  
 Sydera pœnâ.

Ille

# LIBER

67

Ille suspirans Patriæ perennis  
Regna, dum bello Lybiam flagellat,  
Corporis vinclis adit expeditus  
Gaudia Cæli.

Supplicum votis facilis rogari  
Comprimis morbos, revocatq; Vitam,  
Amovet curas, premit inquieti  
Pectoris æstus.

Patre cum Sancto Sobolem, Sacrumque  
Spiritus laudent Populi, coronat  
Qui triumphali pia Ludovici  
Tempora seroto.

## De S. Elifabetha Ungariæ Regina.

### H Y M N U S,

**R**egia Stirpe Elifabeth refulgens  
Signa Virtutum teneris ab annis  
Præbet, augusti veneratur Infans  
Limina Templi.

Lustra vix implet duo, jamque mira  
Luce perfundit populos tuentes:  
Spargitur totum puerilis ævi  
Fama per orbem.

Se levat mentis super astra pennis:  
Pervigil noctes trahit inquietas  
Æstuans flammis superis, suumque  
Numen adorat.

Regias odit Chlamydes, Corona  
Sydus exhorret, radiosque formæ  
Temnit, at cordis jubar innocens  
Ambijt anhelans.

E 2

Au-

Aureos linquens thalamos rigorem

Gaudet horrentis tolerare terræ,

Sæviant quamvis gelidæ maligna

Frigora brumæ.

Admovet membris rigidos amictus,

Corpus & flagris tenerum cruentat,

Nec famem pellit dapibus, sitique

Invidet undas.

Supplici cultu celebremus omnes

Unicum Numen, pariterque Trinum,

Syderum nexu Elisabeth coronans

Omne per ævum.

## HYMNUS ALTER.

**D**Um Crucem rorans lachrymīs adorat,  
Pallet, ignescit, dolet, omnis, expers

Hæret & sensus, nec ei supersunt

Munera vitæ.

Veste nativum referens colorem

Pauperis lanæ, renuensque gemmas,

Cernitur gemmato, hyacinthinoque

Syrmate fulgens.

Carcere inclusis, viduis, egenis

Semper, ac ægris hilaris ministrat,

Abluit fordes pedis, osculatur

Ulcera lambens.

Dum fames urget Populos, recludit

Horreum, luces alit & per omnes

Lata nongentos inopes, suisque

Vestibus ornat.

Supplici cultu celebremus omnes

Unicum Numen, pariterque Trinum,

Syderum nexu Elisabeth coronans

Omne per ævum.

HYM-

HYMNUS TERTIUS.

**S**igna Francisci sequitur, soluta  
Coniugis vinclis, amat & videri  
Pœnitens, semper licet innocentes  
Duxerit annos.

Regibus dignas fabricatur ædes,  
Febre correptis, aliisque morbis,  
His & ancillæ famulata ritu  
Semper adhæret.

Pellitur castris, ope destituta  
A suis exul procul ire tectis  
Cogitur, gaudetque eolum trahendo  
Quærere victum.

Prævidet Mortis properare somnum,  
Qui suo finem statuat labori.  
Cœlitum sedes subiit relinquens  
Spiritus artus.

Plurimi, quos e tumultu vocavit  
Rursus ad vitam, super astra pandunt  
Regna fortitam meliora lætos  
Carpere soles.

Supplici cultu celebremus omnes  
Unicum Numen, pariterque Trinum,  
Syderum nexu Elisabeth coronans  
Omne per ævum.



# HYMNORUM De S. Joanne de Matha

*Fundatore Ordinis Sanctissima Trinitatis  
Redemptionis Captivorum.*

## HYMNUS.

**D**ive, quem magnus Moderator Orbis  
Unus, ac Trinus sibi dedicatum  
Ordinem sanctis jubet institutis

Ducere ad astra :

Quem jugo pressos, misera gementes  
Sorte, perpressos Fidei periculum

Solvere e vinculis, patrioque iussit

Reddere caelo.

Veste fulgenti, niveaque clarus

Nuntius Caelo properat : color

Cui rubro crux, caeruleoque picta

Pectora signat.

Rursus apparet bicolore Cervus

Inclytus nostrae Labaro Salutis :

Rursus & Caelum monet obsequentes

Querere Alumnos.

Quin & ad sacras operatus aras

Pontifex Magnus videt axe labi

Angelum formae redimentis Albos,

Aethiopsque.

Africa Regum pretio furorem

Frangit oblato, revocans ab Orci

Faucibus multos, minuit Joannes

Saepe catenas.

Te Deus Simplex, patiterque Trine,

Vincula ut solvas animi, rogamus :

Liberam totus tibi servitutem

Præbeat orbis.

HYM-

HYMNUS ALTER.

**J**esu Redemptor omnium,  
Magne, amorque cordium,  
Nos a catenis liberans,  
Ac servitute Tartari :

Tibi Joannes sæculam  
Ut servitutem dedicet,  
Thracum levare vinculis  
Captiva certat agmina .

Flammis amoris æstuat,  
Quas omne non perdit Mare !  
Ad Barbarorum littora  
Volat : dat alas Charitas :

O verè, Christe, Charitas  
Succende Alumnis pectora,  
Ut Patris exemplo sui  
Redemptiones urgeant .

Nos vinculis, quæ cordibus  
Inferre tentat Satanas,  
Ut claudat ad Cælum viam,  
Jesu Redemptor, exime .

Concede, Sancta Trinitas,  
Cui consecravit Ordinem  
Suum Joannes, triplicis  
Amare voti compedes .

Patri, Parentis unico,  
Qui nos redemit, Filio,  
Tibique, Sancte Spiritus,  
Sit laus per omne sæculum .

## De S. Felice Valesio.

## HYMNUS.

**S** Tirpe Regali satus, & propinquus  
 Galliæ sceptrō, pretiosa vincla  
 Horruit Felix, trepidans Coronas  
 Antra subivit.

**H**ostiam Patri Sobolem litare  
 Ditiꝛ Regnum putat, & Sacerdos  
 Hostiam sese simul innocentem  
 Immolat astris.

**I**ncolit sylvas diuturnus hospes,  
 Donec e Cælo monitus Joanni  
 Est datus consors, novus ut catenis  
 Eximat Ordo.

**Æ**there allapsum prius Institutum  
 Promovet Felix, Triadique Sacræ  
 Consecrans, trino pariter colore  
 Ornat Alumnos.

**B**arbaras terras penetrare jussit,  
 Nil canum dentes trepidare Thracum,  
 Africæ virus nihil, aut hiulca  
 Ora Leonum.

**D**a, Pater, nullos fidei procellis  
 Naufragos mergi, titubare nullos,  
 Quos ad insanam satagunt Tyranni  
 Ducere festam.

**T**e, Deus Simplex, pariterque Trine,  
 Vincula ut solvas animi, rogamus:  
 Liberam totus tibi servitutem  
 Præbeat Orbis.

[HYM-



## HYMNUS ALTER.

**D**Um regna Felix Cælitum  
Intrat, triumphant Angeli:  
Regina gestit Ætheris  
Sui ex Alumni gloria.  
Sceptro, & coronis prætulit  
Dirum nemus Valefius:  
Subivit antra, regias  
Aulæ perhorrens compedes.  
Mox ut catenis liberet,  
Quos nescit hostis barbarus,  
Trino recentem Numini  
Felix dicavit Ordinem.  
Est digna Regum germine  
Diffusa in omnes Charitas,  
Exempla cujus Filius  
Nos Regis Æterni docet.  
Albo, rubenti, & cæruleo  
Fulgens colore concinit  
Maria laudes Numini,  
Cohors & alma Cælitum.  
Tu jure Felix diceris,  
Indulta cui fors inferi,  
Dum lachrymosa es incola  
Vallis, Choro Cælestium.  
Patri, Parentis unico,  
Qui nos redemit, Filio,  
Tibique, Sancte Spiritus,  
Sit laus per omne seculum.

In

# HYMNORUM In Festo Apparitionis Deiparæ Virginis

*Ad fundandum suum Ordinem de Mercede  
Redemptionis Captivorum.*

## HYMNUS.

**P** laudat alterno modulata cantu  
Virgini Magnæ Soboles dicata,  
Dum redit lux, qua Genitrix Tonantis  
Venit ab axe.

A suo Mater didicisse Nato  
Visa largiri miseris salutem,  
Visa captivos, quibus implicamur,  
Solvere vinculis.

Scindat ut nexus animis, Redemptor  
Venit in terras: Genitrix Olympum  
Liquit, ut duris onerata nodis  
Corpora solvat.

Venit, ut Cœtus sibi consecratus  
Rite fundetur, cui donet ipsa  
Nomen, & Leges rigida eruendi  
Compede vinculos.

Nomen est ipsum pretium laboris,  
Quo Redemptricis Mariæ Ministri  
Dicimur: Merces alia est petenda  
Nulla labori.

Servitus præstanda Dei Parenti  
Anteit Regum titulos: catena  
Sponte non raro subeunda vincit  
Regia fersa.

Sem-

Semper Æterno sit hñnor Parenti ,  
 Sit Redemptori decus , ex utroque  
 Fonte procedens celebretur omni  
 Spiritus avo .

HYMNUS ALTER .

**N**on ulla auspiciis nobilioribus  
 Consecrata potest institui cohors ,  
 Quàm cui visa palam principium dedit  
 Cælo lapsa Deipara .  
 Uni nec Genitrix optima Numinis ,  
 At se conspicuam pluribus exhibet ,  
 Reges , & Sobolis delicias sue  
 Sanctos alloquitur viros .  
 Testis prodigii feligitur triplex ,  
 Jacobus , Petrus , & qui Radiis diem  
 Vir Mundo peperit , clarius emicans ,  
 Quàm Solis nitidum jubar .  
 Quàm gratum Superis , ipsa quod imperat  
 Virgo , quod Soboli nuntiat , & sibi  
 Arridere , sacris ipsaque Legibus  
 Munit perpetuis , opus !  
 Quòd te condecorant stemmata Regia ,  
 Regalisque cohors diceris , infima  
 Sit laus : clara nites , te quòd amans suam  
 Regina Aligerùm vocat .  
 Primos ipsa legit , qui juga detrahant  
 Captivis : comitem se dat , inhospita  
 Dum quærunt animo divite littora ,  
 Fratres & redimunt suos .  
 Une , ac Trine Deus dirue vincula ,  
 Queis mortale genus Tartarus implicat :  
 Da tectos meritis Virginis inclytæ  
 Tandem scandere fydera .

HYM-

## HYMNUS TERTIUS.

**G** Aude Redemptorum chorus,  
 Quos Mater Alma Numinis  
 Perfectionis ultimum  
 Optare jussit verticem.

Haud ulla major Charitas,  
 Quam pro salute Proximi  
 Vitam suam profundere,  
 Divina dixit Veritas.

Est Morte pejor servitus,  
 Quæ barbaris impenditur:  
 Istam subire Virgini  
 Jurata nos cogit fides.

Si quando opus pro pignore  
 Hæreere, cum fratrum salus  
 Constricta vinclis ferreis  
 Ulli subest discrimini.

○ vera, Christe, Charitas,  
 Incende amore pectora,  
 Dissolve cordis vincula  
 Rumpens catenas Tartari.

Da servitutem liberam,  
 Omnes tibi persolvere,  
 Mattisq; Captivos tuæ  
 Vitam beatam ducere.

Sit laus Patri cum Filio,  
 Qui nos redemit perditos,  
 Tibique, Sancte Spiritus,  
 Laus sit per omne seculum.

De

## De S. Petro Nolasco.

## H Y M N U S.

**P**etrum concelebrent agmina Cælitum,  
 Et cantu teferens Cælicolûm choros  
 Captivos redimens Ordo sacer, tuo  
 Laudes instituas Patri.

Vix ortum Puerum prodigiis patet  
 Virtutum radiis conspicuum fore,  
 Sed Regina jubar proferet aureum  
 Usque ad fydera Charitas.

Hanc examen Apum munificum notat,  
 Implet dum Pueri neâare dexteram:  
 Vagitu volucres mellificas, puer,  
 Ad cunas hilari vocas ..

Raptis mox celeri morte Parentibus,  
 Patrum divitias undique contrahens  
 Liquisti Patriam læthiferos dolos  
 Vitans Hæresis impiæ.

Vix Hispania te nobilis excipit,  
 Consumptis opibus, queis juga detrahas  
 Captivis, properas te quoque vendere,  
 Ut fratres redimas tuos.

Nobis, Summa Trias, parce precantibus:  
 Da Petri meritis scandere fydera,  
 Ut tandem liceat nos tibi perpetim  
 Gratum promere Canticum.

HYM-

## HYMNUS ALTER.

**O**rdinis nostri Pater, atque Custos,  
 Petre, Captivi Populi Redemptor,  
 Quos tibi laudum canimus, benignus  
 Excipe plausus.

Te Deo, sacraque Dei Parenti  
 Vota Captivi gregis offerentem  
 Virgo dignatur recreare sancti  
 Lumine vultus,

Indicat cælo tibi lapsa Virgo  
 Rem sibi gratam fore, Filioque,  
 Cultui si Religio sacretur  
 Virginis Alma,

Quæ salutarem miseris, piamque  
 Porrigat dextram, juga Barbarorum  
 Quos premunt, ne destituant avitæ  
 Dogmata Legis.

Virginis vocem subito sequutus,  
 Charitas nunquam pia quò tepescat,  
 Te, tuam quarti sobolemque voti  
 Nexibus urges,

Laus sit excelsæ Triadi perennis,  
 Quæ Petro tantum tribuens honorem,  
 Ejus & nobis meritis det almæ  
 Gaudia Vitæ.



HYM-

HYMNUS TERTIVS.

**M** Agnæ dicatus Virgini,  
Et Virginalis Ordinis  
Parens pudorem consecrat  
Intaminatum Virgini.

**Idem** Propheta nobilis  
Futura cuncta prævidet:  
Hunc ore Custos Angelus  
Et Virgo dignatur suo.

**Fœlix** beato funere  
E corporis custodia  
Solutus horâ, creditur  
Qua natus in terris Deus.

**Gaudet** chorus Cælestium  
Novo triumphans hospite:  
Gaudet solum tam nobili  
Fultum columnæ, & cardine.

**Pastor**, precamur, optime,  
Gregem tuere candidum:  
Captos redona Patriæ  
E barbarorum vinculis.

**Laus** sit Parenti debita,  
Virtus, honorque Filio,  
Tibique, Sancte Spiritus,  
Qui vivis, & regnas Deus.



De

## De S. Petro Paschasio-

## HYMNVS.

**M**ater Paschasium Relligio sacris  
 Certet promeritum tollere plausibus,  
 Qui lauri implicitus tempora frondibus  
 Alto regnat in Æthere.  
 Doctrinæque Petrus laudibus inclytus  
 Partitus miseris verba fidelibus,  
 Christi præco tulit per Populos tuum  
 Nomen, Rex bone Cælitum.  
 Non illum tumidæ pompa superbiæ,  
 Non Mundi instabilis deliciæ trahunt:  
 Captos Christiadas ut redimat tuo  
 Se, Virgo, facrat Ordini.  
 Armis conspicuus Paschasius novis,  
 Pugnas sydereas strenuus integrat,  
 Nolascum studio perpetuo sequens  
 Sacræ militiæ Ducem.  
 Vitæ curriculum, laurea funeris,  
 Mortales, Superi, dextraque Numinis,  
 Miris prodigiis Paschasio decus  
 Sancti nominis asserunt.  
 Divinus Genitor, Natus & unicus,  
 Utriusque & Amor Spiritus evehat  
 Omnes Paschasii per merita ad Polum,  
 Qui laudes celebrant suas.

HYM-



HYMNVS ALTER.

**P** Laude captivi populi Redemptor ,  
 Numinis Matri facer Ordo plaude :  
 Filii magni celebra sonoro

Carmine laudes .

Petrus hic dignus Domini Sacerdos  
 Ore facundo , calamoque sacro ,  
 Grande munimen Fidei , salutem  
 Attulit Orbi ,

Barbaras terras petit , ut catenis  
 Eximat captos populos fideles :  
 Igne divino rutilans pericla

Cuncta laceffit .

Quot laborantes ope sublevavit !  
 Vincla dissolvit miseris , diserta  
 Voce Mauros innumeros vocavit  
 Christi ad Ovile .

Ut suis tandem raperet catenas  
 Fratribus , latus tulit ipse vincla ,  
 Pertulit mortem , ceciditque sancti  
 Martyr amoris .

O Deus nostræ columen salutis ,  
 Da Polum Petri meritis subire ,  
 Quisquis illius pietate vera

Nomen honorat .

Laus Patri Summo , Genitoque semper ,  
 Quique procedit simul ex utroque  
 Spiritus Sanctus celebretur æqua  
 Laude per ævum .

## HYMNVS TERTIVS.

**C**ives beati plausibus  
 Divina tollant munera,  
 Quæ charitatem barbaris  
 Testata sunt Paschafil.  
**D**emit catenas plurimis :  
 Mox deficit pecunia :  
 Pro pignore ipse in vinculis  
 Hæret triumphans gaudio.  
**Q**uerit Tyrannus arrogans ,  
 Quid Petrus in sinu ferat ?  
 Fragmenta panis illico  
 Permutat ille floribus .  
**O**fferre flagrat Hostiam ;  
 Sacer Minister deficit :  
 Christus Minister adfuit  
 Beata monstrans vulnera .  
**L**umen Fides adaugeat ,  
 Spes læta pectus roboret ,  
 Incendat alma charitas  
 Petri sequuta incendium .  
**C**oncede , Sancta Trinitas ,  
 Laudes Petri canentibus  
 Ut vincla solvantur reis ,  
 Quos nexus urget criminum .



De

L I B E R.  
De S. Raymundo Nonnato.  
H Y M N V S.

**D**ive, quem terris genitum negamus  
Legis immunem, miserat in auras  
Qua genus prodit profugi a beatis  
Sedibus Adæ.  
Matris extinctæ latus ense apertum  
Edidit partum, melior parente  
Cui Parens Virgo fuit, obstetrixque  
Præbuit ulnas.  
Fortè Nonnatum quoque fama dicit,  
Namque cælestes habitare visus  
Moribus sedes meritò negatur  
Incola terræ.  
Solis immensum superat nitorem  
Afferens Mundo Radios perennes:  
Hinc bene infanti dedit auspicatum  
Omina nomen.  
Nil puer magnus puerile spirat:  
Lacte nutritus pietatis almo,  
Semper indulgens precibus, sacrasque  
Fusus ad aras.  
Ut sibi Virgo Genitrix, Magistra,  
Callis, Exemplar, Clypeus, Patrona,  
Esse dignetur, gemitu perenni  
Sydera pulsat.  
Hæc Redemptorum jubet aggregari  
Cœtui, nuper miserata vincios  
Ipsa cui mirum, manifesta multis,  
Præbuit ortum.  
Semper Æterno sit honor Parenti,  
Filio æternum decus, ex utroque  
Fonte procedens celebretur omni  
Spiritus ævo.

F 2

HYM-

## HYMNVS ALTER.

**P**ennis amoris excitus ,  
 Quas nulla frænant æquora ,  
 Ad barbarorum littora  
 Servus Mariæ navigat .  
**C**aptiva solvit agmina ,  
 Quæ pressa vinclis ingemunt :  
 Dum deficit pecunia ,  
 In pignus ipse traditur .  
**U**t eximat discrimine  
 Salutis almæ proximos ,  
 Sui libenter prodigus .  
 Fit charitatis victima ,  
**L**egis nefandæ plurimos  
 A servitute liberat ,  
 Pendentis e ligno Crucis  
 Divinitatem prædicans .  
**T**ormenta ridet horrida ,  
 Longaque morte pascitur ,  
 Dum labra claudit aurea  
 Seræ ligamen ferreæ .  
**G**liscente fama Pontifex  
 Ecclesiæ inter Cardines  
 Istam perenni robore  
 Fortem Columnam seligit .  
**S**it laus Patri cum Filio ,  
 Et Spiritu Paraclito ,  
 Qui per Raymundum eruat  
 E vinculis nos criminum .

HYM-

HYMNVS TERTIVS.

**O** Ter beate , cui Sacri  
 Divina dona Corporis ,  
 Quo nos Redemptor recreat ,  
 Chorus ministrat Cœlitum .  
 Tardat Sacerdos , ultimâ  
 Quæsitus horâ , præbeat  
 Ut alma vitæ munera  
 In mortis atræ prælio .  
 En veste amicti candida ,  
 Crucisque Rubræ , & Cærulæ  
 Signo notati , deferunt  
 Cæleste Munus Angeli .  
 O grâta Cælo firmata ,  
 Quæ non abhorrent Principes  
 In gaudiorum Regia  
 Astare sueti Numini .  
 Vitæ refectus pabulo ,  
 Palmis onustus , Lilio  
 Ornatus , arces syderum  
 Felix Raymundus petit .  
 Portenta lites finiunt ,  
 Quas inter Urbes plurimas  
 Intaminati Corporis  
 Vota excitarunt anxia .  
 Sit laus Patri cum Filio ,  
 Et Spiritu Paraclyto ,  
 Qui per Raymundum eruat  
 E criminum nos vinculis .

## EPIGRAMMATUM

*Libri Sex.*

## LIBER PRIMUS,

Inquem referuntur Dysticha Centum  
 In Cæleste Munus exorti Filii  
 Festo B. Stanislai die collatum  
 Excellentissimo Principi Joanni Baptistæ  
 Pamphilio .

## P R O L U S I O .



UM affirmaverit Socrates apud Plato-  
 nem, tunc se homines ostendere Dei  
 sobolem, cum unum, aut alterum di-  
 gnum Poetæ nomine Carmen emittunt,  
 prodigium videri non debet, si quæ in  
 dies carmina prodeunt, plerumque Poe-  
 tæ digna nomine minimè videantur. Quid ergo? Car-  
 men omnino scribendum non est, aut perpetuò revo-  
 candum ad limam? Hoc quidem plerumque præstan-  
 dum est; ac licet Natura nos doceat, aliquando pul-  
 chriora esse, quæ brevi, quàm quæ diuturno studio  
 molimur, cum Quercum Cedrus, Iris nubes, Elephan-  
 tum, & Urfum Homines vincant: ea videlicet, quæ  
 ipsa Natura citius effingit, superent illa, in quibus  
 con-

condendis operose cunctatur; nihil tamen ridendum magis, quam si Extemporalem te Poetam semper esse profitearis. Aeternitati, si licet, plerumque pingendum; quamvis & egregii Pictores identidem in experimentum artis eximiae, cui quaerendum non sit a cunctatione praesidium, carbone aliquid ex tempore delinient in pariete. Utcumque tamen plerumque plutenium cadas, & unguem demordeas in iis fingendis, quae Horatii praecepto notum in annum premenda sunt; tentandum tamen identidem Extemporale Carmen, ad quod vel necessitas urget, vel gratus animus incendit, non ambitiosa, sed amante festinatione: quam si profitearis ingenuè, ut saepe in Epistolis Sanctissimus vir Hieronymus, non deerunt fortasse, qui eam tibi vitio vertant. Causam asserere supervacaneum est. Iniquissimum est Literati Vulgi tribunal, quod Poetas ex properatis aliquando carminibus nescio qua indolis malignitate metitur. Hoc fortasse veritus ingeniosissimus vir Franciscus Petrarca, cum juvenis effudisset Carmen, quod Africam inscripsit, licet refertum sententiis sit, plentiaque poeticae fictionis, & magna praeterea in eo sit vetustatis, & naturae cognitio, magna vis eloquentiae, quia ultimam tamen illi non imposuit manum, affirmat in Epistola, quam scribit Posteris suis, raro Patrem aliquem extitisse, qui adeo moestus Filium unicum in regum iniecerit, ut ipse hilaris Opus illud flammis abolevisset. Cumque Veronae plurimi obviam illi honoris gratia progressi Africae carmina recitarent, quotiescumque a sermone ansa illis exhibebatur, effusus in fletum est, &, ne ulterius pergerent, flagitavit. At ille frustra metuit, ne sui mensuram ex Opere illo posteri peterent: perinde ac insanirent, qui Virgillii vires ex Moreto metirentur, & Homeri ex Hymnis, aut descriptione pugnae Ranarum. & Murium. Verendum id illis est, qui, utcumque alia contentur per annos

plurimos elaboranda, dignum operosa curâ carmen fortasse non cudent. Intetim quæ nostris e Vatibus excepturi estis carmina, qualia demum cumque sint, idem certè Argumentum pertractant Epigrammata Centum Dyſtichis comprehensa: & in genere quidem Exornativo, quod arduum profectò est, cum facilius eadem amaro felle tingantur. Sedenim unum, aut alterum tantum scribere præstitisset, omnium plausu excipiendum, & memoriæ fortasse mandandum? Ut uberi exultaremus copiâ, amor, & gratus animus imperavit. Ceterum profectò nullum latet, in Epigrammatis non semper aculeum requiri; nativum aliquando candorem amari. At in nostris utinam utramque laudem desideraturi non sitis. Præterea qui, cum sententia in brevissimum carmen cogitur, exigunt perpetuò styli majestatem, ut iniquos se judices fateantur, Ovenum, aliosque legant, qui Dyſticha illustra scripserunt. Neque verò cum Martiale professi:

*Ista quidem mala sunt: quasi nos manifesta negemus:*

*Illud deinde addimus.*

*Sed tu non meliora facis.*

*Libentius usurpamus aliud ejusdem:*

*Quod non insulse scribis tetrasticha quædam,*

*Dyſticha quod belle pauca, Sabelle, facis:*

*Laudo, nec admiror. Facile est Epigrammata belle*

*Scribere; sed Librum scribere difficile est.*

Quod si hoc ille affirmat de Libro, in quo magna est rerum Varietas, ut proinde commodum de quavis Epigramma condi possit; quanto magis adhiberi potest hic excusationis clypeus ab iis, qui plurima ludunt in unum, idemque Argumentum?

Demum cum eodem lepidissimo Vate proludimus:

*Da veniam subitis: non displicuisse meretur,*

*Festinat, Cæsar, qui placuisse tibi.*

Idi-



LIBER PRIMUS.  
Idibus Novembris

89

BEATO STANISLAO KOSTKÆ

*Consecratis suavissimus filius exortus est  
Excellentissimo Principi*

JO. BAPTISTÆ PAMPHILIO ,

*Qui , præter cætera beneficia Societati Jesu  
collata , excitatum a præstantissimo Patre  
Templum absolvit , in quo Stanislai  
Corpus est reconditum , eidemque  
Sanctiss. Adolescenti Sacellum  
molitur erigere munificentia  
prope regali .*

1. **Q**uod tua sint Cælo, Princeps, gratissima dona ,  
Nuntius iste tibi venit ab axe Puer .

*Ad Infantem .*

2. Regnante magno Patruo exortus Pater .  
Kostkæ in triumpho nasceris : par es Patri .

*Ultero ingestum Beati Stanislai donum  
admiramur .*

3. Munera quæ potuit meliora rependere Kostka ?  
Dulce o blanditi Cælitis ingenium !

*Augu-*

*Augurium.*

4. Alma dies Kostkæ, risisti fausta merenti  
 Quæ nunc Pamphilio, concolor usque redi.

*Aliud.*

5. Hunc tibi Pamphiliæ custos, tutelaque Gentis,  
 Dat natum, Princeps, Dic mihi quantus erit?

*Ad Principem Patrem.*

6. Auro animi nectar, natoq; emis, astraque, Princeps,  
 Nunc certè clausum possidet arca Jovem.

*Cur non exortus sit Infans ante reditum  
 Excellentissima Rossari Principis.*

7. Expectas Avix reditum, Puer. Hac sine magnum  
 Nil parit Urbs. Mundi nec parit ipsa Patres.

*De Infantis pulchritudine.*

8. Dignatur Pueri in vultus descendere Kostka.  
 Formosi hic magnum Cælitis instar erit.

*Puer Cæli munus.*

9. Kostka auget vitæ pretium. Hoc est vivere, Pupe:  
 Præcipuo Cæli munere posse frui.

*Ad*

*Ad B. Stanislaum.*

10. Haud Princeps donata colit te ob præmia, Kostka;  
Te propter tantum præmia at ipsa placent.

*B. Stanislai Gratus animus.*

11. Illibata fides Kostka, candorque Polonus,  
Quid Patri melius redderet, haud reperit.

*De B. Stanisla Deipavam appellante Matrem  
suam, & religiosissima Principe  
Infantis Matre.*

12. Divinæ est Numen Genitrix experta Dianæ,  
Quæ fœvit Genitrix Præsidis esse sui.

*Hac die triumphasse Fabiam Maximum  
perhibet Honufrins in Fastis.*

13. Dum citus exoreris, vincens Fabium erigis Urbem,  
Sunt Quadriga Inopum corda, triumphus amor.

*Ad Infantem.*

14. Quæ meliora tibi exoptem, suavissime Pupe?  
Ut te amet, ac dicat Kostka, fuisse suum.

*Ad*

*Ad munificentissimum Principem .*

15. Dum gazà ditas Inopes , atque erigis Aras ,  
Non certent donis vincere te Superi ?

*Aliud .*

16. Omnia das Superis : non speres omnia, Princeps ?  
Quis vinci facilem dixerit esse Deum ?

*Cur Infans natus sit aurora surgente .*

17. Aurora exoriente Puer prodivit in auras .  
Hoc unum deerat , cætera Iolis habet .

*Aliud .*

18. Est genitrix Aurora , pudor namque ornat in axe  
Matutam , & Matris fulget in ore tuæ .

*Orante Religiosissimo Patre filius exoritur .*

19. Auspiciis nasci haud poteras melioribus , Infans ;  
Fausa etenim Genitor , dum rogat , illa facit .

*Aliud .*

20. An te vota ex Axe , Puer , rapuere Parentis ?  
An subito ad Cælum vota tulere Patris ?

*De*

*De Religiosissimis Principibus  
Pueri Parentibus.*

21. Hoc munus Patri indulgere, an fydera Matri?  
Hoc certè dignus munere uterque fuit.

*Ad Patrem munificentissimum.*

22. Aureus oblatum tibi ob aurum redditur Infans.  
Hujus, at innocuè, dèxtra Midam referet.

*Ad eundem de B. Stanislai munere.*

23. Magnus, qui superis tibi munera mittit ab oris,  
Nec magnus, Superùm munera qui recipis?

*Ad Fabium Maximum, qui hac die olim  
triumphavit, respicit ludus quatuor  
Anagrammatum:*

*Roma, Mora, Amor, Maro.*

24. Roma, tibi Fabii placuit Mora? Et hic erit Infans  
Urbis Amor: Merita hunc ferret ad astra Maro.

*De B. Stanislai munere.*

25. Omnia qui spondent Divi, jam plurima donant.  
Haud levius Superis dicere, quàm facere est.  
*Aliud.*

*Alind*

26. Nulla tuis digna auspiciis quia sydera, Divi  
Auspicium præbent, quo emeritare, Puer.

*Cur Infans appellandus sit Innocentius*  
*Stanislaus*

27. Est nomen Innocentis Stanislaus . . .  
Puer ergo ab Innocentio petat nomen . . .

*Nascitur vanto Patre*

28. Exempla incurram Nato quæ prima Parentis  
Votorum ut pennis discas ad æstra rapi.

*De B. Stanisla, cuius in manibus pingitur*  
*Infans Divinus*

29. Alma suum Kostka Puerum dat Virgo: Parenti  
Dans alium has Charites a Maria didicit.

*B. Stanislao Sacellum eriget Pater*

30. Fit Niobe infœlix contempta ob Numina Marmor.  
Kostka oblata sibi ob Marmora dat sobolem.

*Festa*

*Festa B. Stanislai dies dilata est in Idus  
Novembris.*

31. Addicta hæc Kostka quoniã fuit, hanc amat Infans?  
Kostka diem an legit, qua hic oriturus erat?

*Ad Infantem.*

32. Te nascente, Puer, Charites risere, faventes  
Quas Kostka ad cunas misit ab axe tuas.

*Postquam a gravi agrotatione convalescit  
liberalissimus Pater, filius exoritur.*

33. Protrahit ille ævum, qui munera donat egenti?  
Qui Kostka, in natis usque superstes erit.

*B. Stanislai gratus animus.*

34. Gratia uulla vicem peperit, nam Gratia Virgo est?  
Virgo Kostka parem nunc peperit Charitem.

*Ad Principem Patrem.*

35. Eduxisse potest qui Abrahæ de Marmore natos,  
Dat tibi pro oblatiis Marmoribus sobolem.

*Aliud.*

*Aliud .*

36. Ipsa quidem tibi dona placent. Quantum ipse beatas  
Auctor Kostka sacri muneris auget opes !

*De B. Stanislai dono .*

37. Scire piget Pueri decora, & decora inclyta Patrum:  
Sufficit a Kostkæ namque venire manu .

*Aliud .*

38. Quid parva Pueri membra despicias ? Kostkæ  
Beata quicquid præbuit manus , grande est .

*Amica controversia de Pueri nomine .*

39. Reor esse idem , Puerum Innocentium dici ,  
Infante petere aut nomen a Stanislao .

*Deiparam Stanislaus Matrem suam  
appellabat .*

40. Si Stanislao Genitrix fuit optima Virgo ,  
Quem Stanislaus donat , erit Puero .

*Ani-*



*Animi demissio Religiosissimorum  
Parentum .*

41. In Patrem Genitrix, in Matrem hæc dona retorques  
Dum Pater, alterutrū haud dona minora manēt.

*Novembribus Idibus natum se fuisse dixit  
Divus Augustinus in Lib. de Vita Beata.  
Ad Puerum de doctissimo Patruo nunc Eminentissimo Principe Benedicto Pamphilio .*

42. Hac Phoenix Sapientum ortus luce . Ingeniorum  
Monstra imitabere, quæ sunt tibi , Pupe, domi,

*Ad Infantem de hisce carminibus .*

43. Ipsa etiam ad cantus animas quæ Marmora, Solem  
Te vatū plausus dixerit esse , Puer ,

*Ad Principem Patrem ,  
De B. Stanislao .*

44. A te qui tanta accepit , nil præstet ? Amanti  
In pugna vinci non pudeat Superos ?



G

De

*De Eminentissima Cardinali Fachénetto  
Magno Infantis Avunculo.*

45. Si Regna Patruī Maximi vidit Pater :  
Avunculi tu Regna spectabis, Puer.

*Ad Infantem.*

46. Invectum Kostkæ quamprimùm, Pupule, pennis  
Ipsi etiam noscent te, reor, Antipodes,

*De B. Stanislai Aspiciis.*

47. Faustum est, foelici nasci sub sydere? Faustum,  
Lucem sub magno Cælite inire, puto.

*Aliud.*

48. Ut Cæli munus, crescet pulcherrimus Infans :  
Et documenta dabit, quo sit sub Præfide natus.

*De Patre Superis Manificentissimo .  
Respicitur ad Fabulam Deucalionis,  
& Pyrrhæ.*

49. Orti sunt homines projecto e Marmore ? Nati  
Oblata ob Superis Marmora sunt Homines .

*Ad*

*Ad Infantem.*

50. Quis non miretur te , Pupule , qui videt ipsi  
Delicias Superum te tribuisse choro?

*B. Stanislai gratus animus.*

51. Se vinci metuens , si Principis augeat aurum ,  
Indulgens Natum Kosska : Ero victor , ais.

*Ad Infantem ,  
De Excellentissimi Patruī Benedicti  
Pamphili Sapiētia .*

52. Te digna exoptas , Infans , si carmina , Phœbum  
Exora , ut Patruo suggerat illa Tuo ,

*Ultroneum B. Stanislai munus .*

53. Blandum est , tradere dona , cum rogaris .  
Quantò blandius , antequam rogeris ?

*Ad Patrem Munificentissimum .*

54. Haud Superi donāt , solvunt tibi Pignora , Princeps .  
Haud amor hic largus , gratus at est animus .



G 2

*Aliud.*

*Aliud.*

55. In te qui Superûm , Princeps , non sentit Amorem,  
Infanit , lævâ aut carpitur invidiâ .

*Filium fuisse Stanislai munus  
nullus inficiatur .*

56. Haud quisquam hæc tribuit Fortunæ.Roma fateri  
Prodigia haud facili credulitate solet.

*Aliud.*

57. Terrarum si unquam Sapientia ludit in orbe ,  
Hos certè ludos Ætheris aula probat ,

*Ad Infantem.*

58. Est Kostkæ auspiciû magni tibi Numinis instar .  
Magnum Kostkæ cum Numine fœdus inest .

*Aliud ,*

59. Famâ impleb Urbem vix ortus , Pupule? Adulto  
Impar hospitium maxima Roma dabit .



*De*

*De Filio.  
Ad Munificentissimum Patrem.*

60. Sperasti lucrum prudens mercator . Emebas  
Auro , & Marmoribus Tempia animata Dei.

*Ultroneum B. Stanislai munus.*

61. O quid non Superi præstent in vota vocati ?  
Si non orati hæc munera dant Superi ?

*Augurium.*

62. Kostkæ addicta dies faustas quem fudit in auras ,  
Cura erit hic Kostkæ , delictumque , Puer .

*Postquam e gravi agrotatione Pater convaleuit ,  
Filius exoritur .*

63. Te rapto, invidiæ haud Inopum paria astra fuissent.  
Reddunt Te , ac , Patrem quæ referat, sobolem.

*De B. Stanislao sobolem donante, eodemque  
sape viso pugnare in Scythas ,  
& Turcas .*

64. Das prolem Virgo ? Sic , Pacis signa sequutus  
Kostka , Scythas bello fundis , & Odrysios .

*Ad Patrem .*

65. Dilectus Cælo , Princeps , tibi nascitur Infans .  
Dilectum Cælo quis neget esse Patrem ?

*Aliud .*

66. Extra fortunam est quicquid donatur Olympo ,  
Cui gazas linguas , fydera dant sobolem .

*Ad eundem Principem Pauperum Patrem .*

67. Usque adeo Populus Te diligit , ut sit hic Infans  
Delicium Patris , delicium Populi .

*Martialis verba parum immutata ad illustrius  
argumentum detorquemus .*

68. Quantum jam Superis, Princeps, Cæloque dedisti?  
An, tibi quod solvat, non habet arca Dei ?

*Ad Infantem  
De B. Stanislai auspiciis .*

69. Sub Marte exoreris ; Fidei namque Ægis , atroces  
In Thraces Fulmen Kostka , Puella , fuit .



*De*

*De felicissimo Infantis exortu .*

70. Fœlix , quæ blandis sonuit vagitibus ædes :  
Exorto. haud fœlix sic Jove Creta fuit .

*De Infante suavissimo .*

71. Qui Stanislai Puer aureus ore salutat  
Auroram , plaudit , non gemit ille Puer .

*De eodem  
Augurium .*

72. Quem Koftka indulsit terris , hic moribus infans  
Custodis mores præferet usque sui .

*Idus Novembres sacræ erant Junoni .*

73. Est Juno Lucina tibi Divina Virago :  
Hæc tibi lac , Infans , præbeat Alma Parens .

*Ad Patrem Stanislao Munificentissimum  
De Filio .*

74. Si vivum, Princeps, Tibi Templum Numinis ultro  
Reddit Koftka , ipfas haud tibi reddet opes ?



*Ad eundem Patrem .*

75. Oscula dum nato das , Princeps Optime , Cæli  
Tantum, inquis, Puer, in te mihi dona placent .

*De Stanislai munere .*

76. An Divi dent verba , patet. Qui prodigit aurum  
Pro Cælo , hic aurum fuscipit , & sobolem .

*Augurium Diuturnæ vitæ .*

77. Quæ sibi adempta , olim raptò juvenilibus annis ,  
Lustra suo blandus donabit Kostka clienti .

*Ad Infantem .*

78. De te non hominum nascuntur gaudia tantum ,  
At ipfis præbes gaudia Cælitibus .

*Nascitur surgente aurora .*

79. Auroram expectas oriture ? In Tethyos undis  
Sol lateat . Pandes pulchrius ipse jubar .



De



*De Pulcherrimo Templo a Pamphiliis  
Principibus erecto, & exorto  
Infante.*

80. Quod pretium Kostkæ pro Æde? Illa colonia cæli  
Sit quamvis Ædes, quàm minor est pretio?

*De B. Stanislai munere.*

81. Dum Puer æthereâ tingendus nascitur undâ,  
Has Stanislai quis neget esse nives?

*De eodem plurimos Infantes ad vitam  
revocante.*

82. Diligit infantes infans. Aut Kostka puellis  
Indulget primò, restituitve dies:

*Fovi sacra olim erant Novembres Idus:  
Ad Infantem.*

83. Hæc fabuloso sacra lux fuerat Jovi.  
Eris juvando Jupiter Quiritibus.

*De B. Stanislao, & Filio Domitiani,  
cui assentatus est Martialis.*

84. Ludit ab axe, nives calvi dum Cæsaris infans  
Spargeret? Hic Puerum donat ab axe Puer.

*Ad*

*Ad munificentissimum Patrem  
Societas Jesu ipsi devotissima .*

85. Pro nobis grates Divi tibi reddere , Princeps ,  
Incipiunt. Kostka haud unicus astra tenet .

*B. Stanislaus interiit decimo octavo  
Kalendas Septembris .*

86. Cur in Novembres Kostka distulerit suum  
Idus triumphum , pandit hic causam Puer .

*Faustum Infanti Auspicium .*

87. Saturni procul astra . Tui nam Praefidis , Infans ,  
Kostka perpetuus risus in ore fuit .

*De Infante Stanislai munere .*

88. Alternus quondam si frater venit ab astris ,  
Pro se Polluce an Castora Kostka dedit ?

*De Tusculano Musarum Monte  
In Regali Villa Excellentissima Avia .*

89. Qua cunas lauro-ornamus tibi , Pupule , nuper  
Aldobrandini gloria ruris erat .

*Aliud.*

*Aliud.*

90. Aldobrandino quæ colle evolvitur unda,  
Illa mihi posthac Castalidum imber erit.

*Virtutis triumphus  
In Religiosissimo Principe Pueri Patre.*

91. Estis, Io, Superi: Cælo caput erige virtus.  
Est cordi, Superis, sydera quisquis amat.

*Ad B. Stanislaum Mortuorum excitatorem*

92. Innumeros vitæ qui, Stanislae, redonas,  
Huic vitam indulges primò: erit illa brevis?

*Idus Novembris Sacrae olim erant Janoni.*

93. In axe quamvis pingat Heroum viam  
Lucina Juno, lac tibi haud præbet, Puer.

*Ad Integerrimum Infantis Patrem.*

94. Pignora dant fidei Superi: Immortalis in astris  
Namque eris, hîc etiam in Prole superstes eris.



De

*De eodem Munificentissimo Principe .*

95. Quem genuit, magnoq; emit quem prodigus auro,  
Nomine multiplici hunc dixerit esse suum.

*Ad eundem .*

96. Te liberalem dixerō? Reor avarum ,  
Magnanime Princeps: fœnerator es prudens .

*Eidem Augurium aliarum Prosperitatum .*

97. Quid precer, o Princeps? Fausta cum Sorte quotannis  
Pamphilio redeat candidus iste dies .

*Ad Infantem de optimo Parente .*

98. Sacra facit Vates . Tibi sydera , Pupe, precatur ,  
Moribus ut vivas Patris , at ille suis .

*Cur serenus fuerit Stanislai dies.*

99. Kostkæ addicta dies roseam cur lampada proferens  
Nubibus expulsis? Hic nitor est Pueri

*De Idibus Novembribus ,**Quibus exortus est Innocentius Stanislaus  
Pamphilius .*

100. Majæ Mercurium , Augustæ peperisse feruntur  
Idus Dianam . Præstant utrilque Novembres .  
In

## In hæc Dyfticha

*A Decem Rhetoricæ Auditoribus dicta*

Extemporale Epigramma  
Sapientissimi , & Celeberrimi  
P. Antonii Vieiræ Societatis Jefu  
Tunc Romæ degentis ,  
Effufum ab illo exeunte ab Academia  
poft hæc Carmina audita .

**P** Amphiliâ Sponsâ Mufa eft fœcundior ifta .  
Illa Unum , Pueros edidit ifta Decem ;  
Infantem illa dedit , doctè dedit ifta loquentes :  
Illa Novem Menfes diftulit , ifta Diem .

*Diffichon Egregii P. Caroli Bovii S. J.*

Parva quidem , Pueri fed rara crepundia collo ,  
Tam citò quod fuerint edita , Prodigium eft ,

EPI-

## EPIGRAMMATUM

LIBER SECUNDUS,

## IN NIVES DEVOLUTAS

Pridie Kalendas Ianuarias Anni 1670.

Epigrammata Centum totidem  
Distichis comprehensa.

## PROLUSIO.

**C**UM artificium variandi formulam, & sententiam edocebamus, quæ una est ex præcipuis Rhetorum laudibus, eademque animos jucundissimè suspendit, adeo ut admirationis mater, aut filia dicatur Iris, eò

quòd

*Mille trahat varios adverso Sole colores,*  
contigit, ut Nix ultima Decembris die Romam velaret. Placuit hinc exempla desumere illius, de qua tunc sermo nobis erat, Varietatis, utque unam, & eandem rem multipliciter exhiberemus, candidissimam nivem plurimis poeticis pigmentis coloravimus. Accipite faustis auribus Epigrammata Centum totidem distichis comprehensa, ad quæ scribenda non a quovis fonte aquam nostras in areolas derivavimus, sed tantum ex celebri loco ab Adjunctis: imò ne ab hoc ipso quidem, quæ latè patet ad omnia, quæ rem circumstant, sed quæ solummodò animadvertit Tempus,

## LIBER SECUNDUS, 111

pus, quo res ipsa contigit. Quærimus ergo, cur e Cælo devolutæ sint nives pridie Kalendas Januarias, & licet magna ex parte contabuerint eodem, quo lapsæ sunt, die, tamen ipsas etiam Jani Kalendas candore notaverint.

*In mites Divi Sylvestri nives  
temperantes frigus.*

1. **N** Ec tu Sylvester, quâvis nive contegis Urbem;  
Urbanus, lenis si nive frigus, eris.

*In ejusdem Divi Sylvestri nomen.*

2. Sub nivibus Sylvæ hybernis plerumque laborant.  
Sylvestro hinc albet sacra dies nivibus.

*In Soracte Monte Divus Sylvester  
delituit.*

3. Candida sunt nivibus Soractis culmina: Romæ  
Sylvester Montem fingit, ubi latuit.



*In*

*In eundem Divum Sylvestrum , qui  
Constantinum Cæsarem sacro  
fonte lustravit .*

4. Cum Constantinum liquido abluit Æthere , primas  
Sylvester tribuit tunc tibi , Roma , nives .

*Ænigmaticè innuitur , amittam nives  
Romam fuisse festo Divi  
Sylvestri die .*

5. Sylva nives Romæ defert ? Ediffere . Distat  
Urbe nemus : Romæ ferre nives poterit ?

*Ultima Decembris dies sacra est  
Divæ Columbæ Virgini ,*

6. Intacta nive candidior petit astra Columba ,  
Virgineasque suo spargit ab Axe nives .

*Cur ante Divæ Euphrosinæ diem  
Roma nivibus obruatur ?*

7. Euphrosinæ latuere nives sub veste Virili :  
Sub quibus Urbs lateat , nunc dedit illa nives .



*Ulti-*



*Ultima Decembris dies Divo Barbatiano addicta est .*

8. Barbatiani festa dum redeunt senis ,  
Vis tanta ab astris labitur canæ nivis .

*Dum instat octavus post Natum Divinum  
Puerum dies , labuntur nives .*

9. Munifica his olim rorarunt astra diebus ,  
Candidaque hæc nivei sunt monumenta Dei .

*Martialis lusum ad illustrius argumentum  
detorquemus .*

10. Qui ficcis blanditur aquis , & ab Æthere ludit ,  
Arbitror has pueri Numinis esse nives .

*Ex eodem Argumento aliud eruimus .*

11. Candorem qui poscit , amatque nivalia corda ,  
Divini has Pueri quis neget esse nives ?

*In idem argumentum .*

12. Sunt nivei foles , pueri qui Numinis ortum  
Concelebrant : ficcis hinc decorantur aquis .

H

Post

*Post natalitia Divini Pueri festa  
decidunt nives.*

13. Labere nix : niveus Puer est , Puerique Corona ,  
Joannes nix est , & Pueri Innocui .

*In SS. Pueros Innocentes .*

14. Vim nivium magnam tellus donavit Olympo :  
Miraris , Cælo si cecidere nives ?

*Cur delapsæ pridie Kalendas Januarias  
consequenti die nives solvantur .*

15. Cras dissolventur canentia vellera ; namque  
Divini Pueri cras rubuere nives .

*Ex eodem Argumento Omen .*

16. Lapsa hodie nix , cras Dio tingenda cruore est .  
Fertilis est annus , cum rubuere nives ,

*Post lapsas nives mitius aliquandiu  
frigus fuit .*

17. Bethleæ sub rupe nives læsere Tonantem :  
Ablatus rigor est a Puerio nivibus .

*In*

*In idem Argumentum .*

8. Mitefcunt lapsa nive frigora ; mite puelli  
Numinis ingenium nam didicere nives .

*In Æstivas Exquilina Virginis nives,  
& hybernas Filii .*

9. Æstivis nivibus Romæ blandita Virago est :  
Hybernis Infans ludit , at innocuis .

*In easdem Divini Pueri nives tem-  
perantes frigus .*

10. Æstivis nivibus Genitrix Divina calorem ,  
Frigoraque hybernis Filius imminuit .

*Cur nivibus operiatur Roma a Puero  
Divino , qui Calestem ignem  
in terras detulit .*

11. Igneus est Infans : niveo cur labitur imbre ?  
Virgineas ignis nam fovet ille nives .

*Delapsa post natum Divinum Puerum  
nives frigus imminuunt .*

12. Glacies adurit improba igneum Deum ,  
Qui nunc Quiritum temperat frigus nive .

*Qui nunc candido nivium velamento  
Romam induit Divinus Puer,  
Cunas habet in Exquilino Templo a nivibus  
deliniato.*

23. Ubi ceciderunt Matris æstivæ nives,  
Sunt Filii Cunabula. Ut nives amat!

*Lusus ex eo, quod ultimo, & primo anni die  
Roma nivibus tegatur.*

24. Labuntur anni, Romulæ perstant nives.  
Riphæa vincet antra Romanum gelu.

*Hoc ipsum Ænigmaticè exhibemus.*

25. Toto anno ningit, nec bis duodena nivali  
Hora pluit nimbo. Has, Oedipe, solve notas?

*In idem Argumentum.*

26. Rarò, inquis, Romæ ningit? Geminantur & anni,  
Dum tumulata jacent Romula testæ nive.

*Sub initium novi anni labuntur nives.*

17. Faustior annus init, cujus primordia ningens  
Signavit Cælum candidiore nota.

*Cur*

*Cur ultimo anni die labuntur nives.*

28. Debut effati lux Anni extrema Senilem  
Mentiri cano vellere Cæsariem.

*In eundem niveum anni finem.*

29. Lux Anni postrema nives cur illinit agris?  
Credi abiens annus nam cupit innocuus.

*Contra nives ultima infausti anni  
die lapsas.*

30. Crescâ notandus annus haud fuit notâ,  
Quo Creta cecidit. Craftinum expectent nives.

*Sub finem anni, quo extinctus est  
Sanctissimus Pontifex Clemens  
Novus, labuntur nives.*

31. In lachrymas nix mesta fluat, dum clauditur annus,  
Quo Creta, & Clemens Optimus interiit.

*In idem argumentum.*

32. Clemens hunc Annum incæpit, Cæloque receptus  
Blanditus terris donat ab Axe nives.

*Cur mites fuerint nives , & frigus  
aliquandiu temperaverint .*

33. Candidus , ac mitis Princeps demittit amicas ,  
Dum suus hic Annus clauditur , Axe nives .

*In eundem niveum anni finem .*

34. An ficcis lachrymatur aquis sua funera cedens  
Annus ? Cur arent ? Sunt senis hæ lachrymæ .

*Cum sicca aqua dicantur nives ,  
querimus , cur his annus defleat  
sua funera .*

35. Morientis anni lacrymæ arefcunt : Solet  
Siccare namque maximus fletum dolor .

*Decembri mense Saturnales ludi  
celebrari consueverunt .*

36. Saturnalitii postrema luce Decembris  
Innocuæ præbent ludicra tela nives .

*Eodem , quo lapsæ sunt , die  
magna ex parte tabescunt  
nives .*

37. Cur totus emori niveus annus nequit ?  
Niger emori , qui vixerat niger , solet .

*In*

*In Lunaria præfagia ultimo Decembris  
die vendi consueta.*

*Auguriam certum primæ anni diei.*

38. Prima nivalis erit lux. Nunquam hodiernus ineptas  
Scriptis Ephemerides certius Astrologus.

*Lusus in eandem niveam anni  
senectutem.*

39. Romanos moriens annus nive conspuat agros;  
Hæc est effecti namque saliva senis.

*Cur ultimo anni die Nivibus  
canescat Roma.*

40. Nam dici innocuus vellet, nive clauditur annus?  
Subvertit Cretam. Noxius ille fuit.

*Ex eadem Creta sumimus  
Argumentum.*

41. Candida nix, pariterquæ infœlix Candia Cælo  
Labitur: illa in humum, hæc Tartara in ipsa ruit.

*Vera Faustitas Innocentia est: hæc  
novo anno ex nivibus ominamur.*

42. Augurium faustum! Innocuū fore quis neget annū,  
Cujus prima dies candida sit nivibus?

H 4

Is

*In idem Argumentum.*

43. Dimidium confecit opus , primordia fausta  
Qui dedit . Est anno principium niveum .

*Futile Argumentum dissolvimus .*

44. Ortu nivali tumidus annus tollitur ?  
Est semper innocens puer , an ideo & viri ?

*Qua die Xenia olim mitti consueverunt , ningit .*

45. Saccareum Xenium quia cessas mittere , ningit ,  
Conflari ut nivibus ficta placenta queat .

*Ad Moniales , quæ Xenia mittere  
prohibentur , ut saltem crustata  
liba nivibus conflent .*

46. Dona prohibentur mittere Sacræ Virgines :  
At crustula dare nivea quæ leges vetant :

*In idem Argumentum .*

57. Donare possunt crustula hæc Ascetria  
Referta nivibus , nam queunt dare nihilum .

*In*



*In pueros , qui sub initium anni  
præstolari solent Sacrarum  
Virginum munera .*

48. Ad crustulata liba , quæ Monastriæ  
Misere , pueri currite ; at nix saccharum est .

*In Festa convivio , quæ ineunte novo  
anno celebrari solent .*

49. Cum nix famem exacuat , bene exortam , reor,  
Dum festi opiparè transigi solent dies .

*Quo die delatoribus strena dari con-  
suevit , Roma vestitur nivibus .*

50. Est quando dives pipere delator nigro ,  
Erit Solæcon aeris , si nix cadat .

*In munus nigrum  
hac die Exploratoribus exhiberi  
solitum .*

51. Exploratorem piperis donare cucullo  
Oeconomi parcant : claude , cuculle , nives .



*Lusus*

*Lusus in eosdem Exploratores.*

52. Exploratori qua traditur improba merces,  
Ningit luce? Nigram hanc par fuit esse diem.

*In eorundem laudem.*

53. Ningit, tibi cum frena, delator, datur;  
Namque niveos tui timor mores parit.

*In idem argumentum.*

54. Tantum hodie nix e miti delabitur axe;  
In delatores saxeus imber eat.

*Ad pueros, qui saxa nivibus tegere  
solent.*

55. Saxa, puer, tunica potes occultare nivali,  
In delatores si tua tela volant.

*In eosdem Exploratores.*

56. Hoc tantum argento merces solvenda dolose  
Exploratori, quod tribuere nives.



*In*

*In eosdem exploratores invehimur .*

57. Exploratores nigra qua luce triumphant,  
Alba Romanus cur nive candet ager ?

*In eosdem delatores .*

58. Ut delatori rigeant ad munera dextræ ,  
Lapsæ hodie summo sunt , reor , Axe nives .

*Sensim , ac lentè labuntur nives die ,  
qua Fabius Maximus olim  
interiit .*

59. Cunctator hodie Fabius excessit. Mora  
Dum lenta moritur , tarda cur nix labitur ?  
*Masculus in fastis 31. Dec.*

*In eundem Fabium Maximum  
hac die extinctum .*

60. Per montes tractum Annibalem Fabius nive fregit.  
Hæ Cunctatoris sunt monumenta nives .

*In eundem Fabium Maximum .*

61. Qui Romæ Clypeus fuerat Fabius , tegere Urbem  
Consuetus , Romam nunc tegit his nivibus .

*Ni-*

*Nivali hac die extinctus olim est  
Titus Livius , qui lacteo elo-  
quentiæ fonte manare  
dictus est .*

62. Lactea donavit vivens si Livius Urbi  
Flumina , dat saltem post sua fata nives .  
*The. V. hum. t. 24. l. 1.*

*In ejusdem Titi Livii interitum .*

63. Eximius Livj candor candore nivali  
Pingitur : hinc albert , dum perit ille , nives.

*Publius Ovidius exul ultimo anni  
die fato concessit .*

64. Naso Tomitanas hyemes tolerare coactus ,  
Queis periit , donat nunc tibi , Roma , nives.  
*The. vita hum. t. 24. l. 1.*

*Cur in cœnum liquecant nives ?*

65. Vix orta nix tabescit : hac moriens die  
Ovidius illam spiritu impuro enecat .



*Ni-*

*Nivali hac die interiit Commodus  
Cæsar .*

66. Commodus interiit , qua luce incommoda Romæ  
Multa , licet mites , nunc peperere nives .  
*Beron. an. 194. num. 3.*

*Kalendæ Januariæ dicatæ olim erant  
Jovi , cujus festa die Romæ  
operitur nivibus consuetis  
fecundare campos .*

67. Studium juvandi nomen imposuit Jovi .  
Juvare fuetas arva largitur nives .  
*Gyrald. l. de anni mensibus.*

*In eundem Jovem .*

68. Delabi in pluvium consuetus Jupiter aurum ,  
Nunc spargit , redeunt dum sua festa , nives .

*Contra eundem Plutonis fratrem .*

69. Haud nive conspergi decet , at fuligine, Romam,  
Quondam ubi sunt furvæ festa agitata Jovis .



*In*

*In eundem Jovem.*

70. Nivibus dolosi fidat ut nullus Jovis,  
Decepta Danae ab aurea pluvia monet.

*In idem Argumentum.*

71. Et Jupiter serò sapit, ut olim Phryges,  
Niveus videri si putat spargens nives.

*Et Junoni addiētus erat hic dies  
Jovi consecratus.*

72. In aere creantur nives : regnum aeris  
Junonis est : dant festa Junonis nives.  
*Gyrald. l. de anni mensib.*

*Lacteam semitam a Junonis lacte  
formatam fuisse fabulantur  
Poetae.*

73. Junonis lac in Cælo si procreat astra,  
Delapsum in terras fertile erit nivium.

*Lusus in Apollinem, cujus festo Ethnicis  
die nivea est Roma.*

74. Imberbis genitor barbatae es prolis Apollo;  
Sed canas quare dant tua festa nives?  
*Alexander ab Alex. lib. 3. cap. 18.*

*Ejus-*

*Ejusdem Apollinis senectutem illudimus.*

75. Juvenis videri quia cupit, Phœbus genas  
Abradit? Hæc est lapsa canities seni.

*In Apollinis annos inquiremus.*

76. Phœbe pater, si florebas vel tempore Nævj,  
Confectus senio es: nix tua canities.

*Ad Dionysium Tyrannum Æsculapii  
consorem.*

77. Furari auratam Proli, niveamque Parenti  
Imberbi poteras, Dionysi, affingere barbam.

*Et Æsculapio sacri olim erant  
nivales hi dies.*

78. Magna Æsculapj sylva velabat genas:  
Huic sacra dies ningit: ferunt sylvæ nivem.  
*Gyraldus l. de anni mensibus.*

*Eundem Æsculapium illudimus.*

79. Barbatus sis usque licet, sis denique barba,  
Phœbigena, haud nivea, ast aurea, barba tua est.

*In*

*In eundem Æsculapium  
Archiatrium, ac nives temperan-  
tes frigus.*

80. Medici Æsculapj luce labuntur nives ?  
Si mitigat nix frigora, haud ægris nocet.

*Kalendæ Januariae consecratae olim  
erant Iuventuti.*

81. Cana est, Juventæ sacra quæ fuit dies ?  
Cultus inanes forsan irrident nives ?  
*Cic. ad Atticum l. 1. ep. 16.*

*Ex eo, quod ultimo anni die Roma  
nivibus induta sit, Romana  
Innocentiæ argumentum  
eruiamus.*

82. Quæ niveis anni sub funera vestibus albet  
Roma, fui præfert candida signa animi.

*Ad Urbem Romam  
Frustra superbientem nivibus suis.*

83. Nive tegit ignes Ætna. Quod nivali annum  
Claudas amictu, ne superbias, Roma.

*Qua*



*Qua die Lucius Antonius de Alpibus  
triumphum retulit, nive  
canescunt Romani  
Colles.*

84. Ut Africanus audit Africæ everfor,  
Quia fregit Alpes Roma, nivibus Alpina est.  
*Onuf. Panvin. fasc. l. 5.*

*Concreti nive Romani montes appa-  
rent postremo anni die, quo  
Cajus olim Marius de Ju-  
gurtha triumphavit.*

85. Fracta Jugurtha Marius hodie Urbem subit.  
Usta triumphum ex Africa exhibent nives.  
*Ibid.*

*Romanæ fidei hostes Mauri  
Ultima Decembris die a Bætica sunt  
expulsi.*

86. Devicti monumenta nives albertia Mauri  
Dixeris? at Maurus non erat ille niger.  
*Ant. de Bald. Kal. 55. Virg. 1. Jan. num. 9.*

*In idem Argumentum.*

87. Albescunt Romæ colles, cum Bætica Mauros  
Expulit: an saltem nomina pugnam ineunt?

*Qua die Tarquinius Superbus pulsus  
a Regno fuit ,  
Romam integunt nives .*

88. Qua luce exacti Reges , cur Roma nivali  
Veste tumet ? Pulsa ob crimina in exilium .

*Hac ipsa die primi Consules Rempu-  
blicam administrare  
incaperunt .*

89. Cum Candidati Consules magistratum  
Ineunt , & ipsa candet Urbs niveo amictu.

*In Cariotas , quæ Kalendis Ianuariis  
mitti consueverunt .  
Ad Ponticum  
Avarum .*

90. Donari suevit Jani Cariota Kalendis :  
Mitte apinas nunc , vel , Pontice , mitte nives.

*Car exorta pridie Kalendas Ianuarias  
consequenti die in fluentem  
labem nives abeant .*

91. Canum os mutabunt cras Romæ culnina : Jano  
Altera frons Senis est , altera frons Pueri .

*Ia-*

*Ianum primum Italiae pinitorem  
fuisse perhibet fama.*

92. Sevit in Hesperia Janus vitem. Huic quoniam ævo  
Frigida vina placent, nunc dedit ille nives.

*Bellis præesse solebat Ianus, cujus  
prima dies nivosa est.*

93. Si Nix vel Jani prohibet pugnare Kalendis,  
Clausus erit Janus. Pax trahet alma moram.

*In eundem Ianum.*

94. Syrmate Janiculum Janus decorare nivali  
Tantum debuit: Urbs sub nive tota latet:

*In ipsum nomen Iani, qui anni  
janua dicitur.*

95. Janua si alba est, ingreditur qua Janus in annum,  
Qui color est Pacis, prælia nulla feret.

*Incunte anno solemus ominari amicis  
diuturnam ætatem.*

96. Cum dare Nestoræ consuevimus omnia vitæ,  
Ipsa etiam canos induit Urbs nivea;

*In eadem Omina plerunque inania .*

97. Nivea senectus Urbis effluxit citò,  
Hodierna fenii ut omina cadunt irrita .

*In vetustum morem exornandi  
domos lauro Kalendis  
Ianuariis .*

98. Delapsa nix est , quando velari domus  
Suevere lauro . Carmen hinc ornat nives .

*Dum Comitia pro eligendo Pontifice  
Maximo celebrantur , candidi  
sunt nivibus Romani  
colles .*

99. Albus Pontificis color est ; hic labitur astris ,  
Ut Patres illum dent citò Purpurei .

*In idem Argumentum.*

100. Mox regnaturi Senium canentia forsan  
Designant nivium vellera Pontificis ?  
*Regnavit paulò post Clemens X. sa. mc. Octogenarius.*



EPI-

# EPIGRAMMATUM

## LIBER TERTIUS.

### CÆLESTIS PROTEUS.

Sive in multiplicem vultum diei,  
quo coronatus est

*SANCTISSIMUS PONTIFEX*

## C L E M E N S X.

Epigrammata Centum. Edita Anno 1670.  
& iterum anno 1672.

*Carminum Prolusio*

### D I C T A

Sexto Kalend. Junii anno 1670. In Aula  
Maxima Collegii Romani.

**C**ælestem Proteum, Eminentissime Princeps, fuisse dixeris diem, qua Maximus Clemens coronatus est; si enim formas se vertit in omnes, ut fabulantur Poeta, cæruleus ille maris Vates, optatissima pariter hæc dies multiplici ore videndam se Quiritibus præbuit. Aurora Nubibus obducta fuit. Raris

*itidem Nubibus oblitus aer, dum Purpurati  
 Principes peterent Vaticanum. Mox, dum Sa-  
 lenne fieret Sacrum a Sanctissimo Pontifice, sine  
 ullo Tonitru strepitu, aut Venti murmure, te-  
 naxis Imber identidem decidit: identidem mo-  
 destus e Nubibus prodixit Sol; qui deinde exul-  
 tantior protulit frontem, cum exornatus Tri-  
 plici diademate fuit Optimus Princeps. Prodi-  
 re visus e Sipario est Syderum Caesar, ut ipse  
 pariter una cum infinita mortalium vi ante Co-  
 ronatum Divinitatis Vicarium procumbente cut-  
 tum exhiberet illi, qui disperget cum Sole bene-  
 ficas humano generi manus. Obsequio deinde suo  
 persunctus sub Nubes iterum recessit. Hinc ansa  
 nobis oblata, illas tantum ex innumeris Optimi  
 Principis dotibus carmine representandi, quae  
 ex multiplici triumphalis Diei ore innuuntur.  
 Quid, inquires, Imbri, & Nubibus cum Im-  
 perii Fugae, cum perpetuo sacrarum Precum stu-  
 dio, & ceteris Egregii Principis virtutibus?  
 Aliquo hac pacto fortasse convenient, & Philo-  
 sophica plerumque ratiocinatione unum ex alio  
 inferetur. Arcanis sacunda sunt quaecunque  
 Deum circumstant, ac Deo simillimos Princi-  
 pes. Praesuri tamen interea cogimur, deflora-  
 tam esse in praesentia, qua unice tueri se pote-  
 rant nostri lusus, gratiam celeritatis. At cum  
 illi, triduo postquam Caestis Proteus Romanum  
 exhilaravit, delati sint ad pedes Magni Cle-  
 men-*

*mentis, cuius rei testem omnium Sanctissimum habeo (ut in simili argumento Statii verbis utar), a nobis culpam non absaturam credidissemus, si splendor elegantiae nullus illis fuisset appetitus, dum subiiciendi nunc erant oculis, utcumque eruditissimis, ceterorum, quo exornati non sunt, cum primò subiecti fuerunt oculis Pontificis Sapientissimi.*

*Quæ sequuntur, publicè dicta non sunt.*

*Ceterum quemadmodum ineptos Arbitros ingeniorum teruncii facimas, ita præstantium Poetarum censuram veneramus:*

Hi pressos incude maligna

Diffingant versus: horum sub pollice vultum  
 Ducat Apellæum rudis, informisque Camæna.  
 Horum aliquis feriat: dextram ferientis adoro.  
 Musarum a sacris alvearibus arceo fucos,  
 Ignavum pecus, & stomacho tunc surgit orexis,  
 Aggreditur quando Musas is forsee, Apollo  
 Quo minui Admeti nollet tonsore capellas.  
 Aude aliquid cedro dignum: decoctius affer,  
 Illepidum, & crassum dein carmen, Critice, carpe.  
 Non tu Mercurii, quod fingo, probas simulacrū?  
 En sylvam: molire aliud: talaria, vultus  
 Exprime furaces, lignoque imitare crumenam.  
 Voti, inquis, modicus fungar vice cotis, acutum  
 Reddere quæ ferrum valet, exors ipsa secandi.

Est, qui de tabulis Zeufis Jove judicat æquo,  
 Nec phialâ super appositè depinget Jacchum.  
 Te certè peregrè rapuit non pictus Jacchus.  
 Pictorē haud illum ars sua, te esse jubet tua Vata.  
 Hinc te quando tuum conari carmina adegit  
 Munus, & infœlix subeunda tibi alea, palle  
 Ceu Lugdunensis Rhetor: dein tetrica quinque  
 Ora seris claudas, exosa pericula vitans.  
 Quod placeat carmen, plus tēporis, atq; olei plus  
 Quærit, ais? Fabium cunctando at vincis, & Urse  
 Partum infœlicem quarto eluctaberis anno,  
 Nec vinctes, una quem nocte effuderit alter.  
 Tuque audes, canis, excusso suspendere naso  
 Quoscunq; haud tristi Vates mors intulit urnæ?  
 Vitam agitat? Nigrum Vati celer alline signum.  
 Quid si nequaquam juvenetur versibus? Atrum  
 Allinis? Elimat docta mors carmina falce?  
 Ante obitum Patris esse nequit formosa propago?  
 Si Pater intreat, Therſites Nirea vincet?  
 Phœbe Pater, cunctare, lyram in cervice proterva  
 Frangere? Quandoquidē bene vivitur ambitiosa  
 Paupertate: alios prudens spoliato Poetas,  
 Ut volucres Cornix. Alienis, Critice, pennis  
 Haud unquā tolleris humo; usque adeo tua ceno  
 Infixit te segnities. Atque exedat omnes,  
 Omnia qui tela invitat? Qui carmina palmo  
 Metitur, Phœbi possit Collega videri,  
 Tantūm audet verbis? Castiget barbara dicta  
 Verna Mycipsarum? Vatum capita ardua calcet  
 Vilis



Villis adulator vulgi, nam vulgus adorat  
 Contemptor Regum, vulgo quos æquat inertī?  
 Quid caput intorques cerebrosū, & magnū haberi  
 Posse putas, alios rides quòd naribus uncis?  
 Morde aliena probris: quater expue: Cōcio nū te  
 Lufurum meliora putet stantem pede in uno?  
 Livida quin animi putat argumenta pusilli,  
 Et qui desperet, quas audet carpere, lauros,  
 Utq; blitum, in proprio succo a livore coquatur.  
 Me tua commendat satyra. . Haud tibi Musa  
 probatur?

Ergo probanda. Suo nisi te fulgore perurant,  
 Illaudata aliis permittes carmina inepta  
 Spōte mori. Laceras? Populi famā ergo laceffunt.  
 Mordeor? Exulto. Est, Persi, qui velle recuset  
 Os Cynici meruisse, adeo mihi cornea fibra est.

*Hæc per ludum dicta sint in hos Palladiæ  
 aula tortores, qui artem omnem Rhetoricam in  
 Hypercritica sitam esse arbitrantur, quamvis in  
 hoc ipso artificio ferendi censuram de alienis  
 Operibus egregiè peregrinentur. Hinc, quod-  
 cunque in lucem prodeat Carmen, verbis, ut  
 ajunt, Herculis illud invadunt, & ex jactis  
 in alios maledictis laudem quærunt, quam ex  
 editis in lucem monumentis ingenii sui assequi  
 se posse desperant. Horum objurgationis ambitu  
 honestissimo incendimur; illa enim esset argu-  
 mentum præstantiæ alicujus in scribendo nostræ.  
 Et fortasse unum, aut alterum ex his Sesquica-*  
*toni-*

ronibus sperare possumus, qui suis nos convitiis  
 exornet; cateroqui enim humanissimos fore Le-  
 ctiores ominari possumus, cum Argumenti splen-  
 dor, & gloria publicum nobis favorem, & quam-  
 plurimos hujus Editionis suadores conciliaverit.  
 Hos, quibus obsequor, illustres Poetas profecto  
 non latet, in Scriptore Epigrammatum non  
 quarendam illam, quam Sfortia Cardinalis  
 Pallavicinus esse dixit notam ceterorum præ-  
 stantium Authorum, ut videlicet si fortuito  
 semel, iterumque, ac tertio Liber a Lectore ape-  
 riatur, semper incidat oculus in egregium ali-  
 quid, & singulari laude dignum; qui enim ex  
 brevis hujusce carminis Scripturibus assequuti  
 hoc fuerint, oppido paucos invenies. Id verò  
 magis arduum erit, si idem sit argumentum car-  
 minum omnium, sique eadem exornativa sint;  
 facilius enim assurgunt Vates, si aliena crimi-  
 na morsu appetant erudito: ac demum si sponte  
 pedicæ Author inferat sibi, si videlicet non ex  
 quovis fonte, sed ex Pluvio tempore, vel Sere-  
 no inferat Sanctissimi Pontificis prerogativas.  
 Sed enim levis, inquires, ingenii fuit, has ipsas  
 sibi compedes iniicere. Itane verò, a quo exem-  
 pla duximus, Principem Poetarum nobiscum  
 carpis? Ille enim sui Cæsaris laudes eruit a Se-  
 reno die, qui post noctem perpetuo imbre fune-  
 statam exhibita a Cæsare Augusto spectacula  
 exhibaravit.

Nocte

## LIBER TERTIUS. 139

Nocte pluit tota, redeunt spectacula mane.

Divisum Imperium cum Jove Cæsar habet.

*Sed profectò has tibi ipse compedes non  
iniicies, qui ne sine iis quidem volare potes Da-  
daleis alis ingenii. Denum ut ex vero profi-  
tear, quod per ludum, aut per insignem mode-  
stiam protulit Martialis: Si mediocria hic mul-  
ta, mala quamplurima, vix ullum fortasse bo-  
num carmen invenes,*

Aliter non fit, Avite, Liber.

## EPIGRAMMATA.

*Ex eo, quod Sol fuerit obsitus Nubibus,  
ac deinde serenus illuxerit, inferi-  
mus, Optimum Principem  
eodem ÆMTLII nomi-  
ne in Regno appel-  
landum.*

1. **Q**ui nunc ÆMYLIUS fuit, Latini  
Ostri gloria, nunc & Urbis Almæ,  
Et Mundi Pater est. Benigniori  
CLEMENS nomine dicitur. Pelasgo  
Sed vim nominis utriusque fonte  
Si quæris, retinet vetusta blandus  
Princeps Nomina. Dicimus Latini  
Clementem, Æmylium vocant Pelasgi,  
Clementem quoties vocant: Eodem  
Ergo nomine nuncupatur idem

Cle-

Clemens, Æmyliusque. Nube septus  
 Squalabas modò, Phœbe, quem videmus  
 Uultu nunc hilarem fereniore:  
 Nunc mitem; fueras sed ante torvus.  
 Idem at lumine blandiente semper  
 Princeps Optimus est, fuitque Clemens.

*Tempestive accedendum ad sacrorum  
 munerum functiones, inferimus  
 ex Nubibus, & Pluvia.*

2. Qui flore primo lucis exilit stratis,  
 Perfusus imbre nullo ad inclytum Templum  
 Processit; at serus soporis excussor,  
 Multo imbre madidus Aetheri dedit pœnas  
 Ignaviæ. Edocere visus est Imber  
 Quamprimùm inerti esse a quiete surgendum,  
 Et Tempia sacra quantocyus frequentanda.

*In Calestem Proteum, & hujus seculi  
 infortunia.*

3. Nigranti heu nimiti, Princeps, quia tempore regnas,  
 Obscuro, viden, ut Nubila in Axe rigent:  
 Sed quia fata serenabis mortalia, per Te  
 Fulgebit Phœbi lumine clara dies.



*In Pluviam, & Hostes Fidei Electionem  
Summorum Pontificum  
calumniantes.*

4. Lemana lugeat Excetra, irritum virus  
Vomens in astra. Pontifex salutatur  
Alterius. An triumphus in sacris fastis  
Hoc major invenitur? Assequor causam  
Pluviæ hodiernæ. Romæ hic hostium est fletus.

*In Solem e Nubibus tandem prodeuntem,  
& horrorem, quo Sanctissimus  
Princeps averfatus est  
Sacrum Imperium.*

5. Concilio elabi e magno si posset, in antris  
Quæreret Æmylius perfugium, & latebras.  
Novere hoc studium Nubes, luduntquæ tegendo  
Solem, blanditæ Principis ingenio.  
Ne latebras spera, Princeps. Solem ecce recludunt  
Blanditæ Nubes Christiadum ingenio.

*In Nubes, & Cælestes Mores, & Gentilitia  
Sydera Principis Nostri.*

6. In terris postquam Cælestia cernimus Ora,  
Cernimus & Mores Principis Æthereos;  
Pallentes Cælo Phæbus non discutit umbras?  
Phæbe late: hic Cælum, hic Phæbus, & Astra vigent.

*In Solem sub Nubibus diu latentem, &  
mirabilem Demissionem animi, qua  
Sanctissimus Pontifex repulit in-  
dignabundus illos, qui om-  
nium primi Regnum  
ipsi obrulerunt.*

7. Humanos Clemens mirè averfatus honores  
Reppulit, ante suos qui cecidere pedes.  
Phœbe, diem meliore coma non spargis: Eous  
Impexus crinem tristior urget iter?  
Principis an trepidas iram, servire triumphis  
Illius obsequio si videre tuo?

*In Solem sub Nubibus latentem, &  
Sanctissimum Pontificem, quem  
per vim sacris vestibus  
induerunt Purpurati  
Principes,*

8. Solem educere Nubium involucro  
Cur esse Hercules labor videtur?  
Cur serò jubar exerit nigranti  
Sol e carcere? Nam serenior  
Solem e Nube Modestiae revellit  
Per vim Purpurei labor Senatus.



*In*

*In Pluviam, & Clementis Optimi  
Sanctissimum crimen.*

9. Criminis expertem consuetus ducere vitam  
Penè omnes Clemens mortales funere mergit,  
Dum Diadema fugit. Stelus hoc non omnibus undis  
Abluat Oceanus, nedum rotantibus atra  
Eluerit lachrymis Nubes. Frustra ingruit Imber.

*In Solem diu Nubibus tectum, & Æmy-  
lium, Cardinalem de Alteriis,  
quem ipsam Invidia  
calumniari nunquam  
est ausa.*

10. Æmylius semper vixit sine vulnere fame:  
Eximium ipsa jubar suspicit invidia.  
Hujus nulla hebetat Solis caligo nitores,  
Cælestem velant nubila: major hic est.

*Ex Nubibus Nestoream Ætatem  
ominamar Optimo Principi,  
qui diu recusavit  
Imperium.*

11. Regnum repulso plurima impatiens diu  
Torquere Te decrevit. Æternam trahit,  
Sub Nube quanvis abditus, Phœbus diem.  
Latere quæris? Ideo Sol Urbis sacrum  
Per lustra terris plurima affundes jubar.  
Torquere Te decrevit Imperium diu.

*In*

*In Caeſtẽm Proteam, & Æmyliũ de Alteriis,  
quem nondum ſacro Purpuratorum  
Principum albo aſcriptum  
plerique ominabantur  
fore Summum  
Pontificem.*

12. Romano nondum fueras conſpectus in Oſtro :  
Ornabit , dixi , Te Diadema Triplex .  
Nubilus Axis erat : Regnabit Cynthius , inquam ,  
Clementis cinget cum Diadema caput .  
Evenere . Nitet pulcherrimus Æthere Phœbus ,  
Fulgore ornatur cum Diadema Tuo .

*De Caeſti Proteo ad Clementem Naturæ  
imperantem , & recuſantem  
Hominibus imperare .*

13. Si Divina Tibi virtus , Divini & imago  
Imperii eſt , ſpreto Major & Imperio es ,  
Gregorium ut Magnum dixit , Magnumque Leonem ,  
Magnum Clementem poſthuma Fama canet .





*In Pluviam, & Divi Malachiae Vari-  
nium, qui dixit, Sanctissimum  
hunc Pontificem fore de  
Flumine Magno.*

14. Tybride quis major? Non illi certet Orontes,  
Non Tagus, aut Rhenus, non tua lymphæ, Liger:  
Ipse etiam Oceanus Tybridi decessit, Olympo  
Cum Roma æquavit belligera Imperium.  
Regales Pluviam Tyberis cur augeat undas?  
Magnus, quamvis non Imbribus auctus, erit.

*Deum sub Nube videndum se non raro  
præbuisse, narrant Divinae literæ.*

15. Divina se sub Nube sueta Majestas  
Mortalibus præbere. Fulgidæ Nubes  
Divinitatem si decent, tegant Cælum,  
Divina cum exornat Corona Clementem.

*De Pluvia, & Tyberi, qui eluvione  
intumuit, quo anno Sanctissimus  
Princeps natus est.*

16 Vitales Clemens cum primum venit in auras,  
Erupt ripis furibundo gurgite Tybris;  
Cumque Triplex parat Aethereos circumdare crines  
Infula, Cælesti rursus turgescere lymphæ  
Ambit, & in campos effundi spumeus amnis;  
Principis ingenium ut referat, qui largus inundat  
Omnia muneribus, fecundam ut Nilus arenam  
In Pharios infert septeno flumine campos.

K

In

*In matutinas Nubes , & Imperii  
Fugam .*

17. Cur, luce pulsa, squalida exoritur dies,  
Cum sceptrâ Magnus sumit Imperii Pater ?  
Nil quippe Regno tristius Magno est Patri .

*In Imbrem & Lachrymas Sanctissimi  
Pontificis .*

18. Regnum averfatus largo fies imbre : Tuusque  
Fletus Cælestes elicit lachrymas .

*In Nubes , & Optimum Pontificem .*

19. Quem serò extorsit tellus , succurrere seculo  
Infauſto hunc , Superi , ne prohibete senem .  
Perpetuos Sol hic vivat si Nestoris annos ,  
Perpetuis Cælum Nubibus obruite .

*In Cæstem Proteum Clementi  
obtemperantem .*

20. Cuncta supercilio Terrarum Regna movere  
Quod possis , Sacri Muneris Imperium est .  
At nusum Natura Tuum , Rex Magne , veretur :  
Hoc Virtutis , non Muneris, Imperium est .

*In*

*In Pluvium primo, deinde repente  
Serenum Tempus, quo coronatus  
est Sanctissimus Princeps.*

21. Nocte pluit tota; redeunt spectacula mane.  
Divisum Imperium cum Jove Cæsar habet.  
Mane pluit; pluvia haud lædit spectacula: Avita  
Prodigia ostendunt Cæsarem, at ista Jovem.

*In idem Argumentum.*

22. Cum Jove divisum Imperium si Cæsar habebat,  
Ipsam Clementi est Numinis Imperium.

*Victor Augusti. & Natura  
Clemens.*

23. Humane Pater, & Custos mitissime gentis,  
Dotibus Augustum vincis, & Imperio.  
Ille etenim haud totum frænavit legibus Orbem:  
Cælum aperis: Tellus Te, & Nigra Regna colūt.  
Natura hinc adeo majorem victa triumphum,  
Quam quondam Augusto, detulit ipsa Tibi.



*Omen ex Cælesti Proteo.*

24. Prodigiiſ qui Auguſtum vincit, vincat & annis  
Imperii: octo illi ſint neque luſtra ſatis.  
Poſt centum exegiffe decem ſi dicitur annos  
Alteriuſ Proavus, ſint Tibi luſtra decem.

*Ad Sanctiſſimum Pontificem Sole  
e Nubibus prodeunte  
coronatum.*

25. Imbrem ſuſpendis capiens Diademata Regni.  
Senſerunt Numen Nubila & ipſa Tuum.

*In Pluvium, mox Serenam,  
Tempus.*

26. Imbre pluit tacito, Sol mitibus aureus undis  
Mox prodit, rurfus blandior unda cadit.  
Luditis, o Superi? An Romam læſiſſe verentur  
Nubila, quam Clemens conciliat Superis?

*In Imbrem, & ſublata dicatis Divino  
cultui viris ab humaniſſimo  
Principe Veſtigalia.*

27. Divinitatis cultui addiſtos levas  
Onere vetuſto. Plorat Interea Poſt?   
Sed Terra, Princeps, munere exultat Tuo.

*In*

*In Nubes , & perpetuas Curas , quibus  
addictus est , dum sacra Reipublica  
famulatur , Optimus  
Princeps .*

28. Exultans non ridet Cynthus? Haud Tibi fulsit  
Nam sine curarum Nubibus ulla dies .

*Augurium ex Pluvia .*

29. Dum Regno Tua Roma Tuo, Pater Alme, superbit,  
Imbre madet : faustum est Cœlitis omen aquæ .  
Auguror . Aethereo lustratas Flamine gentes  
Innumeras Clemens abluet amne sacro .

*Faustum Omen ex Pluvia .*

30. Auratam dabit hic Pluviam , Diademata Regni  
Qui dum sacra capit , labitur Imber aquæ .



*Certamen Augurum ex anteceden-  
tibus signis Serenam, aut Plu-  
viam fore diem, qua coro-  
nandus erat Sanctissimus  
Princeps, omi-  
nantium.*

31. Nube involutus condidit diem Phœbus.  
Hodierna Pluviam crastinam ferunt signa?  
Natura frustra terret; ejus evertet  
Nam jura Clemens. Pulchra surget Aurora,  
Vicarius quæ Numinis coronatur.

*Sudum erit.*

32. Exhilarant Cælum plaudentis gaudia Romæ.  
Phœbeis radiis rideat Aula Jovis.

*Sine ullo Tonitruî strepitu erit  
Nubilus aer.*

33. Nullum Serena e Nube fulmen erumpet.  
Romana Nubes Fulmina parat in Thraces.



*In*

*In Imbrem , & Lacrymas Sanctissimi  
Pontificis .*

34. Cælesti tergas manantia lumina rore ,  
Gutta nec e gravidis Nubibus ulla fluet.

*Omen Pluviae .*

35. Quæ saepe Pluvias Nube fecunda ciet ,  
Aera pererrat Tartari nigrans cohors :  
Dolore contabescet ob Regnum Optimi  
Clementis . Ergo crastinas Pluvias aget .

*Obitus Nubibus erit aer .*

36. Principis Augustis radiant Insignibus Astra.  
Cætera condantur Nubibus Astra , decet .

*Serenitatis Auspicium .*

37. Mortalium pulcherrimum intueri opus  
Sine Nubium velamine haud Cælum volet ?



*Pluvia metus.*

38. Cælestes oculos velamina nulla morantur.  
Dives sacundis Nubibus Axis erit.

*Augurium sereni Cæli.*

39. Optabit fausto Sol lumine nostra tueri  
Gaudia, & illimi deterget nubila Cælo.

*Perturbati aeris omen.*

40. Cælestis dubio vanescet Cynthus auro,  
Aurea cum melior sumet diademata Phœbus.

*Regnum subterfugere omni studio  
conatur.*

41. Usque adeo torquet, Clemens, Tua tempora Regnæ,  
Ut, dum Sceptra capis, Nubila flere velis.

*In faustissimam Imbrem.*

42. In largam quamvis solvatur Jupiter undam,  
Et tristi terras obruat Imbre Polus,  
Hac mercede placet. Clemens dum regna capeſſat,  
Cælestis Pluviam nectaris esse rear.

De



*De Pluvia, & D. Malachiæ  
Vaticinio.*

43. Fatidicus pingi Vates quem vidit ab undis,  
Sceptra petit, faustæ dum fluit Imber aquæ.

*Cur Mitis, & saluberrimas fuerit  
Imber,*

44. Innocuus Miti cur Cælo labitur Imber?  
Clementis Mores edidicisti Aquæ.

*Erit Nubilus Aer.*

45. Ut documenta ferant, nihil omni ex parte beatum  
Esse, Triumphalem præcingent Nubila lucem.

*Dum Sacrum non sine Lachrymis facit  
Sanctissimus Princeps, solvuntur  
in Pluviam Nubes.*

46. Divinam Æterno Prolem dum Mystra Parenti  
Devovet, assiduo perluit Imbre finum.  
Hinc solvi in Pluviam didicerunt Nubila. Faustum,  
Quem Clemens Imbrem provocat, esse negas?



*In*

*In Pluvium , mox Sereuant  
Calum .*

47. Nubibus e gravidis illata pericula profunt : ]  
Gaudia frustratus duplicat ipse Timor .

*E Nubibus inferimus sacros Fidei  
Triumphos , quos ab universo  
Terrarum Orbe referet  
Maximus Clemens.*

48. Cur suspensus agit Phœbus per Nubila currum ,  
Et majus refugit decolor ipse Jubar ?  
Vincendum sese novit : Mortalia curans  
Phœbeum Clemens nam superabit iter .

*Celestis Animus Sanctissimi Principis  
pictas e Nubibus .*

49. Incolis Axem Animo. In Cælum ceu Nubila constans  
Effertur Tellus , & peregrina Thetis .



*In*

*In Auroræ faustissimi diei Nubibus  
involutam.*

50. Cur nigra augustam velarunt nubila lucem,  
Primus ab Eo cum micat Axe dies?  
Nam Phœbo dixit Roma: haud tua lumina profer,  
Cum rutilat nostro majus in Orbe jubar.

*Thaboris, & Vaticani Nubes.*

51. Delibanda suæ Numen cum fulgura lucis  
Præbuit, in rutila exhibuit se Nube videndum.  
Hinc, quando Clemens Divino lumine fulget,  
Aurea Romanum cincterunt Nubila Cælum.

*In Nubes.*

52. Suspendit Clemens, Nubes quem parurit, Imbrem,  
An, sudum si esset, laus tua tanta foret?

*In Nubes, & Eximiam Sapientiam  
Pontificis Maximi.*

53. Nube fluit Pluvia, exundans Sapientia Magni  
Principis Augustum dum Diadema subit.  
Eloquii terras sacri qui flumine lactant,  
Pinguntur Patres Nubibus Irriguis.

En

*Ex Nubibus inferimus Optimos Imperii  
Administros ab Egregio  
Principe lectos  
fuisse.*

54. Nube ut nitores Phœbus involvit suos,  
Sic, Magne Clemens, sponte Divinum Jubar  
Imminuis, aliis lucem & affundis Tuam,  
Fulgere Tecum Sydesa & Phœbus jubes.

*In innocuam pluviam.*

55. Si Mores, Pater Alme, Tuos bene pingeret Imber,  
Lacteus efflueret Nubibus usque latex.

*Qui tempestivè Augustum D. Petri  
Templum petunt, immanes  
Pluvia sunt.*

56. Innocuæ pendent Nubes, nec Aquarius urnam  
Exerit. An novit, cui famuletur, Aqua?



*In Solem Nubibus relictum.*

57. Condit Apollineos Radios cur invida Nubes?  
Majus an Urbi Sol invidet ipse Jubar?

*Dum Vaticanum petunt Purpurati  
Patres, sub Nubibus delituit  
Sol.*

58. Syrmate nigranti subtexit Optimus Axem  
Princeps, ne lædas lumine, Phœbe, caput.  
Nubila cui præbent famulatum, victaque paret  
Natura, hunc ego non suspicer esse Deum?

*Cur Imber e Nubibus defluxerit,  
& Fulmen ex iisdem non  
eruperit.*

59. Fœcundus Imber, Fulmen & nocuum solet  
Prodire Nube. Fertilis nobis erit,  
In perfidos & Fulmen Odryssios parat.

*Faustum omen ex Nubibus.*

60. Hostibus aut Fidei portendunt Nubila Bellum,  
Aut Lachrymas, Sanctus quas dolor eliciat.



*In*

*In Imbrem , & Lachrymas Principis  
Nostri Imperium averfantis .*

61. Ploras , ne summo regnes in culmine rerum ?  
Has quis Cælestes esse neget Lachrymas ?  
Hinc Pluviâ tecum rorantia Nubila plorant :  
Lætitiâ Cælum , ast ipse Dolorê mades .

*Sole e Nubibus erumpente aliquandiu  
pluit .*

62. Exultans deflet Cælum ? Quandoque recenti  
Læticia injustæ profluiunt Lachrymæ .

*In Pluviam .*

63. Nubibus erumpunt quot guttæ , tot Tibi , Clemens,  
Sunt Dotes , Magni tot Charites Animi .

*In Nubes , & Gentilitia Pontificis  
Maximi Sydera .*

64. Haud lustrat rosea terras Sol luce ? Latere ,  
Cum regnant Cælo Sydera , Phœbe , soles .



*De*

*De Sole diu sub Nubibus latente , ad  
Modestissimum Principem .*

65. Sol latet , at celsa Cæli in regione triumphat .  
Sponte lates , Phœbo ast altior astra petis .  
Et quia sponte lates , sublimis in Axe triumphas .  
Qui latet , hunc verè dixero Magnanimum .

*Dum in Vaticanum Templum infer-  
tur Sanctissimus Princeps ,  
sub Nubibus Sol  
delitescit .*

66. Romulidum rapiat Princeps cum lumina, Phœbus  
Maluit ingrati quæsitam carceris umbram ,  
Quàm lustrare Polum facibus , quas nullus adoret .

*Ex Pluvia Omen .*

67. Excidium hic Imber Thraci fatale minatur .  
Largior Odrysii sanguinis Imber erit .



*In*

*In Pluviam, & Lacrymas Sanctissimi  
Principis sacras ad Aras  
operantis.*

68. Hic etiam nostros lachrymarum provocat Imbres  
Imber, ut, Alme, sacro spargeris Imbre, Pater.

*E nubibus inferimus supremum  
Jus Sanctissimi  
Principis.*

69. Tradita Lex Mosi de Nubibus. Aurea fumens  
Sceptra inter Nubes conderè Jura potest.

*In Pluviam, & perpetuum sacrarum  
Precum studium, cui addictus  
est Religiosissimus  
Princeps..*

70. Dum Sacrum peragis, Tecum rorantia plorant  
Nubila: Sol regnat, dum Diadema subis.  
Qui diuturna vocare soles in vota Tonantem,  
In Solem, atque Imbrem fumere jura potes.



*In*



*In Pluviam delapsam, dum Beneficentissimus  
Princeps sacras ad Aras operaretur.*

71. Ubra Terrarum sunt Nubila. Pingitur illis  
Clementis, lactat qui Populos, Animus.

*In matutinas Nubes, & sublatum ab Optimo  
Principe Sacris hominibus Vestigal.*

72. Ut Cælum, Terras, ac Tartara Numine flectat,  
Sceptra capit Clemens, Nube tegente Polum.  
Quis, Pater Alme, Iovem Te non putet esse Tonantem?  
At pluis Auro, non Tela trifulca vibras.

*In Tempestivum, & agris saluberrimum  
Imbrem.*

73. Ut tempestivum solvunt se Nubila in Imbrem!  
Hunc Clemens dedit: haud fertilis esse nequit.  
Prodigiosè Orbi Te, Clemens Optime, tandem  
Indulsi Deus: haud Optimus esse nequis.

*In Auroram nubibus tectam.*

74. Constiteram exorientem Auroram fortè requirens,  
Cum subito Clemens Optimus exoritur.  
Pace mihi liceat, Cælestes, dicere vestra:  
Mortalis radios vincit Apollineos.

L

In

*In Nubes, & Imperium Summi Pontificis  
laboriosum.*

75. Tergeminâ dum Roma parat redimire Coronâ  
Clementem, Phœbus Nubibus induitur.  
Christiadum Patri rarò affulgere Serena  
Læta solent : sæpe hic Nubila Phœbus amat.

*Per tres ferè horas identidem redeunte  
Pluvia maduit Roma.*

76. Dum pluvia Romam redeunte irrorat Olympus,  
Fœcundatque agros, labitur hora triplex.  
Sic sacris onerare soles dum Sydera votis,  
Imbre per æthereas usque cadente genas,  
Tres fluere, & quatuor sueverunt sæpius horæ.  
Ut campis animi fertilis Imber hic est!

*Ex eo, quod nulli Venti, vel Tonitrui turbine  
concitatus sit Pluvius aer, inferimus  
Silentium, quo initum est con-  
siliū eligendi Sanctissi-  
mum Clementem.*

77. Miscetur nullo ceu murmure, dum pluit, Aer,  
Purpureo nulli sonuerunt Æthere nimbi,  
Dum Sancto Patres conspirant fœdere, Terras  
Ut Clemens regat Imperio, Cælumque recludat.

*Deus*

*Deus inter Nubila.*

78. Lumine ne ledat Numen mortalia, vultum  
 Consuevit rutilis Nubibus induere.  
 Quem præfert vitâ, penè est Collega Tonantis,  
 Sceptra inter Nubes, cui parat Imperium.

*Cur Sole a Nubibus erumpente aliquandiu pluât?*

79. Illustre quamvis exerat Phœbus caput,  
 Fluit Imbre Nubes; Gaudium hos fletus ciet;  
 Serenus hinc in Lachrymas Æther cadit.

*Divinus Triumphus in Nube, ad Sanctissimum Principem.*

80. In Nube effertur si Numen ad Astra curuli,  
 Divinum is inter Nubila ad Imperium;

*A SS. Patribus Doctores secundis  
 Nubibus comparantur.*

81. Divinitatis erudire Proreges,  
 Per cætera potest secla Vita Clementis:  
 Exemplar Illæ est omnium. Ergo Doctores  
 In Nubibus cum fueverint colorari,  
 Suos nitores Nube Phœbus involvit,  
 Diadema fronti dum paratur Augusta.

*Imbris causa .*

82. Cur Urbem Nubes humectant Imbribus ? Aluum  
Quod serò Clemens fertur ad Imperium .

*In Nubes , & Faustitatem ob diu-  
turna Comitia .*

83. At serò & ipse venit in Terras Deus ,  
Terrasque vinclis solvit : & Clemens jugo  
Solvat vetusto criminum . In Lachrymas Polus  
Ne solvat Imbrem . Fausta fors Terris redit :  
Expelle Nubes, Roma, in Ægæum Mare.

*Nubes Israelis dux .*

84. Dux fuit Isacidum deserta per avia Nubes .  
Optimus affulget nunc inter Nubila Ductor  
Christiadam Populo , qui ad pascua læta volentes  
Flectat oves , sylvâ errantes educat opacâ .

*Justitiæ cultor eximius Coronâ exornatur ,  
postquam diu sub Nubibus  
delituit Sol .*

85. Genibus minores quem tremunt ipsi duces ,  
Iudex verendus , Arbiter Mundi facer ,  
Dum Nubibus velatur obscuris Polus ,  
Ad sceptrâ fertur : Aleri ut nubi insidens  
Librabit æqua lance Mortales Deus .

*Deus*

*Deus olim visus inter Nubila.*

86. Divinus quia Nube suos Sol abdidit ignes,  
Solem abdis, Regnum dum Tibi Sceptra parat.  
Divini semper specularis lumina, Solis:  
Hinc hauris, Clemens, Numinis Ingenium.

*Sol e Nubibus erumpit, dum, Sanctissimus  
Princeps coronatur.*

87. Sol prodit Nube, indicens nova gaudia Romæ,  
Orbis adoratos dum cadit ante pedes.  
Ut Sol Clementi solvat vectigal ab Axe,  
Nubila cœperunt obsequiosa fugam,  
Quos decet esse Hominum tali sub Principe Mores,  
Qui jubet Ingenium Nubibus esse Pium?

*In tenuissimum, & Rori simillimum  
Imbrem.*

88. Ceu ros in gramen descendit Numen ab Astris.  
Imperium Clemens Numinis instar adit.

*In Solem, e Nubibus erumpentem.*

89. Et nova Apollineum perterrant gaudia pectus,  
Æneadum ut Cælo Procerum se gloria tollit?  
Clementi lætus non plaudat ab Æthere Phœbus?  
Romulidis faustam lucem Sol non notet Auro?

*E Nube sublustri visus identidem  
fuit Sol.*

90. E Nube Phœbus promit, & cælat diem.  
Divinitas Clementis e vultu emicat,  
Cæleste quamvis membra compescant jubar.

*In Pluviam, & faustissimum Silentium, quo  
de renuntiando Pontifice consilium ini-  
verunt Principes Purpurati.*

91. Concubia dum nocte tacent mortalia, Numen  
Vagitu Bethles impulit antra Puer.  
Sic dum cuncta silent, tradunt Tibi Sceptra Tonantis  
Purpurei Patres: sic tacet Imbre Polus.

*In Solem e Nubibus erumpentem, & renun-  
tatum post diuturna Comitia  
Optimum Principem.*

92. Tranquillo ridet pacatum lumine Cælum,  
Dum fremit exultans Principe Roma suo.  
Dilata & geminantur gaudia. Pulchrior est Sol,  
Cum dederunt Phœbo Nubila pulsa locum.

*Dum Vaticanum Templum subit Sanctissimus  
Princeps, sub Nubibus Cælum latet.*

93. Templa tuo, Salomon, Petri Cælestia certant.  
Illud Nube latens suetus inire Deus.

Hoc

Hoc, dum conditus in Nubem Sol Axe recessit,  
Templū adit, ingens qui Numinis instar habet.

*In Nubes, & boras, quas quotidie plurimas  
sacris precibus indulget Religio-  
sissimus Princeps.*

94. Diuino alloquio dignati e Nubibus olim  
Aurea sueverunt ora videre Dei.  
Perpetuo alloquitur Numen, qui dum humida pendent  
Nubila, Tergeminum fertur ad Imperium.

*In Solem Nubibus tectum,  
Ad Sanctissimum Clementem, ne  
Imperium auersetur.*

95. Conditus in Nubem cur Sol fulgere recusat?  
Quid Sol? Terrarum Nobile Mancipium;  
Perpetuo cursu terris famulatur. Haberi  
Christiadum Servus, Phœbe superbe, negas?

*E Nube Divinus Filius declaratur.*

96. Cur, Lucis Alme Rector, in Nubem tuos  
Cogis nitores? Nube nam e fausta Parens  
Natum indicavit, ora qui mortalia  
Induerat olim. Nube sic tegitur Polus,  
Dum Corporati qui gerit vices Dei,  
Cælestis est sumpturus Imperii notas.



*In Nubes , & servatam hoc etiam anno  
a Religiosissimo Principe Jejunium  
quadraginta dierum .*

97. Per Quadraginta exegit jejunia Soles ,  
Ac dein fulminea Moses e Nube Tonantem  
Cernere promeritus . Totidem tenui dape Clemens  
Duravit Soles , dein ipse e Nubibus aureis  
Exhibuit Romæ speciem , Imperiumque Tonantis .

*Cælestis Proteus alloquitur  
Eminentissimum Principem  
Palutium Cardinalem .  
de Alteriis .*

98. Multiplici e vultu, quem, Princeps, induo, pingens  
Fronte Triumphalem versicolore Diem ,  
Te notat , illustris qui profert lumina Solis :  
Romæ Hostes Imber , Nubila & atra notant .  
Quisquis Romani Sancta horret Regna Parentis ,  
Fletus Imbre madet , Nubibus induitur ,  
Dum sacri Alcides Atlantis , publica curans  
Commoda , Romuleum tollis ad Astra decus .  
Indolis Augustæ fulgor , Generosus Avitæ  
Scirpis honor , Vultus, atque Animi Charites ,  
Ingenii lux , & Claræ Sapiencia Mentis ,  
Aurea Regalis Pectoris Integritas ,  
Te ostendunt Solem : aut de Sole Parelion alma  
Clementis Magni lumina fronte refers .  
Cælesti intuitu peperit Tua lumina Clemens ,  
Ut Soles alios Sol parit intuitu .

*Pro-*



*Proteus Cælestis, sive multiplex vul-*  
*tus diei, quo coronatus est San-*  
*ctissimus Pontifex,*  
*Ad Excellentissimos Principes Gaspa-*  
*rem de Alteriis S. R. E. Genera-*  
*lem, & Angelum de Alte-*  
*riis Triremium*  
*Præfectum.*

99. Cæruleus Pelagi Vates ventura recludit :  
 Omina multicebor dat quoque fausta dies :  
 Sanguineam Thraci pluviam prænuntiat Imber :  
 Solvenda errorum Nubila, Phœbe, notas.  
 Consultò erumpis Nube, & magna omnia præbes  
 Communis cultus, Phœbe, iterumque lates :  
 Quidquid flagranti lustrat Sol lampade, nutum  
 Clementis colet, hunc Phœbus ut ipse colit :  
 Et colet Heroës, quorum selegit ab omni  
 Romana Clemens Nobilitate Genus.

*De Sole, & Pluvia ad Sanctissimum*  
*Pontificem.*

100. Castalia Unda Tuus nobis est Imber : Apollo  
 Ipse es, Magne Parens, Syderum, & Orbis Amor.



EPI-

## EPIGRAMMATUM

## LIBER QUARTUS.

De Sapientissima Virgine

HELENA LUCRETIA

CORNELIA.

*Epigrammata Centum.*

**P** Rodigium Urbium Venetias videram  
 nunquam, cum primum hæc Carmina edi-  
 di Anno 1672. Sed cujus, etiam exteri,  
 ad aures non pervenerat Fama Ingeniosissimæ  
 Venetiarum Palladis? Cum illa Volumen suum  
 Incomparabili Viro Joanni Paulo Olivæ Socie-  
 tatis Nostræ Præposito Generali nuncupasset,  
 jussus ab hoc unum, aut alterum in illius He-  
 rbine laudem Epigramma cudere, opportunius  
 duxi Centum, qualiacumque demum, effundere.

*In*

*In Præclarum Opus ,  
quod Helena Lucretia Cornelia edidit ,  
& Præstantissimo P. Ioanni Paulo Oliva  
Societatis Iesu Præposito Generali,  
& Pontificio Concionatori ,  
dedicavit .*

1. **N**unc melior sese Pallas sacrauit Oliva ;  
Si sacrata olim Palladi Oliva fuit .

*Aliud .*

2. Fulmine qui Paulum , Eloquii sed flumine sacri  
Aurea Iovis qui simul ora refert ,  
Par huic Orator sit Palladi ; Pallas Oliva  
Par exornando vix erit ipsa ; reor .

*Aliud .*

*In eundem Sapientissimum Virum ,  
cujus Opera perpetuo volutant  
Veneti Senatores .*

3. Dum Pallas Venetorum oculis oracula cernit  
Usurpata Patrum , Maxime Oliva , tua ,  
Quantus hic est , dixit , cuius præcepta doceri  
Gaudent , qui Europæ fata regunt , Proceres ?  
Huic nostri juvat ingenii monumenta dicare :  
Et fuit hoc dignum Pallade consilium .

*Aliud .*

*Aliud.*

4. Pallade quis melius laudes cognoscit Olivæ ?  
 Ergo ex te, Virgo, querere pauca libet.  
 Divinæ quæ laus Oleæ te allexerit, illi  
 Ingenii offerres ut monumenta tui ?  
 Stirpis an eximiæ decora inclyta ? an ultima terræ  
 Quos tendit ramos ad latera, & pelagi ?  
 An, quo contingit Cælestia Sydera, vertex ?  
 An quæ aliis ferta, & balsama suppeditat ?  
 Hujus decerpunt faustam de fronde coronam,  
 Qui cum Rege ineunt fœdera Sydereo.  
 Quæ parit hæc Arbor, stygia caligine merfis  
 Suevere æternum balsama ferre diem :  
 Atque laboranti lethali vulnere cordi  
 Cælestem hæc oleo detulit Arbor opem.  
 Quæ reliquas vincat laudes, ediffere, Pallas ?  
 Unica nam sese hæc vincere Oliva potest.

*Aliud.*

5. Quod Divina sibi Sapiëntia legit Olivam,  
 Quem Cæli donis omnibus imbueret,  
 Prisca, Oleam, dicunt Secla arrisisse Minervæ.  
 Mentitur quanvis fabula, vera docet.  
 Hinc melior Pallas, falsi sub imagine verum  
 Dum videt, Ingenium sacrat, Oliva, tibi.

*Aliud.*

*Aliud.*

6. Ut docta Olivæ consecrares munera ,  
Ipsa tibi Pallas dixit ? Ipsa at Pallas es .

*In idem Opus  
Sapientissimo Viro consecratum .*

7. Sapientiæ argumenta plurima hæc mundo  
Dedit suæ Virago : nec ego postremum  
Hoc arbitror , quod Principi illa Sapientum  
Dicavit animi nobilem sui Partum .

*Aliud.*

8. Ergo vel Pallas magnum veneratur Olivam ,  
Quem ventura olim secula cuncta colent ?

*Aliud.*

9. Hæc Fœminarum est Virgo prodigium , ut Virum  
Prodigium Oliva est , Ingenj fœtum sui  
Cui consecravit Helena . Ut hæc Virgo sapit !  
Haud legere melius potuit , haud melius legi .



*Aliud*

*Aliud.*

10. Dodonæ Quercum fundens oracula Oliva  
 Exuperat, Laurum & vincit Apollineam.  
 Illius eloquium mundus miratur: eidem  
 Hinc melior Pallas devovet ingenium.

*Aliud.*

*In idem Opus ab Helena editum, &  
 alteram Helenam Homeri ver-  
 sibus celebratam.*

11. Ledæ pariunt aliena Volumina Famam,  
 Huic sua. Quæ melius vivet in ore virum:

*Aliud.*

12. Si Venetos fermè Proceres stirps Regibus æquat,  
 Reginis par est nobilitas Helenæ:  
 Hæc animi monumenta sui tibi sacrat, Oliva,  
 Cui pariter magna est nobilitatis honor:  
 Non semel Heroes, quorum es de sanguine cretus,  
 Imperio Patriam continuare suo.  
 Hinc Regale Helenæ sunt docta volumina munus,  
 Quod Regum exhibeant, excipiantq; manus.

*He-*

*Helena cum Corneliis Heroibus  
Comparatio.*

13. Heroum vincis Populum, Cornelia, quorum  
Ducis ab egregio sanguine grande decus.  
Odryfos armis illi fregere Tyrannos;  
Classibus at freti, præsidiiisque virum.  
Sed tu Palladium subijsti interrita arenam,  
Uicisti innumeros fœmina & una viros.  
Nec rarò Sorti debetur bellica laurus:  
Nil Sorti debet laus tua, nil fociis.

*In ejusdem Ingenium, &  
Castimoniam.*

14. Mortali exemptæ quoniam sunt carcere, Mentis  
Secreta agnorunt omnia, Sydereæ:  
Te penè exuvjis mortalibus eximit alma  
Uirginitas; hinc mens est tibi Sydereæ.

*In eandem Doctissimam  
Virginem.*

15. Frangeret ingenij ut fasces, fastumque virilis,  
Hanc Natura Uiris omnibus opposuit.



*Ea-*

*Eadem Helena Lacœna præfertur .*


16. Mœonio haud decuit celebrari a Uate Lacœnam :  
 Dignus, qui hanc Helenam pangeret , ille fuit .  
 Par fuit a cæco celebrari vate Lacœnam :  
 Qui laudet Uenetam , haud lumine captus erit .

*Aliud .*

17. Flevit Alexander , tumulum cum vidit Achillis ,  
 Quem tuba Mœonii Vatis ad astra tulit :  
 O fortunatum , dixit , quem subtrahit umbris  
 Æterni Vatis gloria tænariis ,  
 Ledæ hæc tumulo insultaret Virgo ; superstes  
 Perpetuò meritis namque erit illa suis .  
 Vatis haud eget hæc Helene , sed quærere Vates  
 Ex illa debent nomen , & ingenium .

*Aliud .*

18. Argolici vitam Vates tribuere Lacœnæ :  
 Vatis hæc poterit sed dare Virgo suis .



*lv*



*In eandem Helenam ,  
A qua monstratos fuisse Priamo Duces  
Græcos narrat Homerus .*

19. Argolicos Priamò Reges monstrante Lacæna ,  
Dardanio fertur conticuisse Duces .  
Attoniti Sophiæ Proceres pendere feruntur ,  
Naturæ fontes te referante Sacros :  
Et pendente tui Divina arcana Tonantis ,  
Et quos castra Erebi contremuere , Duces .  
*Disputante de Deo , & de Angelis .*

*In eandem Helenam .*

20. Mendaces Helenæ laudes augete Poetæ :  
Ad Venetæ plausus sufficit Historicus .

*Aliud .*

21. Probrosus Ledææ ortus , probrosa per æquor  
Est fuga , seu Theseum , seu Paridem sequitur .  
Nec formæ laudandus honor , quæ Pergama flammis  
Involvit , Grajos perdidit atque suos .  
Hæc Asiæ fax Tisiphone , Europæque flagrantis ,  
Divino Vatum fulgeat ingenio ?  
Aonidum castos infamis adultera plausus  
Si referat , castas quis putet Aonides ?

*Aliud .*

22. Musarum posthac maculas delebit Apollo ,  
Si Venetam cantu tollat ad astra Helenam .  
Regius huic ortus . Quis te , Cornelia , plausu  
Gens possit , Patriæ quis celebrare Duces ?

M

Ter-

Tercentum fluxere anni , Cornelius ex quo  
Supremo Venetis præfuit Imperio .

Quis Martis decora , & laudes ornare togatas ?

Quis dextra , & cordis fœdera clara queat ?

Atque tuas, Helena, æquabit quis carmine dotes ?

Sive animi florem concinat innocui †

Sive tui canat ingenii super astra volatum ,

Sive ornet radios indolis eximiae ?

Si seges est , ubi Troja fuit ; regnabit in undis

Perpetuò Adriaci Urbs Arbitra Virgo Maris.

*Aliud .*

23. Ferales Trojæ flammas Ledaæ : perennem  
Lucem Helene Patriæ detulit ista suæ .

*De Helena Cornelia*

*Ad Apollinem .*

24. Aggredior quoties Helenam cantare , coercens  
His me, Phœbe , soles increpuisse notis .

Deteris eximias tenui cur carmine laudes ?

Par Helenæ meritis vix lyra nostra foret .

Ipsa suas tantum celebrare Poetria dotes

Possit , cui decorat laurea nostra comas .

*Judicium Paridis .*

25. Si Paris hanc Helenam prope Pallada fortè videret,  
Arbitrio Paridis Cypria victa foret .

*De*

*De hac incomparabili Virgine  
certamen.*

26. *Astræ*, & *Pallas* certasse, *Novemque Sorores*  
*Dicuntur*; pugnae causa. *Virago* fuit.  
*Illius* excolere ingenium nam qualibet ambit,  
 Atque illi gazas exhibuisse suas,  
*Causarum Pallas* cecos evolvere flexus,  
 Naturæ sacros & referare sinus,  
*Astrorum* cursus, atque ipsius abdita Cæli  
 Arcana in tenebris lucis in occidua.  
 Sed mentem cælo delapsa *Astræa* capacem  
 Pontificum, & Regum jura docere cupit.  
*Nectare* *Castalio* certant lactare *Camænæ*,  
 Et pulcher doctas ambitus urit aquas.  
*Arbitra* sed pugnae risit, complexaque *Divas*,  
 Officiat, dixit, cur mihi vester amor?  
*Fœdus* inire, *Deæ*; cunctas mihi namque per artes  
 Excolere ingenuas pectora, mente sedet.  
*Plauserunt Divæ*, & blandam duxere choream,  
 Perpetuò hæserunt & comites *Helenæ*.

*Adriæ Plausus.*

27. Quæ latet æquei genitor sub rupibus antri  
*Adriæ*, fronde caput cinctus arundinea,  
 Audiit, exhibuit tibi quos, *Cornelia*, plausus  
 Patria, & exultans talia verba dedit.  
 Quæ *Tybridi*, *Eurotæ*, *Xantho*, quæ scæmina, nostræ  
 Quæ primas *Helenæ* haud deferat, ulla fuit?

*Ad Virgilium .  
De Helena.*

28. Haud, Vatum Princeps, varium, & mutabile semper  
Fœmina : non novit docta vices Helena .

*In ejusdem Vatis sententiam .*

29. Fœmineum instabile ingeniū est? Sapiētia, semper  
Docta tuis Helene pendet ab uberibus .

*In Helenam  
De fœminea inconstantia trium-  
phantem .*

30. Perpetuo addicit studio noctesque, diesque  
Docta Helene constans, propositique tenax .  
Vt Veneta Vrbs super instabiles mirabilis undas,  
Stas Helene supra fœmineum ingenium .

*Præfertur Helena Argiva .*

31. Si Læda Helena Europamque, Asiamque dnello  
Miscuit, hæc lites suscitât ingeni .

*Aliud .*

32. Et, si casta minus foret hæc, ad prælia mundum,  
Tantum illi præstat, digna movere fuit .

*Aliud.*

*Aliud.*

33. *Ledæam si Helenam excoluit Venus, hanc sibi Pallas  
Eligit, & donis imbuat alma suis.*

*Aliud.*

34. *Quantum animi præstant dotes formæ oris inani,  
Ledææ tantum famam Helenæ hæc superat.*

*Aliud.*

35. *Quin forma eximia, & pudor, & miracula mentis  
Si solam vincunt purpuram, & oris ebur;  
Par est a Veneta ut vincatur fama Lacænæ,  
Major & hanc Uatum plaufus ad astra ferat.*

*De Helena Cornelia.**Ad Palladem.*

36. *Si te inter Divas retulit Sapientia, Pallas,  
Te major posthac audiet hæc Helena:  
Cui formæ diuinus honor, diuina pudici  
Majestas oris, cordaque digna Deo:  
Cui castum omnigena exornat Sapientia pectus,  
Hanc doctrinarum quis neget esse Deam?*

*In ejusdem Virginis**Eximium Patrem.*

37. *Pallada te dicunt omnes, studioque juvandi  
Insignem Patrem quis negat esse Jovem?*

M 3

Re-

*Respicitur ad dictum Divi Augustini  
insultantis Ethnicis, eò quòd in-  
ter sydera locum Venus habeat,  
Minerva non habeat.  
Ad Helenam.*

38. Si te prisca olim peperissent secula, Pallas  
Cepisset stellas inter habere locum.

*Ad eandem.*

39. Est tibi nobilitas Innonis, forma Diones  
Est pudor, & doctæ Palladis Ingenium.

*De ejusdem  
Helenæ Corneliæ Eloquentia.*

40. Facundos olim peperit Cornelia Gracchos;  
Hæc est eloquio prodigiosa suo.

*In eandem.*

41. Pugnarunt Ueneti Regnorum in mille Tyranni;  
Pugnat in innumeros sæmina & una viros.



*In*

*In ejusdem  
Prodigiosam Scientiam.*

42. Attonito semper Ueneti miracula mundo  
Ostentare armis, ingeniove solent.

*In eandem  
Da universa Theologia, & praesertim  
de Deo disputantem.*

43. Esse Deum, quamvis cessarent cætera, doctæ  
Constaret magno e Uirginis ingenio.

*De eadem Virgine  
Divini Verbi Incarnationem  
propugnante.*

44. Uirginis in gremio sumpsit Sapiencia corpus:  
Tunc sapiens didicit Uirginis esse pudor.

*Ad eandem.  
De Angelis differentem.*

45. Panditur a te dum Mentis natura Beatæ,  
Lapsa ex Aligerum crederis esse choro.



*In ejusdem disputationes  
De Justitia .*

46. Uirginis Astræ , Uirgo , dum jura tueris ,  
Ipfa Astræ tuo ex ore locuta fuit .

*In eandem Helenam  
Præstantissimi sui Patris decus ,  
& delicias .*

47. Tormentum capitis Patri fuit altera Pallas :  
Hæc est vita suo , delictumquæ Patri .

*Aliud in illud :  
Gloria Patris filius sapiens .*

48. Gloria si Patris sapiens est filius , an non  
Gloria , tam sapiens filia , major erit ?

*De eadem .  
In Neptunum olim hostem  
Palladis .*

49. Neptuni est Veneta Urbs : aliâ sua in urbe Minervâ ,  
Inferens opponat quam tibi , Pallas , habet .



*In*



*In eandem  
Venetorum Palladem.*

50. Dum pacis florent oleæ, florere Minervam  
Par fuit: æternum floreat hæc olea.

*In eandem  
Muliebris ingenii Phœnicem.*

51. Si fuit ingenii Phœnix aliquando virilis  
Picus, fœminei hanc arbitror esse chori.

*Venetia Athenis præferuntur.*

52. Doctrinâ posthac Veneta Vrbs superabit Athenas,  
Cui sua fert majus docta Minerva decus.

*Mirabilis Helena Patria præfertur  
Troja, qua digressus  
Antenor Venetorum Dux.*

53. Dardaniæ Veneta Vrbs genus alto e sanguine ducit:  
Olli Helena excidium, huic laurea ferta tulit.



De

*De Castore, & Polluce,  
Spartanæ Helenæ fratribus.*

54. Si Ledaæ Helenæ sunt versi in sydera fratres :  
Hæc ipsa est Sydus, Phœbus & est Helena .

*Ad Helenam Corneliam .  
Cujus ductum sequantur Argonautæ Sapientiæ,  
Spretis Lacæna Helenæ fratribus .*

55. Aurea qui quærunt doctrinæ vellera, lucem  
De te, contempto Castore, Virgo, petent .

*Ad Helenam Corneliam .*

56. Nec quarta es Charitum , decima es nec Musa, sed <sup>(Comaniam)</sup>  
In te Musarum sum decora, & Charitum .

*De eadem .*

57. Quæ Paride olim certarunt sub Iudice formæ ,  
Divarum laudes hæc habet una trium .

*In ejusdem .  
Cælesti Ingenium .*

58. Addere te si olim comitem dignabere Musis ,  
Diceris posthac , arbitror , Uranie .

*Ad*

*Ad Romanam  
De eadem Helena.*

59. Nulla in laude tibi Veneta Urbs est, Roma, secūda;  
At quæ unquam talis fœmina in Urbe fuit?  
Cogitur Oceano quantum decedere Tybris,  
Tantum Helenæ quævis fœmina Romulea.

*Aliud.*

60. A Venetis gaudet per te, Cornelia, vinci  
Roma; tuum Latia nam fuit Urbe genus.

*Ejusdem Helenæ  
Cum sua Urbe comparatio.*

61. Regina Adriaci Virgo te Virgine gaudet:  
Prodigium Urbium ea est, fœminei ipsa chori.

*De eadem Helena.*

62. Ut natura daret specimen, quid fœmina posset,  
Edidit hanc: partum vidit, & obstupuit.

*In Helenam  
Viros in erūdito certamine superantem.*

63. Erudiat quod docta viros hæc fœmina, quisquam  
Miratur? Semper fœmina nos docuit.  
Namque Minerva Viros melioribus artibus omnes  
Imbuit, egregius Pieridumque Chorus.

*Ad*

*Ad eandem Helenam .*

64. Quamvis magna tuæ narret miracula mentis ,  
Imminuit laudes invida fama tuas .

*In Gentilitium Helenæ Insigne ,  
Quod aureo , & viridi colore distinguitur .*

65. Æthere Sol est , qui Parnasi in vertice Apollo :  
In Monte huic Viridans , Aureus Axe color .  
Sol Charitum es , Virgo , Musis dominaris Apollo ;  
Hinc tua condecorat stemmata uterque color .

*Ad eandem Helenam  
Omnibus humanis , & divinis dotibus  
illustrem .*

66. Exhibet humanas Viridis color , inclyta Virgo ,  
Aureus æthereas pingit opes animi .

*In idem Insigne .*

67. Qui Gentilitium pingunt tibi stemma colores ,  
Dant , Helene , cordis regia signa tui .  
Spem decorum signat Viridis , Remque Aureus : ipsæ  
Sunt Res , ac Spes in te , inclyta Virgo , simul .



*Ad*

*Aliud  
In idem Insigne.*

68. Ver laudum signat Viridis color, Aureus Æstum:  
Flore ipso annorum Mæsis adulta viget.

*Ad Helenam,  
Matheſeos ſcientiâ ornatam.*

69. Flores arte, Syracuſius qua vertere Terras  
In gyrum voluit, & Maria alta Senex:  
Et melius præſtare potes; nam te ſuper Orbem  
Evehit, edoſtus tendere ad Aſtra, Pudor.

*Adria Concia  
Ad ſuas Nymphas  
De Helena.*

70. Vadite, quâ Rhodanus ſecat arva, & Bætis, & Iſter,  
Æquoreis Nymphis Adria lætus ait:  
Cantu Helenam celebrate meam: Tritonis anheli  
Concha tuas æquet, garrula Fama, tubas.

*De Helena Cornelia  
Hujusce ſæculi Prodigio.*

71. Prodigium eſt Helene decorans hæc ſæcula, quodq;  
Omnia concelebrent ſæcula Prodigium.

*In Caelestem Helenæ Indolem .*

72. Flos animi innocui , pudibunda modestia frontis ,  
Mentibus exæquant Sydereis Helenam .

*In ejusdem vitæ integritatem , & exi-  
miam sapientiam ,  
quæ penè divinitus infusa videtur .*

73. Prodigiousa Helenæ est doctrina ? At moribus illa .  
Hæc etiam Sanctis munera promeruit ,

*In Helenam Corneliam Venerorū Palladem ,  
Lusus in aliam Minervam , quæ nata  
dicitur ex cerebro Jovis .*

74. E costa formata olim fuit Eva virili .  
Quis neget hanc ortam Pallada de Capite ?

*In ejusdem præcoccem sapientiam .*

75. Tanta Helenæ teneris sapientia fulget in annis ?  
Vix orta in lucem Pallas adulta fuit .  
*Palladem adulta ætate natam fabulantur Poeta .*

*Jovis , & Neptuni de Helena certamen .*

76. Cum Jove Neptunus fertur certasse : superbus  
Pallade erat genitor Jupiter , atque Helena .  
*Pallas , & Helena Jovis filia sunt habita .*

Cui

## LIBER QUARTUS. 191

Cui Neptunus ait : Veneta est mihi Virgo , Minervam  
Quæ simul, atque Helenam, dotibus exuperat .

### *In Helenam Corneliam .*

77. Instituit pro Helena Cypris cum Pallade pugnam.  
Nunc spödere Helenam, & Pallada, idem fuerit.

### *In ejusdem modestissimam formam .*

78. Candida cælestis rapit alta ad fydera vultus  
Purpura , quæque sacris lux micat ex oculis .

### *In eruditam illius pugnam .*

79. Fulminei ad ripas quæ Thermodoontis Amazon  
In pavidos tonquit perniciofa Viros ,  
Adriaci decertanti prope littora Ponti  
Concedit palmam , docta Minerva , tibi .  
Quantum animus vincit dextram, victoria tantum  
Ingeniosa tuum , magne Gradive , decus .

### *In ejusdem egregiam Poesim .*

80. Qui te non laudat Vates , non ille Camœnas  
Exornat ; Musas namque, Helena, æquiparas .



In

*In ejusdem ,  
quæ omnem commendationem superant, dotes .*

81. Qui te commendat , Vates nequit esse : Poetæ  
Augent , sed laudes deterit ille tuas .

*De Adriæ Nymphis  
Helenaë plaudentibus .*

82. Vitales Helene cum primùm in luminis auras  
Prodiit , æquoreæ subfiliere Deæ :  
Quæque tuos cursu exercent , Pater Adriæ , fluctus ,  
Quæ Tybrim , & Bœtim , quæque secant Ligerim ;  
Namque animo sensere decus , quod patria magno  
Urbs trahet egregiæ filiaë ab ingenio .

*De Adriæ nomine .*

83. Adriæ ni Superi pelagi jam nomen haberet ,  
Duceret , ex quo Helena est illius in gremio .  
Nam tanto tumidus partu Maria omnia supra  
Tollitur , Urbs Urbes ut superat Veneta .

*In mirabilem Helenaë Patriam .*

84. Vincere Naturam Veneta Vrbs consuevit , & ipsam  
Naturam hinc Helene vincere docta potest .





*In eandem Helenam ingenio volantem.*

85. Te quanvis super Astra ferat, poterit tibi, Virgo,  
Nullus adulari; nam super Astra volas.

*Helena Ingeniorum Phœnix.*

86. Assyrius rarò Italiæ se præbuit ales;  
Phœnicem Mundo sed parit Italia.

*Aliud.*

87. Secula nomen habent: Helene queis venit in auras,  
Phœnicis dici secula posse, reor.

*Lucretia Nomen*

*Helena Cornelia fuisse latuit Authorem,  
dum alia Epigrammata scriberet.*

88. Multa feror de te scripsisse Epigrammata, nomen  
Si nec cognoram, docta Virago, tuum?

*Aliud.*

89. Quod Lucretia cederet pudori  
Palnam, Virgo, tuo, probè sciebam;  
Ignotum mihi sed fuisse miror,  
Quod Lucretia & ipsa dicereris.

N

In

*In idem Lucretia Nomen.*

90. Ex Urbe ejecit Lucretia casta Superbos ,  
 Namque ejus Brutos egit ad arma cruor .  
 Ex Orbe ast omnes, Lucretia Virgo, Superbos  
 Ejicis, aut saltem detumuisse doces .  
 Nam Generis, Formæ, Ingenii vel dote Superbus ,  
 Qui tua suspexis lumina, nullus erit .

*Aliud.*

91. Non hæc Tarquinius metuit Lucretia Reges ;  
 Ipsa Superborum at subruit Imperium .

*Aliud.*

92. Quòd frustra abjecit temerato corpore vitam ,  
 Majori & scelere in funera sponte ruit ,  
 Cur Lucretia sit speculum Romana pudoris ?  
 An Stygiis maculas abluit illa vadis ?  
 Forma pudicitia Veneta est Lucretia : formam  
 Ex illa posthac secula cuncta petent .

*In utrumque  
 Helena, & Lucretia nomen.*

93. Formâ Helena es, plusquam Lucretia casta Pudore;  
 Hinc de Fonte Sacro nomen utrumque trahis .

*In*

*In eandem Lucretiam  
Palladio in Regno dominantem.*

94. Si Reges pro te pepulit, Lucretia, Brutus;  
Palladio hæc omnes pellit ab Imperio.

*In Helena, & Lucretia nomen.*

95. An non instituunt Helena, & Lucretia pugnam?  
Hæc casta, impuris moribus illa fuit:  
In te ineunt fœdus; nam, quæ pugnare videntur,  
Non sine prodigio confociare, tuum est.  
Canities mentis pugnat, juvenilis & ætas;  
Nec raro pugnant Forma, Pudorque simul:  
Pugnant, multiplici quæ flumine pectus inundant,  
Doctrinæ; alterius deterit altera opes.  
Excelsum Ingenium, ac demissa Modestia frontis:  
Indolis augustæ lux, pavidusque rubor:  
Hæc in te miro conspirant fœdere, Virgo.  
An non te magnum dixero Prodigium?

*In Lucretiam Romanam  
Divi Augustini Dilemma.*

96. Infanti sibi si peperit Lucretia lethum,  
Flagitium admisit majus adulterio.  
Assensum Arunti si præbuit, aurea Famæ  
Cur ergo immeritam buccina ad Astra ferat?  
Prodigium formæ Venetam, Sanctiq; Pudoris,  
Quam pro Romana, Fama, loquaris habes.

*Aliud in Lucretiam .*

97. Libertas Romana tuo , Lucretia , fato ,  
 Ex Urbe exactis Regibus orta fuit :  
 Libera ni Patria esset , libertatis amorem  
 Hæc potuit Patriam Virgo docere suam ;  
 Namque exosa virum est , legesque exosa jugales :  
 Illius & nulli subditur ingenium .

*In Helenam Lucretiam Corneliam  
 Græcæ Linguae peritissimam .*

98. Eloqueris græcè , mediis ceu nata Mycenis .  
 Est tibi Grajugenûm Copia , & Ingenium .

*Incomparabili Virgini Helena Lucretia  
 Cornelia hæc Epigrammata devovemus .  
 Parodia ex Catullo .*

99. Disertissima Virgo fœminarum ,  
 Quot sunt , quotque fuere , quotque famâ  
 Illustres aliis erunt in annis ,  
 Tuis plaudere laureis coronis  
 Ignotus tibi , cognitusque nulli ,  
 Gestit pessimus omnium Poeta ,  
 Tantò pessimus omnium Poeta ,  
 Quamò tu optima es omnium Camæna .



*He-*

*Helena Cornelia Venetorum Palladi  
Centum hæc Epigrammata  
consecramus .*

100. Secula si nostram vidissent prisca Minervam,  
Grex illi addictus procubisset humi .  
Illius exundans Hecatombe haud imbuit aras ?  
Centum illam saltem carmina ad Astra ferant .



# EPIGRAMMATUM

## LIBER QUINTUS.

De variis, & plerumque Sacris,  
Argumentis.

SANCTISSIMO DOMINO NOSTRO

# CLEMENTI XI.

## PONTIFICI MAXIMO

*Eximiam tandem Virtutem*

D. ANNIBALIS FRATRIS SUI FILII ORNANTI

*Dum instat Virginei Partus Dies.*

**C**onferre optabant Sors, & Natura, sed Ostrum  
Annibali Virtus tantum operosa dedit.

Hæc metam post Undecimum vix attigit annum,  
Virginei Partus appropinquante Die.

Multiplici Virtus tulerat certamine palmas:  
Innumeras Sanctus Patruus esse jubet.

Post has totius votis tandem annuit Orbis:  
Deque illo lucem Purpura Sacra refert.

Virginei quædam intueor vestigia Partus.

Nil in Te humanum est, dum paris, Alme Pater.

Mor-

Mortalium, Gælitumque Gaudium,  
cum ornatus est Purpureo Galero

*Eminentissimus, & Reverendissimus Princeps*

ANNIBAL CARDINALIS ALBANUS

*Die consecrata*

Sanctis Hilario, & Felici.

**Q**Uondâ Odium Italiæ Pœnus fuit Annibal; at nunc  
Annibal alter adest Urbis, & Orbis Amor.  
Huic dilatus honor torquebat publica vota,  
Communesque Aulæ per duo lustra preces.  
Post Sanctum ac tandem Patrum regnare coactum  
Undecimus totum flexerat Annus iter.  
Post exantlatos dignos Heroe labores,  
Quos Tybris in Cælum, Danubiusque tulit,  
Instabant cum Virginei Solemnia Partus,  
Decrêta Eximio Præmia sunt Juveni.  
Exultans plausit Roma, atque Europa: negare  
Promeritum Invidia haud ullius ausa fuit.  
Ipsa etiam Annibalis plauserunt Astra Triumpho,  
Purpurei reducem cum coluere Patres.  
Nomînibus quandoque insunt Faustæ Omina Sortis.  
Felici, atque Hilari sacra erat illa Dies.  
Lux Hilaris nam semper erit, Felixque, Galero  
Annibalis meritæ quæ rubuere comæ.



## DEIPARA.

*Pulchra ut Luna .*

Subiectam pedibus Lunam cur exprimis ore ?  
 Nam te ipsam infra te dejicis , Alma Parens .

*Electa ut Sol .*

Eligit , ex omni prohibet quos crimine Numen .  
 Hac ferme æquaris dote , Virago , Deo .

*Sicut Aurora consurgens .*

Pingeris Auroræ radiis , pulcherrima Virgo ;  
 Candor enim , & roseus pingit utramque Pudor .

*Terribilis ut Castrorum acies ordinata .*

Castra repræsentas animo , mitissima Virgo ?  
 Ast Exercituum es Numinis ipsa Parens .

*Pulchra ut Luna , Electa ut Sol ,  
 Terribilis ut Castrorum acies ordinata .*

Est Speculum Solis , formâ cum Luna superbit :  
 Tu Natum Pulchra ut Luna , Virago , refers .  
 Auroram , Solemque simul , Virgo , exprimis . Illam  
 Sol instans decorat , par & utrique nitor .  
 Cælitibus Sol appares , es fulmen in arces  
 Tartareas : contra has martia castra geris .

*De*



*De Immaculata Beatissima Virginis  
Conceptione .*

Aurora exoriens , quid Sol vehat , indicat Orbi ,  
Lucis flore novum pingere docta diem .  
Virgo præit Sobolem , ceu Solem Aurora, nec ullus  
Solis inoccidui denigrat ora color .  
Non ergo Mariam violavit spuma colubri ,  
Qua Patrum in natos funditur atra lues .  
Nam maculis primos si Aurora notaverit ortus ,  
Nuntiat atratum Solis adesse jubar .

*Aliud .*

Est uterus Matris tibi , Virgo , animata palæstra ,  
Qua Stygii obtruncas livida Monstra Lacûs .  
Tanarii Mundum cohibent dum vincla Tyranni ,  
Servire indocilis vincula nulla subis .  
Excipient tua captivum quia viscera Numen ,  
Ferre nequis victo a Numinis hoste jugum .

*Aliud .*

Vivere cum primùm cœpit , cœpere triumphî ,  
Pressit avernalem nam pede Virgo Canem .  
Illam nec potuit commune afflare venenum ,  
Quo sobolem perimit post paritura parens .  
Et magis arrisit vitæ hæc Aurora Tonanti ,  
Innumeræ Gentis quàm cumulata dies .  
Prima gigantæi hæc essent vestigia cursus ,  
Posset more hominum crescere si ipse Deus .

*Aliud*

*Aliud .*

Quem pedibus , Virgo, Coluber, regalibus urges,  
 In tua sulphuream fuderat ora Stygem ,  
 Te quoque primævi conatus lædere Patris  
 Crimine , mortales quod necat ante diem .  
 Sed repulit sacros allambens Luna cothurnos  
 Virus , quod Serpens faucibus evomuit .  
 Tunc primum maculis rubuerunt cornua Phœbes ;  
 Causa tamen Soli quas facit esse pares .

*Aliud .*

Sydereæ ut primum Virgo trahit ordia lucis ,  
 Frangit avernalis lurida Monstra Lacus .  
 Ira placet , livorque Erebi ; Matrem esse Tonantis  
 Scilicet , a qua sic vincitur , ira probat .

*Templum Deiparæ à Gratiis instauratur ,  
 eò quod ægrotum Apoplexiâ laboran-  
 tem eadem Virgo ad salu-  
 tem revocâverit .*

Squalor abest , Templi facies antiqua novatur ,  
 Pulchrior exoritur forma , decensque nitior ,  
 Quod mentis stupor attonitæ , ac torpentia membra  
 Senferunt vires , aurea Virgo , tuas .  
 Munera cessantis dextræ stupor urget abactus ,  
 Et movet artifices dædala ad arma viros .  
 Tempia novata nitent : sua tellus dona reponit  
 Reginæ , nomen cui dedit Alma Charis .

At

At si Virgineos Templis numerare favores,  
 Atque aris grates solvere vellet humus,  
 Inseffa innumeris Templis haud machina Mundi  
 Sufficeret, quamquam nil, nisi Tempia, foret.

*In Imaginem Beatissimæ Virginis Montium  
 verno tempore in Fœno repertam.*

Ver erat, æternis cum terra emerfit ab umbris,  
 Et juvenis fulsit regia celsa Poli.  
 Flora colorabat campos, cum venit in auras  
 Educta ex umbris Virginis Effigies.  
 Par Mundo, Mariæque Ortus, Pueroque Tonanti:  
 Hunc Fœnum, Antra, Chaos dant, Tenebræq; diem.  
 Pulchrius an ver explicuit mortalibus annum,  
 Dum terram, an quando Virginis ora dedit?  
 Tunc fulsere Dei vestigia credita terris,  
 Pulchrior at Virgo fulsit Imago Dei.  
 Omnia ver illud peperit: nunc omnibus una  
 Par terris Virgo, syderibusque datur.

*In solennem Supplicationem,  
 qua Bononiæ defertur Imago Deiparæ  
 septem doloribus cruciatæ.*

Diva, triumphali quam docta Bononia pompa  
 Regia deducit per fora, perque vias,  
 Qui tua transadigunt septeni corda mucrones?  
 Nigra quid in mœsta nubila fronte sedent?  
 Non unquam tristi reduces Capitolia vultu  
 Prisca olim vidit scandere Roma duces.  
 Vulnere nunc primum regnant: dolor ipse triumphat,  
 Quod pompæ haud vidit terra superba genus.

In

In cælo dolor exultat, mortalis in astris

Mutatur risu lachryma perpetuo.

Si dolor hîc lachrymæque, Bononia docta, triumphant,

An non hæc magnum Urbs Ætheris instar habet?

*In Herodem Infantium interfectorem.*

Divini Stella Herodem prænuntia Solis

Exagitat: Reges consulit, & Solymam.

O Regum probrum, ac Regni funeste Cometes,

Stragem portendens, exitiumque tuis!

Ut Sydus fulges Solio sublime superbo,

Cum terræ vilis sis vapor astra petens.

Crinita ut fax innocuo splendere videris

Lumine; at a flammis ureris ipse tuis.

Frustra Orbi infausta minitaris funera luce;

Igneæ nam rabies te necat ante alios.

*Euntes ad Præsepe Reges præcedit Stella,  
non ab eodem redeuntes.*

Prævia quæ Reges Bcthlaeum duxit ad antrum,

Stella facem preffit, cum rediere domum.

Munere cur fungi renuisti sydus amico?

A Christo nullum sydus abire docet.



*Pro-*

*Prodigia in Morte Reparatoris  
Nostri.*

Sol, qui Mundi Oculus, radiis lachrymare cruentis,  
Atrato & pavidum firmate conde jubar.

Præproperæ lucem nocti ne suffice, Luna;  
Decolor Astrorum labere ab axe cohors.

Mugiat insolito tellus concussa tremore:

Qui te, atque astra regit, de trabe pendet Atlas.  
Marmore corda rigent? Nativum oblita rigorem

Saxa dolete: pio ferveat igne filex.

Fons aret Vitæ? Viduata cadavera vitæ

Immensus valeat rursus animare dolor.

Authori confusa suo Natura parentet,  
Everti Mundum quo pereunte decet.

*Fusus Author in Latii linguam transferre  
sequentia duo Eminentissimi Principis  
Carmina:*

Dentro a' Nembi codardi

Che fanno in Ciel della Vendetta i dardi?

*Multiplicem illorum versionem  
statim effudit.*

Nec Cælo ingeminant ignes, nec tela trifurca  
Ignavi jaculantur, habent si fulmina, nimbi?

*Vel.*

*Vel.*

Ignea non rapiunt per Cælum fulmina cursum,  
Ultrix nec Cæli conficit ira reos?

*Vel.*

Torpetis Nimbi? Non torques fulmina, Cælum?  
Sopitum Impietas arguet esse Deum.

*Vel.*

Impia dum noctem metuit Judæa perennem,  
Crebra ruant, diras & solvant tela tenebras.

*Vel.*

Nubibus ignavis Cælum cur fulmina lentè  
Parturit? Erumpant sua tela ultura Tonantem.

*Vel.*

In fontes quando terras ruet igneus æther,  
Cunctantur nunc ignavis si fulmina nimbis?

*Vel.*

Extinctum credent hostes nunc esse Tonantem,  
Nubibus elisis nisi torqueat ignea tela.

*Vel.*

Quæ tela incendit Nemesis, sopita quiescunt?  
Haud metuent posthac mortalia crimina Cælum.

*Vel.*

Nec Cæli tonat aula? cadentem ultura Tonantem  
Ignavis non erumpunt nunc fulmina nimbis?

*Vel.*

Torqueat elisis nisi fulmina nubibus æther,  
Ifacidæ haud læsum credent, qui fulmina vibrat.

*Vel.*

Ignavos intra nimbos cur lenta quiescunt,  
Quæ justus peperit tela trifulca furor?

*Vel.*

Ultoris torpent nunc tela trifulca Tonantis  
Ignavos intra nimbos? Ruat igneus æther.

*Vel.*

*Vel.*

Nunc ultionis tela si lentæ stupent,  
Ignava quando fulmina in terras ruent?

*Vel.*

Dextra licet sævo sit ligno affixa Tonantis,  
Ultori e nimbo fulmina sponte ruant.

*Vel.*

In Axe nimbus heu moratur ignavus,  
Nec ultionis tela nunc parit tandem?

*Vel inverso sensu.*

Purpureus sacri qui ex æthere corporis imber  
Labitur, est telum. Ne fulmina torqueat Axis.

*Vel.*

Ultio non referas armamentaria Cæli?  
Ignavos intra nimbos nunc fulmina languent?

*Vel.*

Haud unquam parient torpentes fulmina nimbi,  
Si lentè nunc parturiunt ultricia tela.

*Vel.*

Quid nimbi torpent, quid cogitat igneus axis?  
Quid Nemesis languet? Quando ruet æthere fulmen?

*Vel.*

Immugit terra: effundit Mors victa sepultos:  
Scinduntur montes. Nec torquet fulmina Cælum?

*Vel.*

Quæ scelera admittit, dum fulmina non rotat Axis?  
Sed Cælum absolvit tectus caligine Phœbus.



D. Gre-

*D. Gregorius Thaumaturgus  
harere flumina , ficcari lacus , ire  
montes jubet .*

Terrarum prædo ripam indignatus ab alveo  
Proxima fulmineus sævit in arva Lycus .  
Undantes , Gregori , compescis fluminis iras ,  
Consueto & pelagum quærere calle doces .  
Piscosus Lacus accendit quia jurgia fratrum ,  
Litis causa tuis nutibus aret aqua .  
Mox iterum latices frænas . Miramur ? At ire  
Cum vidit montes , attonita unda stetit .

*Aliud .*

Hærentes terræ montes non ira Gigantum  
Movit , ut invisum pelleret axe Jovem .  
Gregorii pietas jussit discedere montes ,  
Sacrandum Templo nam tenuere locum ,  
Cujus ad Imperium fluvius compescuit undas ,  
Ne spes agricolæ sparsa necaret aqua .  
Scilicet ut montes undæ videre volantes ,  
Attonitæ monstris obriguere novis .  
Sunt miris fœcunda aliis miracula prima , (colit.  
Quæ haud homines tantum , at pendula lympha



*S. Ni-*



*S. Nicolai Myrensis  
Prodigiosa Infantia .*

Mercurii , Venerisque die lac abnuis , Infans ,  
 Sugere , ni solem merferit oceanus .  
 Vivere cum discis , debellas Tartara . Lauro  
 Intexit cunas jam tibi diva Charis .  
 Alciden superas , manibus puerilibus hydros  
 A quo discerptos fabula vana canit ;  
 Ardua namque minus palma est fregisse Dracones ,  
 Quam frænare animi noxia vota sui .  
 Prodigiosa tibi quoniam est Infantia , laudes  
 Infantes discunt dein celebrare tuas .  
 Prodigia Infantem patrasse , heroica virtus ;  
 At divina , alios edocuisse , fuit .

*De eodem  
Ex Græci Nominis Etymologia .*

Quàm bene præclarum tibi dat Victoria Nomen ,  
 Qui Populos , Reges , atque Acheronta domas ?  
 Numinis imperio Lyciam dum subdis , amicas  
 Palmas ex hominum pectore , Dive , refers .  
 Dum malè succensas irato in Cæsare flammæ  
 Extinguis , major laurea te decorat .  
 Tartara debellas frangens simulachra Deorum ,  
 Arium & damnans . Omina nomen habet .



O

*Idem*

*Idem tempestatem prævidet , & compefcit ,  
& Nautam extinctum ad Vitam  
revocat .*

Fatidicis curis venturum amplecteris ævum ,  
Oceanum frænas , ipsaque fata domas .  
Quæ majora putem portenta ? E funere nautas  
Quod revoces , remis qui maria alta doment ?  
Magnum est pellacis ponti prænosse furorem :  
Majus commoto ponere jura mari .  
Ingluvies pelagi sed quos exhauserat , ipsis  
E pelagi nautas faucibus eripere ,  
Atque his mancipii in morem dare marmora remis  
Pulsanda , hoc ingens Numinis instar habet .

*E Sacro ejusdem Corpore  
mirificus liquor perpetuo manat .*

Corpore , Dive , tuo manans crystallinus humor ,  
Ros est ? Aurora at ros oriente cadit .  
Perdus , & pernox e corporis æthere sacri  
Labitur irrorans membra sacrata liquor .  
Ambrosiam dicam , totum quæ nutriat Orbem ,  
Ut quæ olim Ifacidas pascere fuenta fuit ?  
At cælo gratos populos id nectar alebat :  
Hoc vitam extinctis restituisse valet .  
Num lac irriguo perfundens flumine Mundum ,  
Quod referat terris aurea secla , rear ?  
Nutricis quondam pro lacte , quod abnuit Infans ,  
Perpetuo huic Mundum fontem beare datur .

*D. Mar-*

*D. Martinus invitos Paralyticos  
convalescere cogit.*

Dum sacro Turones repetis , Martine , triumpho ,  
 Divus & exanimi in corpore vivit amor ,  
 Spargit adoratum vitalia dona pheretrum ,  
 Quod sequitur plausu turba canora pio .  
 Per te Argum cæcus , claudus nunc vincit Achillem ,  
 Omnis & incolumi turba salute redit .  
 Quin latè Turonum tractus perlabitur omnes  
 Grata salus , pennis quam vehit almus amor .  
 At duo , perpetuo queis motu corporis actis  
 Horrida lucrosus concutit ossa tremor ,  
 Omnibus ingestæ exhorrescunt dona salutis ,  
 Emendicatas quæ minuisset opes ,  
 Et fugiunt ; tua sed virtus fugientibus instat ,  
 Cogit & incolumes ad sua tecta gradi .  
 Auri sacra fames cæli sic munera temnis ?  
 Nec tremor est morbi , stare sed ossa timent ?  
 Mirer ? Quæ nummi torquet vesana cupido ,  
 Par est æterno corda pavore quati .


*Idem Miraculorum Author  
prodigiosè innotescit.*

Instaret miles Turonum cum barbarus urbi ,  
 Thesaurus aliò provida cura tulit :  
 Excepitque tui sacro , Martine , triumpho  
 Offer adorati corporis exuvias :  
 Et , quo Germanus , jacuisti , Dive , sepulchro ,  
 Si cælum pennis qui secat , ille jacet .  
 Muneribus cumulant Aram , tumulumque clientes ,  
 Quos voti ostendit tessera picta reos ;

Sed tua, Germani an virtus hæc dona meretur,  
 Cui vitam supplex debet, & obsequia?  
 Distrahit hæc Turonum studia in contraria cives  
 Lis, & Germanus quas bene pavit oves.  
 Sed leprâ exesus juvenis sacra bella diremit,  
 Quem tumulo hærentem repperit alma dies,  
 Parte alia incolumem, tibi quam, Martine, propinquam  
 Admovit, reliquo haud corpore pestis abit.  
 Mutatum ast exinde tibi latus applicat, & mox  
 Candore Infantis pulchrior emicuit.  
 Luditis, o Superi? An vobis mortalia ludus?  
 Certat an officiis Ætheris Aula piis?  
 Hospitis hinc adeo cedit Germanus honori,  
 Qui mage nunc Fratris nomine dignus erat.  
 Germanum ut Sydus veneratur Gallia. Solem,  
 Lumine qui Stellas obruat, esse decet.

*Idem hausto veneno moriturus<sup>1</sup>  
 sibi precibus incolumitatem  
 restituit.*

Eripuit postquam Martinus funera morti,  
 Illius & dirum subruit imperium,  
 Se quoque funereis nutu revocavit ab umbris,  
 Cui summum attulerant hausta venena diem.  
 Vipereo biberat mortem cratere natantem;  
 At mortem in fibris enecat ille suis.  
 Vitam aliis donare homini est commune, Deoque:  
 Amplificare suam Numinis instar habet.



*Idem*

*Idem adhuc Catecumenus  
Famulo suo non raro servire  
consuevit .*

Temperet imperio qui se multo emerat auro  
Martinus famulum , cui parat ipse dapes .  
Excipit obsequio venientem , & munera servi  
Lætus obit , thalamos instruit , arma polit :  
Ex illo vestes Dominus mendicat , & aurum ,  
Ex illo hospitium , relliquiasque dapum .  
Ascito regno generosus verna potitur ,  
Munere nec segnis fungitur imperii .  
Si quando motare manus dignatur heriles ,  
Martinus grates solvit , & obsequia .  
Erudiit Cælum Martinus , Summus Olympi  
Cui Princeps grates solvit , & obsequia .  
Illius indutum dicit se munere Numen ,  
Illius exoptat pauperis instar opem :

*Idem contra Idolum marmoreæ  
columnæ innixum e Cælo  
fulmen vocat .*

Marmoreæ incumbunt Idola innixa columnæ ,  
Ast illa ex astris diruit ignis edax .  
Absolvit cælum , qui cælo hos evocat ignes  
Martinus : mentem fulmini inesse docet .  
Innocuas posthac jaculentur fulmina tæres :  
Impete vel cæco tela trifurca ruant .  
Innumera incassum bene spargit fulmina Cælum ,  
Tam bene si hoc unum fulmen ab axe cadit .

*Idem osculo Leprosum curat ;  
& Mortuos plures ad Vitam  
revocat .*

Lepa fugit , Martinus opem cum fortè petenti  
Oscula dat , misero redditur alma salus :  
Mirer , quod sacri tantùm valet halitus oris ,  
Vitam homini infudit si halitus omnipotens ?  
Nec mirer , si Divinas hominum æmula virtus  
Exæquat vires , imperiumque potens ?  
At si , quam dederat Numen , Martine , redonans  
Sæpe homini Vitam de tumulo revocas ,  
Mirer , si tantùm omnipotens valet halitus oris ,  
Dive , tui , ac per te redditur alma salus ?

*D. Dionysii Martyris Infantis  
Corpus in Divini Dionysii Areopagitæ  
Templum infertur .*

Vivere cum primum cœpit , cœpere triumphi :  
Laurus obit cunas , mistaque palmâ sacras .  
Fortior infante Alcide Dionysius hydros  
Elidit , stygii quos vomit ira lacus .  
Sera alium , Divo instaurat quem nomine , calo  
Intulit hora : breves hunc rapuere dies .  
Alter Concilio Superùm , licet incola terræ ,  
Intererat : lapsa ex æthere scripta docent .  
Hinc , unde huc venit , ferò remeavit ad Axem :  
At citus in Patriam tu , Puer alme , redis .  
Exuvie sed nostra tuæ cur Tempa requirunt ?  
Namque tuæ hîc Fidei credis adesse Patrem .

*Cur*

*Cur geminum latus Corporis  
D. Dionysii Infantis Martyris cingant  
insignes Reliquiæ SS. Martyrum  
Parthenii, & Celerinae.*

Sydera non frustra coeunt, quæ dissipta nuper  
Suerant diversos ducere in axe choros.  
Nec frustra Divûm coalescunt corpora in unum;  
Quæ dispersa sacra delituere specu.  
Cur ergo Infantis circumstant Martyris ossa  
Parthenii Cineres, & Celerina, tui?  
Arcanis foecunda reor caelestia semper  
Nomina: non illis nostra carere putes.  
Parthenos est Graiis Virgo: Celerina Latinis  
A festinato tramite nomen habet.  
Virgineas inferte nives caelestibus hortis  
Namque, Infans, celeras sanguine purpureas,  
Custodes idcirco tui, comitesque triumphî,  
Parthenius cingunt, & Celerina latus.

*In D. Philippi Neriî corde flagrans  
Amor Divinus.*

Flamma velut rapidis in Cælum nititur alis,  
Nec dignatur humi serpere lapsa polo;  
Carcere mortali condi generosa Philippi  
Mens horrens latum ad sydera quærit iter.  
Inclusus terræ latebris erumpere flagrat  
Sic vapor in nubes ejaculatus humum.  
Sic superimpositi montis per vulnera flamma  
Enceladi in Superos tela trifulca rotat.

Infringi mirer costas e pectore ? Tantum  
In cineres miror non abiisse rogam .

*Cur D. Basilio  
Magni Agnomen inditum fuerit .*

Regia sunt , Basili , tibi nomina : Famaque Magni  
Addidit Agnomen laudibus æqua tuis .  
Magnum asserta Fides , Divina Oracula Magnum  
Hauſta animo præſtant , & reſerata viris .  
Magnus , ſeu Sacris Leges præſcribis Alumnis ,  
Seu contra Reges aſtra tueris , ades .  
Magnum mentis opes , dextrâ quæ concutis , arma  
Majorem ostendunt : Ethnicus illa pavet :  
Aris pulſa Deum pallescunt agmina : telis  
Et conſoſſa tuis Hæreſis Hydra fremit .  
Una alios dixit ſi dos , aut altera , Magnos ,  
Omnis cui laus eſt maxima , quantus erit ?  
Maxima ſi Numen dos confluit omnis in unum ,  
Magnum ergo , Basili , Numinis inſtar habes .

*Naupaſtæa S. Pii Quinti  
de Turcis Victoria .*

Non hæc Naupaſti miranda excrevit in undis  
Laurea magnanimum cingere docta Pium .  
Lactaſtis lachrymæ frondis victricis honorem :  
Luminibus Sancti crevit adulta Patris .



*D. Ca-*



*D. Carolus Borromæus  
 Quadraginta Aureorum Millia  
 uno die in pauperes  
 erogat.*

Dum matris vecors Arimaspus viscera terræ  
 Scrutatur, clausas & malè quærit opes,  
 Unguibus, & rostro, atque alis armatus in hostem  
 Auro inhians custos Gryphus in ora ruat.  
 Audax Peruvix scindit dum dextera montes,  
 Expilatores obrue terra tuos.  
 Tænariis natura aurum bene credidit umbris,  
 Ne purum inficiat criminis escâ diem.  
 Sed tibi, Purpurei decus immortale Senatus,  
 Sponte humus auriferum pandat amica sinum.  
 Quoque beas inopes, Cælo tibi depluat imber;  
 Nam quis munificum te neget esse Jovem?  
 Aureus in pluvium descendit Jupiter imbrem?  
 Qui juvât, hunc verum dixeris esse Jovem.

*Narratio acceptæ Gratiæ  
 in adversa Votivæ Tabellæ parte  
 prope B. Aloysii Gonzagæ Aram  
 ab Authore appensa.*

Ex Varice erumpens me vis immensa cruoris  
 Penè improvise funere sustulerat.  
 Erodens Ulcus, mox Cancer acerba parabat  
 Fata, nisi afferret Tibia secunda moram.  
 Ulcus abit, Cancerque, & ab hoc serpente comesus  
 Ante Varix. Sunt hæc munera Aloysii,

Qui

Qui vota exuperat ; nam mille pericula morbus  
 Dat superare unus , Cancer & addit opem .  
 Scilicet hic nisi Crus esset populatus , haberet ,  
 Quæ sæpe in mortem panderet , ora Varix .

*De brevissima B. Aloysii Vita .*

Cælestem quamvis Juvenem sibi vendicet Æther ,  
 Cum gemina a lustris Quinque recedit hyems ,  
 Palmas ex Erebo numeret si Fama relatas ,  
 Secula Aloysium Quinque agitasse putes .

*Eundem a Conterraneis tantum illius  
 Vatribus celebrari posse .*

Grandia quid tennes conemur ? Tollere cantu  
 Quis dignè Aonio speret Aloysium ?  
 Sydereò Juveni haud tuba par erit ulla ; redonet  
 Ni Musis iterum Mantua Virgilios .

*In D. Hilarium Pictaviensem Episcopum  
 Academię Stabilium Tudorri  
 Patronum .*

Fortunæ quos instabili Rota cardine versat ,  
 Deliciæ hos nullæ , gaudia nulla manent .  
 Jucundo exultat sed mens hilarata fereno ,  
 Quæ stabilis perstat , propositique tenax .  
 Hos ergo , stabili qui nunquam sede moventur ,  
 Quid mirum est Hilaris Præsidis arma sequi ?

*Aliud.*

*Aliud.*

Quem neque septeno feralis terruit Hydra  
 Vertice, nec Regum terruit ira ferox,  
 Frangere quem nequit Constantius, Orbis in unum  
 Quem conjuratus flectere non valuit,  
 Protegit auspicio Stabiles, atque omine fausto  
 Exemplo tales edocet esse suo.

*Aliud.*

Tum quoque fulmineos potuit terrere Tyrannos,  
 Cum procul a Patria nobilis exul agit.  
 Hinc ergo Patriam remeare jubetur ad Urbem,  
 Ne trepidos hilari terreat ore duces.  
 Tanta potest hilaris constantia. Perdere livor  
 Non valeas, Hilaris quos fovet aura Patris,

*D. Monica Lachryma.*

Sol Augustinus Sapientum: Aurora nec illi  
 Deest genitrix: Monica hinc lumina rore madent.  
 Concha sitit lachrymas Matutæ, atq; æquora quatinvis  
 Circumstent, sacras arida quærit aquas.  
 Unio concipitur cælesti plurimus unda,  
 Regnorum pretium, Sydus & æquoreum.  
 Cor nati, cœu concha, bibit, quo lumina matris  
 Imbre fluunt: Cælum queis emat, haurit opes.  
 Cum tonitru fremit Aula Jovis, Conchilia partu  
 Æquoris ad ripas nobiliore tument.  
 Sic fremitus inter, mœstæque tonitrua matris,  
 Unio, qui vincat Sydera, concipitur.

*De*

*De D. Antonino Martyre præstantissimo,  
quem demersum in Mare Aquilæ ad  
littus prodigiosè tulere.*

Pœnarum, Antonine, Mari demersus acerbo  
Post fata in fluctus mitteris Oceani.  
Te toto tumulans elemento barbarus hostis,  
Grata, inquit, tibi tam magna sepulchra, reor.  
Si Pharios olim tumularunt marmora Ponti,  
Urna eadem Divo, perfide Liçtor, erit?  
An, quoniam Heroum Sol Antoninus habetur,  
Ut Soli, huic tumulum præbuit alma Thetis?  
Quamprimùm at Pelagi Phœbus si prodit ab undis,  
Tu quoque de gremio Tethyos eriperis.  
Cælestes properant Aquilæ: parcentibus urgent  
Unguibus, ac reddunt corpora sacra solo.  
Idæi hæc probrum raptus pulcherrima delent  
Furta: in Aves Aquilis nunc dare Sceptra decet.

*De Apostolorum Principe.*

Tarpeji arentes lauros e fronte Tonantis  
Abstrahit irridens impia sacra Petrus.  
Sylva erat Urbs Erebi monstris regnata: Ferarum  
Impavido stygia hæc pectore Regna subit.  
Roma erat immani convulsus turbine Pontus:  
Sicco tartareas is pede calcatur aquas.  
Quam non evertit Pyrrhus, non Annibal; Urbem  
Piscator vincit. Credis adesse Deum?



*A D. Fa-*

*A D. Famiano percussa tellus chrySTALLinum  
Fontem parit .*

Squalida deserti sitiunt dum marmora collis ,  
Nec fontem agricolæ præbet avara flex ,  
Fœcundâ lapidem virgâ , Famiane , morantem  
Percutis : attonito e marmore currit aqua .  
Tu lachrymis urges Cælum , precibusque disertis :  
Manare a lachrymis discit & unda tuis .

*Tartarei Hostis formam Serpentis  
induti furias irridet D. Mar-  
garita .*

Invadit stygius Divæ conclavia Serpens ,  
Nec colubri faciem , aut cornua dissimulat :  
Sibilat incassum : micat igneus ore trifulco :  
Perdius , & pernox irrita bella movet :  
Oranti insultat : mente illa perambulat axem ,  
Amplexu exultans perfruiturque Dei .  
Membra brevem sera carpentis nocte soporem  
Nexibus innumeris implicat Anguis atrox .  
Victricem infrendens crebris assultibus urget :  
Haud inferre metum , perniciemque valet .  
Quondâ Hominū Patri insonti haud nocuere Colubri,  
Haud vesana Tygris , terribilisque Leo .  
Diva, Adæ præstas . Fuit olli innoxius Anguis ,  
Quem peperit tellus ; quem nigra Regna , tibi .



De

*De D. Agathæ Virgine, & Martyre.*

Heu crudele nefas ! Agathæ , scelerate Tyranne ,  
 Ubra rescindi e pectore sacra jubes ?  
 Humanæ haud certè tu fuxisti ubera matris ,  
 Sed tibi lac Ursa , aut sava Leona dedit .  
 Caucasus aut natum de rupe ejecit in auras ,  
 Cui fera præduro e marmore corda rigent .  
 At quamvis crudo rigeant tibi marmore corda ,  
 Debueras Agathæ parcere Licetor atrox ;  
 Hanc etenim norunt venerari culmina montis ,  
 Sicani terror quam collit Ætna soli .  
 Eructat quoties ferventi e gurgite faxa ,  
 Flammarum & fluvio fertur in arva furens ,  
 Et latè vastat campos , atque Urbibus ipsis  
 Horrendum exitium , & fata suprema parat ,  
 Compescunt Agathæ tunc vela ostensa furorem  
 Horrentis Montis , tartareasque faces ,  
 Atque ignis cursum miranda hæc vela retorquent ,  
 Ad montis fauces & remeare jubent .  
 Quam faxa , atque ignes Divam venerantur , & Orcus ,  
 Huic ipserre audes , dire Tyranne , necem ?

*De SS. tribus Martyribus Japoniæ  
e Societate Jesu .*

Salvete Heroes , postremo in limite Mundi  
 Quæis Christi peperit clara trophæa Fides .  
 Vos primi Japonum sacrastris sanguine terram .  
 Nascetur vestro e sanguine magna seges .  
 Arbore ab infaustra pendetis ; at arbore ab illa  
 Tutior en vobis semita ad astra datur .

Crux

Crux Cælo est propior : vobis est scala : perennis  
 Ad regnum Vitæ format & illa gradus .  
 Ite alacres : vos invitat Cælum omnibus astris :  
 Divina en vobis Aula reclusa patet .  
 Ite alacres . Video palmas ex æthere lapsas ,  
 Aligeros video , qui diadema ferunt :  
 Atque vocant dulci Cæli ad capitolia cantu ,  
 Perpetuos spondent , & sine nube dies .  
 Fœlices, vestrum qui Regem morte refertis ;  
 Illum etiam affixit turba maligna Cruci .  
 Ullaque ne desit divina gloria mortis ,  
 Transadigit vobis lancea dura latus .  
 Impia si extinctum transfixit lancea Regem ,  
 Vos duplex vivos lancea sæva necat .

*De D.Dorothea Virgine , & Martyre ,  
 quæ flores , & fructus cælestes  
 Theophilo misit .*

Evolat ad mortem cursu lætissima Virgo :  
 Ad pulchra hanc certè currere prata putes .  
 Ut flores tractat gladios , ac tela cruenta ,  
 Floribus atque ipsi est gratior ensis edax .  
 Miratur juvenis morienti proximus astans ,  
 Atque inquit : Ridens horrida fata subjs ?  
 Illa refert : Nescis , quos in cælestibus hortis  
 Perpetuos flores , quæ aurea poma legam ?  
 Ignoras, quas delicias mihi Sponsus in astris  
 Præparet ? Est risus hæc mihi causa mei .  
 Respondet juvenis . Si te viridaria Cæli  
 Excipiant , lectas mittere ab axe rosas ,  
 Aureaque e Cælo digneris mittere poma :  
 Amplecti & Christi spondeo corde Fidem .  
 Annuit huic Virgo : simul & vernantia Florum  
 Munera , & Autumnus ex æthere misit opes .

Ali-

Aliger hæc rutilo formosus detulit ore

Dona : ille obstupuit munera sacra videns ,  
Proque Fide excipiens mortem viridaria Cæli  
Quamprimum optavit visere ad astra volans .

*De D. Romualdo .*

Cur Urbes, Romualde, fugis, vultusque virorum?

Atque ferarum inter vivere tesqua juvat ?

Sylva placet, rupesque cavæ ? Sed cerno ferarum

In testâ Angelicos axe venire choros .

Nil mirum, si Sylva placet, quam tu incola, Dive,

In pulchrum mutas ætheris hospitium .

Panduntur Cæli tibi Tempa , & sacra beati

Regni arcana vides , excipis aure melos .

Aurea contingens e terris limina Cæli

Scala oculos hilarat prodigiosa tuos .

Exultantque tuos eniti hac semita Alumnos

Terræ e valle vides ad juga summa poli .

Fœlices Sylvæ, quæ callem ad Sydera pandant ,

Quæque immortales delicias pariunt .

Dulcior ambrosiâ Regum , qua vesceris, herba

Est, atq; unda fluens, quam, Romualde, bibis.

Hanc tu non metuis misceri, Dive, veneno ,

Aurea quod tingit pocula sæpe ducum .

Herba, & Aquæ potus Centum tibi protrahit annos ,

Bisquæ decem ? Haud vincit nectar, & ambrosiam?

*De D. Apollonia Virgine , & Martyre .*

Irruis in medias, Virgo fortissima, flammæ ,

Sponte & pro Sponso fata suprema subis .

Quam trepidant alii , mortem tu , Diva , laceasis,

Illius amplexus & generosa petis .

Nec



## LIBER QUINTUS. 225

Nec jucunda placent tibi funera; sed genus optas  
 Horrendum mortis, quod dedit ignis atrox.  
 Major Divini tibi pectore fervet amoris  
 Ignis, quàm tortor quem tibi, Virgo, parat.  
 Major flamma metum valet extinxisse minoris;  
 Teque ideo in sævos injicis ipsa rogos.  
 A diro tamen, o Virgo, haud extingueris igne:  
 Haud mors, ad vitam transitus ille fuit.  
 Pertæsus vitæ veluti succendere Phœnix  
 Alarum motu cedrina ligna solet:  
 Seque super flammæ aptare, ut morte renascens  
 Ad vitæ redeat munera grata puer.  
 Sic Virgo flammis, Phœnix cælestis, ab illis  
 Ad vitæ transis prospera fata novæ.

### *D. Catharinæ mors triumphalis.*

Latrantem fortis Catharina triumphat Anubim,  
 Tænariorum casto fulminat ore Deos.  
 Su b pede crudeles premit Heroina Tyrannos,  
 Tela, rotas, ignes, horrida flagra premit.  
 Quin etiam a dulci lætatur morte: crûore  
 Pro roseo, niveo lacte colorat humum.  
 Scilicet e proprio quæ funere nata rivali  
 Nascentem vitam flumine lactis alit.

### *De Sanctis Virginibus Rosa a S. Maria, & Viterbiensi.*

India, cui Sol, occiduas dum vergit in undas,  
 Fœlici pingues lumine ditat agros,  
 Perpetuis auri tellus pretiosa fodinis,  
 Quæ magna Europæ das alimenta malis:

P

Si

Si te perspicuis argentea flumina lactant  
 Fluctibus, inque omni littore gemma micat :  
 Si pulchris ridens avibus tibi pingitur aer ,  
 Quæ Regi pennis dant diadema tuæ :  
 Insolitæ illustrent pretio si splendida lucis  
 Astra tuum nostris invidiosa Polum ,  
 Namque immortalis referentia signa Salutis  
 Occiduo ostentant sydera ab axe Crucem ;  
 Non tamen illustri Florum nos lumine vincis ,  
 India , Divinæ haud vincis odore Rosæ .  
 Candore hæc etiam vobis , regalia , certat ,  
 Lilia , Sythonias vincere docta nives .  
 Et neutram impuro Cypris infecisse cruore ,  
 Lactentes potuit nec temerare notas .  
 Utraque at inseruit sibi vepres : flagraque tractans  
 Virgineas pinxit sponte cruore nives .  
 Purpura viva nives tinxit , cum Lilia Candor ,  
 Et Furor innocuus conseruere Rosis .

*Aliud .*

Ast hæc non altam tollunt ad sydera frontem  
 Lilia : depressa in valle modesta latent .  
 Nam Rosa nec formæ , nec odoris laude superbit ,  
 Nec suus est illi cognitus ipse decor ;  
 Sponte sed in valles dejectæ accommodat alas ,  
 Ardentemque Rosam ad sydera tollit Amor .  
 Cernis anhelantem Divini ad lumina Solis ,  
 A quo flagrantes ebibit ore faces ?  
 Perpetuò , viden , ut Clytiæ fœlicior igne  
 Obversa Solis fronte sequatur iter ?  
 Hunc amat , hunc sequitur cursu festina , quadrigam  
 Seu roseam primum tollat ab axe jubar :  
 Seu medio auratum Sol igneus æthere currum

Ur-

## LIBER QUINTUS:

227

Urgeat, & meta distet utraque dies :  
 Seu fessus pelagi tandem labatur in undas,  
 Emeritosque jugo solvere certet equos.  
 At, viden, ut varios Divino a Sole colores  
 Hauriat : haud Clytiam tantus adussit amor.  
 Dum Sol illustris radiis agit æthere currum,  
 Exultat rutilo picta colore Rosa.  
 Dum Sol emoritur, languet, pœnisque notatur,  
 Quæ Soli attulerunt aspera fata suo.  
 Et flagra, & spinas, atque horrida saxa Columnæ,  
 Nunc Rosa, quæ superat te, Granadilla, refert.

### *Aliud.*

O amor, o vires vultum mutantis amoris !  
 Multiplici o forma prodigiosus amor !  
 O flos inscriptus Divini nomina Solis,  
 Divinæ inscriptus tristia signa necis !  
 O Cælo delapsa hortorum gloria ! namque  
 Haud his prodigiis nostra superbit humus.  
 Miramur, Cælo si lapsus in æra rursus  
 Tollitur ? Hunc Florem pondera nulla gravant.

### *Aliud.*

*de S. Rosa Viterbiensi in altum elata, dum  
 contra Impios declamabat.*

Cum Rosa Divini langueret Solis amore,  
 E terra exiliit sapius astra petens,  
 Ebria concepti cum pectora Numinis æstu  
 Urgerent populos per fora, perque vias ;

P 2

Nam-

Namque Rosa armavit sacros in crimina dumos,  
 In fontes tonuit per fora, perque vias.  
 Ac dum fulminea Cælesti a Rege Rebelles  
 Voce petit, visa est corpore ad astra rapi:  
 Cumque alto insists lapidi spectatur ab unda,  
 Quæ bibula orantis pendet ab ore, virum:  
 En pedibus veluti magnes admotus in altum  
 Tollitur ipse, Rosam prosequiturque lapis.  
 Quem non flexissent Cæli hæc portentosa protervum?  
 Cæsarei furias non domuere Ducis.  
 Principis hunc hostem, qui Sceptra Vicaria Cæli  
 Torquet, fulmineo fregerat ore Rosa.  
 Ipsos impavida invasit Cælestis Amazon  
 Augustos, Latii devenerata Patrem.  
 Quantus in hunc Florem tunc ingruit imber ab Arcto!  
 Queis Aquilo infremuit turbidus ore minis!  
 Exitium infanti, ac tristem meditata ruinam  
 Tempestaſ Boreæ frigido ab axe ruit.  
 Nativo tunc vulsa solo Rosa quærere mœstum  
 Compulsa exilium, perfugiumque fuit.

*Aliud*  
*de illius Pugna cum Saga.*

Extorrem sed quæ invitant Castella, salutem,  
 Cumque Rosa Charitum promerueret chorum.  
 Sacra Fides, profugæque comes Pax alma Puella,  
 Et Pietas urget, Relligioque latus.  
 Oppida nec tantum Charites foelicia tectis  
 Excepere, Rosæ quæ comitantur iter;  
 Ast illi, dum propugnat fortissima Cælum,  
 Militiæ dederunt amphitheatra sacra.  
 Saga furore, dolis, & linguâ instructa Megaræ  
 Contra Romuleum moverat arma Patrem,

Cæ-

Cæsaris & partes, atque impia signa sequuta,  
 Horrida Avernalis buccina Regis erat.  
 Hanc Rosa, quam sacra incendit fiducia causæ,  
 Aggreditur: cæcis obstat & illa dolis.  
 Prodigiiis asserta Fides. Extabat in alto  
 Dira strues ignes ejaculata foro.  
 Majore huic flamma Divini percita Amoris  
 Infiliit saltu nil trepidante Rosa.  
 Nec flammæ læsere nives; at pulchrior arsit  
 In gelido vultus purpura sacra rogo.  
 Defenso victrix Cælo prodixit ab igne,  
 Ablutum e pelagi Sydus ut exit aquis.

*Aliud**de patratis ab illa Prodigiiis.*

Miraris portenta, Rosam quibus astra tuentur?  
 Ut verò ipsa aliis prodigiosa fuit!  
 Seu quando, nondum prima trieteride plena,  
 Infregit vires, o Libitina, tuas:  
 Atque Amitam tumuli revocavit pupula ab umbris,  
 Infanti primos restituitque dies:  
 Seu saxo contrita Ceres, permistaque lymphis,  
 Et clibani in niveos igne coacta globos,  
 Illius imperio cum floruit, & Patris iram  
 Elusit, miseris ferre negantis opem.  
 Seu quando, ut Populos cælesti afflaret odore,  
 E tumulo Flores protulit ipsa suo.  
 Ast erepta nimis properato funere terris,  
 Heu subito Cælo restituenda Rosa.  
 Tertius huic tria lustra super cum volvitur annus,  
 Flos migrat in sydus, subtrahiturque solo.  
 Infitus areolis Cæli nunc vernat Aprilli  
 Perpetuo, & rutilum spargit ab axe jubar.

Illius exuvias infert Pater ipse sepulchro ,  
 Consuevit Cæli qui referare fores .  
 Nunc immortalī vernant sacra membra juventa ,  
 Sydereum Florem nullaque lædit hyems .  
 Europæ dubiam tibi Flores , India , palmam  
 En faciunt . Cælo dignus uterque fuit .

*Rocchi Gonzalez S.F. Cor  
 Evulsum visceribus in Dei laudes  
 erumpit .*

Solvat Gonzalez ne in laudes Numinis ora ,  
 Corda illi e fibris barbara dextra rapit .  
 Numinis in laudes sed cor de corpore vulsum  
 Solvitur , & patuli vulneris ora sonant .  
 Quis voces cordis cordatas esse negabit ,  
 Et nullum in patulo corde subesse dolum ?  
 Dura peroranti jam cedite pectora cordi .  
 Ore potest dolus , at corde latere nequit .

*Hieronyma Asculana  
 Religiosissima Fœmina moritur Anus ,  
 & Juvenis post mortem apparet .*

Ver hominum exoritur : non tantum floribus arva  
 Post hyemem rident , mortua vernat Anus .  
 Emoritur Vidua , & Virgo , Viduæque colore  
 Mors pingit , Virtus Virgineoque genas .



Ex-

*Extemporalis Ludus ,  
quo R. P. Jacobum Cellesium S. J.  
Collegii Græcorum Rectorem  
alloquitur , qui ei fuerat Regiminis  
Administer .*

Egregie Rector , ipse cui libens malim  
Subesse semper, quàm regnare Mogoris ,  
Aut Ceilani Dominus, ut mihi Scazon  
Jocosus adsit, imperas , cothurnatæ  
Ludus Thaliæ, cum severa majestas  
Gradus movere ludicram docet Musam  
Ibericæ ritu . Arduum est opus nobis  
Arare frontem , nubibusque vallare,  
Supercilij arcum attollere, ut , velut Cælum  
Atlantis humeri fulciunt , novus Piso  
Torquere videar publicæ Rei pondus .  
Ut oris haud quæsita semper arrisit  
Mihi serenitas : ita carmen ampullas  
Nostrum execratur . Qui Urbibus gubernandis  
Pares videri gestiunt, per ambages  
Rotando verba , vellicant mihi splenem .  
Derideo simulacra, quæ basi egent magna :  
Homines , necesse queis sit ad solum allidi ,  
Fulcris nisi innitantur : ut solet grallis  
Egere claudus , quibus inhereat, Scazon .  
Politicus ille melior est mihi semper  
Vifus, nitente fronte qui nihil spirat  
Tumidum, aut superbum, mentis & suæ gazas  
Haud bracteis incrustat . Ergo qui Scazon  
Fluat peroso vitæ , & oris oracla  
Phaleris tumentis ? Attamen, nefas cum sit  
Non obsequi , conabor in gravem Musam  
Assurgere ; ad inassueta namque consuesti

Mihi indolem formare munera, & curas.  
 Jussa exequutus Optimi Patris cœpi  
 Tandem brevis præesse brassicis horti,  
 Præesse feli, temperare Mantoï  
 Cœqui furorem: Dextra Mentis excelsæ  
 Cœpi vocari, jura quæ dat Argivis,  
 Quos Creta ad Urbem misit, aut Cephallenûm  
 Insula, Zacynthus, Sparta, Macedonia, Chios,  
 Epirus hospita Calabri sinus, Grajo  
 Rituque vivens Russia, & sequens morem  
 Ferrata Crypta Græcum. In hos mihi sceptrâ  
 Vicaria tribuisti: & haud semel nostrum  
 Pavit rigorem Grajus, atque Epirota.  
 Scazonta ludere ergo possumus, namque  
 Haud insolens est penitus in minas vultum  
 Caperare nobis. Optime, at mihi indulge,  
 Jacobe, si ex te quæro, cur placet Scazon  
 Præ ceteris tibi carminis sacri formis?  
 Non ipse gressu, aut ore fingis Hispanos,  
 Non intumescis unquam: amabili corda  
 Vultu laceassis, nutibusque blandiris:  
 Sirenes innatant labris, nec affectas  
 Magnus videri linguæ inanibus bombis.  
 Hispana Gravitas certè inest, Lepor Gallus  
 Mores tibi sed temperat: neque Candore  
 Germania tibi certat: Italiæ prudens  
 Omnisque in uno est laus. Ut olim Agrigenti  
 Alcmenam in unam Virginum omnium dotes  
 Zeuss coegit: ut Corynthium fluxit  
 In Æs metallum quodlibet: ut Apes flores  
 Populantur omnes: cuncta sic refert unus  
 Decora aliorum, dignus omnibus jura  
 Proinde populis tradere. Ast adhuc hæret  
 Incertus animus, cur tibi omnibus Scazon  
 Venustior sit carminum notis visus.  
 Ut quæstio solvatur, enatat tandem

De-



Democriti de latice Veritas hausta .  
 Vicariam cras alteri quoniam Virgam  
 Attribuam , ut ille quoque prohibeat Argivos  
 Extra chorum saltare identidem , claudus  
 Jubes , magister erudiat ut eum Scazon .

*Inscriptio Lapidis signantis vias prope  
 Vigontiam .*

Arctoo quisquis properas huc Hospes ab axe  
 Emensus montes, quorum densissima sepes  
 Germanis Italos dirimit : Julque relicto  
 Vitifero post terga Foro , campisque feracis  
 Tarvisii , huc recto te duxit semita calle ,  
 Perstat adhuc ubi clara suis Vigontia quondam  
 Exultans Dominis , quorum fuit inclyta latè  
 Nobilitas . Avidis annorum at faucibus haustam  
 Amplius haud spectas Arcem, Turreſq; Gradivo ,  
 Bellonæque sacras; sed agros, Ceres, atque Lyæus  
 Quos amat : & leni quæ Tergula flumine lactat ,  
 Pascua læta vides . Si, quæ Sol prodit ab Ortu ,  
 Instituis cursum , Ponti miraberis Urbem  
 Reginam Adriaci . Occiduas si tendis in oras ,  
 Urbs Patavj , Euganeisque in collibus altera Tempe  
 Occurrent . Mediumque diem si quæris, in agros  
 Devenies , Atheſis quos alluit ubere vena ,  
 Eridanusque pater . Quacumque elegeris, Hospes,  
 Ire viâ , dices : Naturæ munera , terras  
 Quæ faciunt alias, quamvis diviſa , beatas,  
 Italiæ collecta ſinu contemplor in uno .



*In Fulmen, quod Horariam Collegii Romani  
Turrin innocuo ictu perculit,  
Regnante Clemente Nono  
Pontifice Maximo.*

Antiquum cernens revocari secula in aurum  
Jupiter : An Genitor sceptrâ reposcit ? ait .  
Quo regnante olim fulserunt aurea secla ,  
Saturnus repetit Regna Latina pater ?  
Sed quâ regnet in arce Deus, qui tempora flectit ?  
An Domus olli Arx , quæ Tempora signat, erit ?  
Talia sollicita secum dum mente volutat,  
Innocuam in Turrin tela trifurca vibrat .  
Irrita sed cecidere . Haud Auræ Tempora tantum  
Perstant , ast etiam Temporis indicia .

*Aliud respiciens ad Bella tunc  
flagrantia .*

Palladis addictum studiis quæ machina tempus  
Metitur, trahere infaustam minitâ ruinam est  
Saucia ab æstivi insperata fulminis ala .  
Cum sua Mars habeat nunc tempora , tempora Pallas  
Non habeat ? Calamo pugnat sed Romula Pallas,  
Vincitque assuetos Cælum tentare Gigantes .  
Palladium hinc afflant tela ictu Tempus inani .



*Aliud .*

*Aliud ludens in Raucedinem, qua diu  
superimposita Horologio Cam-  
pana laboraverat.*

Audiit ut Pallas stridentia murmura Nolæ,  
Invitat sua quæ Juvenes ad Regna Quirites,  
Belligeris arsit flammis, & fulmina Patris  
Campanæ in Turrim intorsit, renuentiaque æra  
Solicitare animos ad jurgia docta Sophorum,  
Grammaticæ & rixas, voluit subvertere telo.  
Sed fata, aut ventus furibunda Pallade major,  
Præcipites aliò detorsit fulminis alas.  
Hinc, quæ metitur labentia tempora, moles  
Fulmine tacta fuit. Timuit vicina ruinam  
Obdurati animi, & sceleris sibi conscia Nola.  
Ac dum fulmineum velarunt nubila Cælum,  
Clangorè insonuit læto; sed lumine postquam  
Ridenti fulsit Titan, solvitque timores  
Terrarum, in priscum redierunt æra rigorem,  
Feralique ululant sonitu, nubisque tonantes  
Dum vincunt stridore, in pœnas astra lacessunt.  
Æra, atque æratos animos haud fulmina mutant.

*Ludus in exlex Horologii ingenium ali-  
quando producens horas labori Scho-  
lastico addiſtas.*

Quæ claudis quandoque rotis consistere moles  
Sueta fugam haud volucris temporis assequitur,  
Fulminis afflatur pennis: ex impete cladis  
Urgere ut tardum machina discat iter.

*Aliud.*

*Aliud.*

Fulmina moliris Liparæ, Uulcane, sub antris,  
 Quæ pestem claudis sunt paritura rotis?  
 Infortunia venaris. Qui crure laborant,  
 Incipiant tua si tela ferire, peris.

*Aliud inquirens,  
 cur a Fulmine deleta sint nota quinta,  
 ac sexta hora nocturnæ.*

Parcit diurnis Fulmen, ac duas noctis  
 Cur delet horas? Quinta cur nota, & sexta,  
 Abolentur ex horatiæ rota Turris?  
 Quas furva noctis, & quietis involvunt  
 Siparia, decet horas perire, non Sole  
 Claras labori deditas Minervali.  
 Num fulmina docent erudita, quas delent,  
 Subtrahere somno inutili duas horas?

*Aliud*

Nec satis effreno fuga temporis impete fertur,  
 Cui pennas addunt tela trifulcæ suas?  
 Sed Tempus tardas quia Fulminis increpat alas,  
 Intereunt casso vulnere tela Jovis.

*Aliud.*

Metitur rapidi Turris quæ Temporis horas,  
 Exhibet haud impar fulminibus tumultum.  
 Namque rotas inter pereunt quæ tela volantes,  
 Fortè etiam sua post fata volatus ager.

*Aliud*

*Aliud investigans ,  
cur Fulmen innocenti ista extinctum sit ,  
postquam in Horologii Turrim  
incidit ,*

Fulmen mortales motura tonitrua mentes  
In colles torquent , Roma superba , tuos .  
Ætheris emensum campos pernicibus alis  
Terrorem terris , excidiumque parat .  
Ferratam at postquam linguam conspexit in alta  
Temporis alata Turre notare fugam ,  
Consedit furor in cineres : extinguitur ardens  
Fulmen , quod sua cum fata subiret , ait .  
Hæc, quæ metitur labentia tempora , lingua  
Cælesti melius fulmine corda quatit .  
Exprobat hæc vilem misero, frustra que superbam  
Sortem homini, hæc colles detumuisse docet .

*De Calce Ænigma .*

Ore nives , & ebur refero , sed filia rupis  
Cum fuerim, nobis saxea corda rigent .  
In me exoptatas si fortè effuderit undas  
Nostro suspirans quisquis amore flagrat,  
Infringo cordis filices , & pectore flammæ  
Concipiens, cruda haud dicor, & esse rigens.  
Cui faveo , quid non audet tentare ? Lacescit  
Nubes fronte : olli pervia Regna Jovis .  
In terræ gremio exorior : dant altera vitam ,  
Altera sed nobis dant Elementa necem .

*In*

*In obitum insignis Theologi  
P. Nicolai Martinez S. J.*

Cui dedit egregium Populi Victoria nomen ,  
Subdidit huic ipsos inclyta arena Duces .  
Gordia Pelleo fœlicior ense recidit .  
Vincula, quæ reliquos implicuisse solent :  
Et clypei hostiles adamante ut reppulit ictus ,  
Contra ipsum quando tela trifurca volant !  
Fecerunt aliis variæ Cognomina dotes :  
Hunc sacra Inviictum dixit arena Ducem .  
Huic Populi tantum tribuat Victoria Nomen ?  
Palladios Reges subdidit ingenio .

*In morte Jacobi Cortesii S. J.  
qui Prælia miro artificio  
pingebat .*

Solertis Artis fulgor heu subit fatum ,  
Radio Timanthis melius, atque Apellæo  
Animare Tabulas doctus ! Efferum Martis  
Dum dedaleâ dexterâ refert ludum ,  
Et mille pandit horridi vias Lethi ,  
Nigrosque pulvere inclyto, & rubescentes  
Hostis cruenta cæde pingit Heroes ,  
Adesse Trojæ reris , & graves iras  
Europæ , & Asiæ cernere, Hectoris funus  
Cum Tela præfert . Melius haud refert Smyrna  
Animos furentes , quàm coloret hæc omnes  
Tabula æstuantis pectoris truces iras .

De

*De Virgilio Marone  
Anagrammata quinque duobus Versiculis  
comprehensa.*

Maro.

*Roma, Amor, Mora, Ramo, Armo.*

*Ad Romam.*

*Roma, Amor ille tuus Maro, Ramo cinctus olive,  
Sum Mora Mortis, ait, tela in quam carminis Armo.*



EPI-

## EPIGRAMMATUM

## LIBER SEXTUS.

Cujus prope finem multiplex affertur  
specimen laudis petitæ a Gentili-  
tiis plurimorum Insignibus.

MAXIMI PONTIFICATUS AUGURIUM

*Ex omnium Complexione Laudum*

Oblatum Eminentissimo Principi

JOANNI FRANCISCO

CARDINALI ALBANO

*Alterâ, postquam in Sac. Collegium coopta-  
tus est, horâ.*

**N**Obilitas, Morum Integritas, & Numinis almi  
Perpetuus Cultus, Facundia Thufca, Latina,  
Græca, Poesis honor, Sophiæque, Arcanaque Divûm  
Pervadens Animus, Fideique armatus in hostes  
Doctrinæ omnigenæ telis, Jurisque profunda  
Cognitio, solers Prudentia, Candor, in omnes  
Officiosus Amor, Labor indefessus, & amplæ  
Vis Mentis, geminant cui vasta negotia robur,

In



In Te conspirant . Potuit Dos una mereri  
 Purpureum decus : inque aliis quæ singula Cordis  
 Ornamenta Tui fulgerent , Maxime Princeps ,  
 Allicerent Ostrum . Tibi Sceptra Vicaria Regis  
 Æterni spondet Charitum Complexio concors .

*Multiplex Regni Auspiciū  
 Eidem*

*A Pontificia Castrī Gandulphī Villā,  
 ad quam pridie accesserat ,  
 abire cogitanti .*

Pontificum quæ Villa solet compescere curas ,  
 Est addicta Tibi , Solium cui præparat Axis .  
 Proxima Te nemora invitant , ubi Flavia quondam  
 Rura Titi , regnata Apibus nunc illa Latinis ,  
 Delicium humani Generis quæ rura subire  
 Jure potes . Doctæ hîc olim fuisse Minervæ  
 A priscis fieri Quinquatria : Pallade major  
 Est , quem Rura colunt . Subjēcti plaudit eidem  
 Unda Lacus , Petri Regimen cui Navis Olympus  
 Destināt . A Triviæ Templo Mons Algidus olim  
 Illustris , Cælo , Terris , Ereboque verenda  
 Credita quæ fuerat , Te nunc Mons pronus adorat ,  
 Tergemini Imperii cui Sceptra Vicaria Numen  
 Ingeret . Albæ olim exortus si Romulus Urbis  
 Fundator : nunc , qui Romam reparabit , & Orbem ,  
 Suspicit Alba Virum . Numa si vicina subibat  
 Collis Aricini nemora , Ægeriæque recessum ,  
 Hæc nemora expectant olim meliora daturum  
 Jura Numam . Has fertur si delituisse per oras  
 Virbius Hippolytus superas revocatus ad auras  
 Arte Coronidæ : vires , floremque juventæ  
 Restituent Tibi totius Spes , Votaque Mundi .

Q

Atque

Atque hæc destitues, quæ, Princeps Maxime, Rura,  
 Ne Te proripias, tot congestere, vetusta  
 Quas illis dedit Historia, & quas Fabula, causas?

*Præfagium idem ex eo, quod ejusdem  
 Sapientissimi Principis  
 Ædibus Incendium pepercerit.*

Afflavit solum Tua limina, Maxime Princeps,  
 Flamma, nec est sacros ausa subire lares,  
 Quos Tecum Charites, Pitho, Sapientia, & omnis  
 Virtutum alma cohors incoluisse solet.  
 Lædere tam claras horrent incendia Divas,  
 Quamquâ absit Dominus, quem Chorus ille colit.  
 Nam, quæ dictarunt congesta Volumina Divæ,  
 Sacrilega absumi non meruere face.  
 Auspiciis Regni fuit olim innoxius Ignis  
 Ascanii visus lambere cæsariem:  
 Stella facem ducens dein prævia luxit eidem  
 Designans faustum ad culmina Montis iter.  
 In Gentilitiis fulget Tibi Montibus Astrum,  
 Omen & Imperii nunc pius Ignis adest.



No-

Novem Explicationes  
 Prophetiæ Verborum  
 S. Malachiæ Archiepiscopi  
 de Pontifice Maximo eligendo,  
 quæ sunt : *Flores circumdati* :  
 oblatae Eminentissimo Principi  
**JOANNI FRANCISCO CARD. ALBANO**,  
 de quo loquuntur eadem verba ,  
 antequam Sacrum Conclave  
 ingrederetur ,

1. Regnabunt *Flores* ? Ergo non oblitus ævo  
 Clarescet Princeps Triplicis Diademate Regni .
2. Stemmata si Vates prospexit , in Æthere fulgent  
 Sydera , ceu Flores , Floresque ut Sydera dicam ,  
 Æthere lapsa Tuis rutilant in Montibus Astra .
3. Quod si respiciunt Mores præsaga verendi  
 Verba Senis , cui Virtutum tot Florea serta  
 Exornant Animum ? 4. Dixit *Circumdatus* Vates  
 Serta , alias etenim Virtutes plurima circum  
 Funditur. 5. Aut quoniam Cælestes , Maxime Princeps ,  
 Dotes innumeri certant ambire Clientes .
6. Præterea simili florentes laude coronant  
 Te Confanguinei , qui Solem Sydera cingunt .
7. Quis Flores circumdat ? Apis. Tua Regna Volucres  
 Optant Dædalæ . 8. Quid , quod *circumdare Flores*  
 Exoriens Aurora solet , lachrymisque beare  
 Irriguis : illa surgente attollere frontem  
 Cernimus enectos prius , aut in lumina primum  
 Prodire , ac lætis ditare coloribus hortos .
9. *Francisci* florens dederunt Tibi Francica Nomen  
 Lilia : præcedit *Joannis* Gratia : Florum

Q 2

Dein

Dein nutrix *Aurora* subit . *Circumdati* in ipso  
 Nomine , & in claro vernant Cognomine *Flores* .

*Diu recusatum Imperium*  
*a Sanctissimo D. N.*  
 CLEMENTE XI.

Tandem ut succumbas , Divini Flaminis aura  
*Quatuor* aggreditur Te , Pater Alme , dies .

*Laboris Amor .*

Attenuas aliis , auges Tibi , Magne , labores ;  
 Unus conciliat nam Tibi Sceptra Labor ,

*Virtutes SS. D. N. Hæretici*  
*Numismate illustrant .*

Hostes , qui Te mirantur regnare coactum ,  
 Procumbent sacros , auguror , ante Pedes .

*Eloquentia , & Sanctitas*  
*S. Petrum laudantis .*

Ore Petrum mirè celebras ; magis attamen Ipse  
 Petri ornas Sedem Moribus , Alme Pater .



*Fa-*

*Facundia celebrantis D. Paulum .*

Nemo æquè dignus Mundi laudare Magistrum ,  
Aptior & Mundi nemo Magisterio .

*Lapis Indicus Venenum bibis  
ex infecto corpore, & in Lacte  
purgatur .*

## Ad SS. CLEMENTEM XI. P. M.

Dum venis hominum penetrabile virus inhæret ,  
Vulneris admotus fertur in ora lapis :  
Atque avidus mortem fugit , taboque recepto  
Protinus incolumi e corpore sponte cadit .  
Dein lapidi exudat demerso in lacte venenum ,  
Et renovata redit primus in ora color .  
Nuper an extremis Romam delatus ab Indis ,  
Scissus ab Albanis Montibus anne fuit ?  
Maxime, nam , Clemens , Mundi sic vulnera curas ,  
Dum Tu Curarum lætus amara bibis .  
Has peperit Tibi delicias inamabile Regnum ,  
Quas sua Mortali Regna dedere Deo .  
Innocuæ Mentis Candor dein corda serenat ,  
Atque aliena Tuo parta Labore Salus .



Cur Sacrum Cardinalium  
 Collegium assurrexerit,  
 Dum in Exedra fulsit  
 Præstantissimus Juvenis  
 ANNIBAL ABBAS ALBANUS  
 Sanctissimi Domini Nostri Fratris  
 Filius  
 Celebraturus laudes

*Jacobi Secundi Angliæ Regis :*

Purpurei assurgunt Patres , dum clarus ab altis  
 Apparet rostris Annibal , Alme Parens.  
 Augustus , viden , ut Juvenem ad subsellia cætus  
 Invitat sua : nec stante sedere juvat ?  
 Sic oratulum prius excepere , sed illum ,  
 Quando peroravit , plausus ad astra tulit .  
 Gregorium Patruus , Magnum & , dixere , Leonem  
 Exæquat ; Patrum ast Annibal ore refert .  
 Ipsi Romanum si Regibus inserit Ostrum ,  
 Hunc omnes cupiunt Regibus esse parem ,  
 Qui tam præclarè celebrat decora inclyta Regum ,  
 Magnum Regalis cordis & instar habet .

*Christina Sveciæ Regina  
 Ferocientem Taurum interimit .*

Quæ pavidum potuit Regina urgere Bootem ;  
 Inque undas Urfas egit Hyperboreas ,  
 Insanum stravit regali vulnere Taurum  
 Liventi plumbo , quod volat ære cavo .

Per

Per Cynthi juga venatrix Diana frementes  
 Non sic fulminea cuspide stravit apros :  
 Non sic Herculeis Achelous viribus impar ,  
 Taurina quamvis fronte , momordit humum .  
 Auratis aperit , Taurum , qui cornibus annum ,  
 Christinæ virtus pellere ab axe potest .  
 Præclari ambitio Taurum pulcherrima lethi  
 Urit , & hæc ficto fata furore petit .  
 Jupiter , ut quondam , Tauri mutatus in ora  
 Regalis dextræ vulnere dignus erat .

*De Infundibulo  
 Ænigma .*

Non me torquet edax ventris latrantis orexis :  
 Urit cruda sitis . Vivere mi bibere est .  
 Massica si mihi potetur Vindemia tota ,  
 Chia , Phalerna , meus non satis ardor habet .  
 Os præter mihi nil est , atque immane palatum :  
 Infilio ipsa etiam colla aliena frequens .  
 Gaudeo convivis , nec Vinum exhaurio solus ,  
 Atque mihi ventris commodat alter opem .  
 Si potus gliscant certamina , non mihi centum  
 Eripiet palmas ebria turba virum .  
 Indorum o Domitor nobis arrideat ! Ohe ,  
 Rides ? Sed prosim quò tibi , flagro siti .

*In Herostratum , & Dianam .*

Regibus innumeris centum sudata per annos  
 Tempia uno extinxit noxia flamma die .  
 Hæc studio incendis probrosæ , Herostrate , famæ ,  
 Ut tua sint semper nomina in ore virum .  
 Præclarum facinus tibi crimén grande videtur ,  
 Magnaq; dum fuerit , vel mala fama placet ,

Q 4

In-

Innumeris dicat quæ te præstare Tyrannis,  
 Dum subito excindis, quod mora lenta dedit.  
 Fulminibus certare ambis, quæ præpete flamma  
 Regales turres, sacraque Tempia cremant.  
 Ipsum ambis superare Jovem; nunquam ille trifulco  
 Nam peperit telo, quæ face damna paris.  
 Hæ vires tibi corda inflant? Insania at ingens  
 Sufficit, ut quivis possit habere pares.  
 Dum tua Tempia volans alis complectitur ignis,  
 Num, Diana, urges per nemora alta feras?  
 Vel nunc, materna Magnus qui prodit ab alvo,  
 Te curis aliis implicuit Macedo?  
 Multiplici at Cælum, Terras, ac Tartara vultu  
 Si lustras, Templo haud noris adesse tuo?

*Ver Jambis puris descriptum.*

Nives liquantur: Alpium e cacumine  
 Gradu tacente fluctuant, & alveo  
 Ut incidunt agentis ante Fluminis  
 Propinquum ad æquor innocentibus vadis  
 Tributum, in arva cornibus tumens novis  
 Superbus amnis asperas aquas ciet:  
 Pecusque, rusticisque cum novalibus  
 Sepulta vota, spes & irritas trahit.  
 Ut eminente vidit e crepidine  
 Tributa regna Najadum choro sua,  
 Lacescit astra Villicus furens probris.  
 Juventa & ipsa, qua fugatur horrida  
 Hyems, & Annus aureum erigit caput,  
 Nocere novit? Integra haud beatitas  
 Ab axe nostra fluxit in mapalia.  
 Sed arva Flora pingit, & Favonio  
 Parente læta flosculorum in æthera  
 Cohors aprica nititur: corallia

Ru-



Rubore, purpurasque gestiunt Rosæ  
 Præire, nec Ligustra Bistonum nives  
 Sui decoris æmulas ferunt. Viden,  
 Ut inquieta turba libero pede  
 Napee humum impulere: nec triplex Charis  
 Chorum recusat: implicare mutuas  
 Manus videntur, & per arva libero  
 Volare gressu.

*Cur ambulante Socrate  
 coruscaverit.*

Par Superis prodit Socrates, Cælumque coruscat.  
 Fortuito Cælum quis rubuisse pntet?  
 Emeritam frontem, reor, ambitiosa coronant  
 Fulgura. Et huic aurum, terra noverca, negas?  
 Ascanii quæ visa comas est lambere flamma,  
 Augurium clari si fuit Imperii:  
 Cui rutilo fingit Diademata fulgure Cælum,  
 Huic Virtus Regnum, huic inclyta Fama dabit.  
 Socratis an laudes linguis Cælum omne coruscis  
 Eloquitur? Vecors infremat Invidia.  
 Ignea an Invidiæ linguas rear esse cruentas  
 Fulgura, qua in Socratem turba maligna tonat?  
 At frustra pariant lethalia fulgura fulmen,  
 Ni feriant ipsos tela trifurca Deos.



De

*De Callimacho stante post  
Mortem .*

Toti Asiæ obstitis , nec te , fortissime , Xerxis  
Innumera evertunt agmina , Callimache .  
Est clypeus Martis pectus , cui spicula mille  
Infixa , hastarum mille trophæa quatis .  
Fata subis fessis vincendo , & grande triumphi  
Instar habet funus , nec tibi fata nocent .  
Horrendum spirant oculi , Mors cruda minatur ,  
Dextra vibrat ferrum , stantia membra rigent .  
Inclyta magnanimum finera portentia coronant :  
Stans post fata agitas barbarâ corda metu .

*De Fumo Ænigma .*

Illustri e genitore , stirpe clara ,  
Proles degener orta , cum parente  
Ipso nascor , & orta vix perennes  
Cursus aggredior . Molesta cunctis ,  
Si claudor , jubeo , procul facestant  
Domus , quam subeo , incolæ . Lacerasso  
Morsu lumina . Verticis latebræ  
Si nobis pateant , superba cervix  
Insultat miseris . Ubi immoramur ,  
Nostri signa relinquimus furoris .  
Facto diluimus scelus sed uno :  
Festa luce sacras amamus Aras .



*Fa-*

*Fœmina Senenses in Urbis obsidione  
strenuè decertant.*

Dum premit obsessas victrix Florentia Senas,  
Fortia Fœmineum vulgus in arma ruit.  
Excussi manibus radii, calathique Minervæ,  
Et valuit pugnax Ægida ferre manus.  
Quin etiam, primas quæis lux concesserat auri,  
Abscidit immeritas dextera acerba comas:  
His furor hostiles vinclis ut stringeret artus,  
Liberâ quæis olim corda ligavit amor.  
Cæsariem hanc cælo decuit fulgere fereno,  
Et Berenyçæis crinibus esse parem.

*De Pepone.*

Flos, Odor, & Pondus, sunt argumenta Saporis.  
Dant Oculi, Nares, certa que signa Manus.

*Ad præstantem summâ Facundiâ,  
& Ingenio*

*R. P. Magistrum Lepori Ord. Prædicatorum,  
quem Author singulari cultu  
prosequutus non fuit.*

Digredior Templo, & sacro te in limine stantem,  
Non, quo par, animo est, obsequioque colo.  
Non me turba frequens, non Templi sacra tuetur  
Majestas: oculis non leve crimen inest.  
Quid turbam intueor? solus tu grande theatrum es;  
Teque omnis monstrat, turbaque dicit: hic est.  
Rel-

Religio jubet, officio ut te prosequar omni;  
 Qui visus Templum civibus ecce replet.  
 Erravi, & miro ex errore superbia major  
 Nascitur: in cælum me mea culpa rapit.  
 Mentis in exilium, dico, me forsitan ardor  
 Abripuit sacer, ac detulit astra super.  
 In cælum ferar ipse? Nihil mortale sed a te  
 Detorquere meum cor valet, aut oculos.

*Alexandro VII. Pont. Max.  
 In erectum ab illo Amphitheatrum  
 Columnarum Vaticanum  
 Templum coronantium.*

Antiquam super exurgit Roma altera Romam:  
 Quam nequit Orbis, se vincere Roma potest.  
 Marmore si Augustus lateres mutaverat Urbis,  
 Aurea Alexandro Principe Roma micat.  
 Aurea sub tanto redeunt ceu Secula Rege,  
 Utque animis illo Principe forma redit:  
 Dotibus ut uirtus nunc sacra insultat avitis:  
 Sic novus exornat Romula Regna decor.  
 Singula quid memorem, aut saltem certantia septem,  
 Quæ videre Patrum secula, prodigiis?  
 Templa, Viæ, Fontes, Regalia Tecta, Theatra,  
 Et Phidiæ primus, primus Apellis honor,  
 Exornant illo gavissam Principe Romam,  
 Illius & pingunt nobile Regnum Animi.  
 Surgere quas video moles, quæ cerno columnis  
 Cingere centenis Amphitheatra Petrum!  
 Huc montes fluxere, ac montibus æmula surgit  
 Grande theatralis molis ad astra decus.

Fin-

Fingere Alexandri sacros hæc marmora vultus  
 Debebant, animi sydereasque notas;  
 Nam, quem Stefocrates effingere montibus arsit,  
 Major Alexandro est Imperio, & Meritis.  
 Marmora sed quanquam, & spirantia respuit æra,  
 Quæ olli in Tarpejo Romulidæ obtulerant,  
 Haud potuit vetuisse, Animi ne grandia centum  
 Perpetuò starent hinc Simulachra sui.

*Dum Philosophiæ, ac Theologiæ Laureâ  
 ornaretur Excellentissimus Princeps  
 Benedictus Pamphilius,  
 nunc S.R.E. Cardinalis,  
 humi confederunt nobilissimi Equites.*

Excipere attonitam Romam dum Tempia laborant,  
 Ante pedes Equites procubuerunt tuos.  
 Hoc tantum obsequium, fiunt dum Sacra, coronat  
 Pontifices. Illis par tibi habetur honor?  
 Auguror. Insignes tibi adornat Roma Triumphos:  
 Nunc ambit meritas Laurea docta comas:  
 Purpura mox, & fœta tuis Diademata fronti  
 Affudent, a te suscipientque jubar.



*Eidem*

*Eidem docenti tradi homini posse  
Jus contra Deum.*

Jus tibi penè suas in dotes tradidit . Ergo  
Ipse homini Deus in se dare jura potest .

*Eidem affirmanti non posse a Deo  
condi quicquam , quod , per se subsistens ,  
Naturæ ordinem superet ingenita  
sibi Virtute .*

Evertis , quæ propugnas , doctissime Princeps .  
Condi posse negas , quod tibi inesse probas .

*Eidem statuenti Beatitudinem , ut dicunt ,  
formalem sitam esse in actû voluntatis,  
non intellectus .*

Ut Cælum fortunet Amor , nunc lætitiæ mens ,  
Quæ te audit , florem libat inoccidua .



*Eidem*

*Eidem tutanti sententiam , quæ docet ,  
cognitionem rerum futurarum sub con-  
ditione præire Decreto Divino  
statuenti illa , quæ re ipsa  
contingent .*

Quod raperes animos , quæ te fors cumque maneret ,  
Vidit , dum tribuit tot tibi dona Deus .

*Eidem neganti malitiam infinitam  
inesse lethali crimini .*

Infinita reos facerent si crimina , talis ,  
Ingenio tibi non cedere , noxa foret .

*'Equestre Ludovici XIV.  
Christianissimi Regis Simulacrum  
in altum Montem eniti videtur ,*

Obvia jam superata : per invia , Magne , volandum ;  
Invia Virtuti si tamen ulla tuæ .

*Vel .*

Quò Magnum Ludovicum labor inclytus urget ?  
Quam sitit , in celsæ Gloria Monte sedet .

*Vel .*

Famam alii , Imperium Lodoicus terminet astris .  
Hinc Cælum quærit , quo sedet altus , Equus .

*In Iliadem a Muribus corrosam .*

Divinam arrodunt audaci dente superbi  
 Iliadem Mures , Trojaque rursus obit ?  
 Hostilem celeres Ranæ prohibete furorem ,  
 Quæ Xanthi incolitis, quæ Simoentis aquas.  
 Vestra olim cum Crambofago, & Lichenore dixit  
 Cælesti cantu prælia Mæonides .  
 Ingrati invadunt hominum nunc prælia Mures :  
 Hoc , generosa , feres, Hydromedusa, nefas?  
 Argolicis fœtus Ducibus subvertere Trojam  
 Si quondam potuit Palladius Sonipes ,  
 Nunc Phrygas , & Grajos , studiis & scissa Deorum  
 Concilia absumit Muris anhela fames .

*Cur Astrologi plerumque infœlices .*

Quòd miseros faciant , accusant Astra frequenter :  
 Afflet sydereus nec furor Astrologos ?

*Augurium ex errore , quo pulchriori luce  
coruscans Venus credebatur Cometa .*

Exarsisse truce[m] vulgabat fama Cometen ;  
 At plena est flagrans luce reperta Venus .  
 Fax nova Mavortis visa est portendere clades ;  
 Sed redeunte pius Pace nitebit Amor .

*Ad*



*Ad Serenissimum Vilelmum Joannem  
Vincentium Ignatium, Juliae,  
Clivia, Montium  
Principem, Comitem Palatinum  
Rheni &c.*

Europæ lustras, Princeps, dum regna triumphis  
Uirtutum, Alcides diceris esse pius:  
Et Patrii exuviis munitum, atque ungue Leonis  
Te metuunt hostes Amphitrioniadem.  
Humano flagrare solent quæ in pectore monstra,  
Hercule magnanimo fortior interimis.  
Terrorem Nemeæ, Erymanthi fulmina, pestes  
Lernæas, pavida in tartara præcipitas.  
Te nunquam ausa Cypris temerare, Superbia victa,  
Atque Iræ fervor, sunt Aper, Hydra, Leo.  
Alcidem inseruit victorem fabula Cælo:  
Te Pindus quondam dicet an esse Jovem,  
Juveris augustæ Populos cum munere dextræ?  
Martem, cum Thracum cornua contuderis?  
Mercurium dicet Facundia? Sed chorus omnis  
Pieridum Phœbum te volet esse suum.

*Julii Cardinalis Romæ  
Pia Liberalitas.*

Ingens dum Roma argentum largitur egenis,  
Regalis dextræ cernere credis opes.  
Non plura his Cæsar donasset Julius, aut si  
Integra communi nomine Roma daret.  
Nec mirum; Imperium meruit nam Julius Orbis,  
Regales illi par fuit esse animos.

R

Emi-

*Eminentissimo Principi  
Camillo Cardinali Maximo.*

Maxime , qui tanti mensuram nominis implet ,  
Nec finis Ingenium Nobilitate premi ,  
Romuleo tandem fulges spectabilis Ostro,  
Sese ornat radiis Purpura & ipsa tuis .  
Lux Thomæ sacra Sidonio te cingit amictu ,  
Cujus , sera licet , fertur in astra Fides ;  
Præmia namque tibi tandem collata morantes  
Absolvunt Divos . Estis , io , Superi .

*Eidem prius Præfetto Cubiculi Pontificii ,  
quo munere perfunctus  
ante fuerat  
Sanctissimus Pontifex Clemens X.*

Purpura Sacra tuis iter est , non meta , Triumphis ,  
Et magno, Princeps, sub duce carpis iter.  
Divini assuetus Proregis pandere Valvas ,  
Cælestes didicit mox aperire fores .



*In*

*In Mortem Fulvia Cybo  
Massæ & Carrariæ Ducis Conjugis.  
Alluditur ad Fulviam Marci Antonii  
Triumviri Uxorem.*

Fulvia, fatalem sceleri Ciceronis in auream  
Avulsam linguam cur tua sævit acus?  
Elinguem hæc possit Ciceronem reddere, quamvis  
Haud telis illum Fulvia transadigat:  
Scilicet illius molitus dicere laudes,  
Arbitror, elinguis Tullius ipse foret.

*In ejusdem Sepulchrum.*

Visa sepulchralem cur sponte Ligustica molem  
Quærere saxa, tuas quæ tegit exuvias?  
Dicitur Amphion lapides traxisse canendo,  
Nobile virtutum sed melos ista trahit.

*In ejusdem illustre Nomen.*

Quæ tulit egregiam vel in ipso Nomine lucem,  
Fulvia lethali nocte sepulta jacet.  
Phœbeum jubar æternis squalere tenebris  
Posse rear, postquam Fulvia procubuit.



*In illius nobilissimos Consanguineos.*

Fulvia splendenti dignissima nomine, Soli  
 Quam virtus æquat, claraque Nobilitas,  
 Quam Fratris jubar, & præclari Conjugis ornat,  
 Purpurei & Leviri, & Præfulis eximii.  
 Hæc aliis possent decora almam affundere lucem:  
 Ut Sol externæ haud Fulvia lucis eget.

*In eandem Mirandula Ducis Sororem.*

Fulvia, mirari te ut discat quilibet, ipsa  
 Nos tua mirari Patria clara docet.

*In Funus Illustrissimi Comitis Alberti Grassi,  
 cujus Insigne est Aquila cum Capitibus,  
 Albo & Nigro.*

Quæ Volucrum Regina biceps in Stemmata vivit,  
 Grasse, tuos mores ingeniosa refert.  
 Te regale genus, te tollit ad æthera virtus,  
 In Patriam exornat te generosus amor.  
 Sic vi magnanima, & regali stirpe superbit,  
 Solemque haud dubio lumine cernit Avis:  
 Ultori nocuos discerpit & ungue colubros,  
 Et fert irato tela trifurca Iovi.  
 Serpentum sic allapsus, Patriæque venenum  
 Arces, &, spargi si audeat, ultor ades.  
 Pingitur Albo Vita, Nigro Mors Vertice; Namque  
 Perstas magnanima in Morte Tonantis Avis.

*Ad*

*Ad eundem, cujus in Stemmata  
Aquila, & tria Lilia,  
& alia Aquila Coronæ imminens.*

Stemma tuum Flores ornant, ornantque Volucres,  
Floresque eximii, & regia pingit Avis.  
Inter odoratum regalem Lilia frontem  
Attollunt populum: sunt sua regna Aquilis.  
Regia sed quamvis, & pulchra Insignia vivant,  
Depingunt mores non fatis illa tuos.

*Ad eundem, qui diem obitus sui prævidit,  
atque illum hilaris est præstolatus.*

Quàm bene, quæ Volucrum Princeps in Stemmata re-  
Te, Moresque tuos ingeniosa refert. (gnat,  
Flagrantem Phœbi cursu petit illa quadrigam,  
Et bibit impavido lumine Solis opes:  
Quòque magis terræ fugienti insultat ab alto,  
Metitur celsum tutior Ales iter.  
Sic, Alberte, volas Divini ad lumina Solis,  
Atque humili e terra transfuga lætus abis.  
Hinc alia illustri digressa e Stemmata in altum  
Evolat, atque hilaris Sydera quærit Avis.



*De Electro .*

Quod modò gemmatis Electrum vivit in arcis ,  
 Hæferat uvidulis lachryma mœsta genis ,  
 Cum Phaetontiadum quondam pia turba fororum  
 Ingemuit fratris tristia fœta sui .  
 Quis neget in gemmas lachrymarum flumina verti ,  
 Exprimit ignitus quas Pietatis amor ?  
 Heliadum e fletu si plurima gemma renidet ,  
 Et pretium lachrymis succina gutta facit .

*Eminentissimo , & Reverendissimo Principi  
 Joanni Baptista Cardinali Ptolemæo e S. f.  
 Eximio Ven. Cardinalis Roberti Bellarmini  
 Propugnatori, & Recentium omnium  
 Haresum Eversori .*

Virtus , Ingenium , Doctrina , & Lustra peracta  
 Octo Loyolæ in castris , Ptolemæ , Verendo  
 Te Bellarmino æquarant , susceptaque Pugna  
 Contra omnes Roberti ausos hebetare sagittas .  
 Non septemgeminum tantum caput Hæresis hydra  
 Extulit : innumeras vomuerunt Tartara fauces :  
 Cunctas elidis . Paria ergo Præmia magno  
 Destinât Heroi Clemens : sapienter & annos  
 Computat Utriusque pares . Quoniam unus & alter  
 A Sexageno deerat , fulgere coactus  
 Romano fuerat cum Bellarminus in Ostro ,  
 Ac totidem exegit Ptolemæus , Purpura eidem  
 Injecta est frustra renuenti . Quinque Senatum  
 Ornâvit per Lustra Sacrum Robertus . Ut Alter  
 Hoc ævum geminet , poscunt communia vota .

*De*

*De Apertione Oris  
Eminentissimo Cardinali Ptolemaeo  
præstantissimè locuturo in Consistoriis,  
& Sacris Congregationibus.*

Os Tibi apertum est? Obmutescant ora Trifaucis.  
Cerberus Invidia est, Hæresis, Impietas.

*De Chrystallo Ænigma.*

Sydereo duco pretiosam e semine vitam,  
Et vitam nivea de genitrice traho.  
In tenebris nascor, lucem tamen ipsa tenebris  
Affero, & æthereas augeo lucis opes.  
Picturâ haud mecum doctus certarit Apelles;  
Non mihi tela tamen, non color ullus erat.  
Plurima mortales mihi sæpius oscula libant,  
Præsertim fervens cum canis urit agros.  
Si maneam incolomis, primas non occupet aurum;  
Sed mea laus omnis, si cecidi, perii.  
Invidiam fugi, nam si durabilis essem,  
Tunc auro, & gemmis invidiosa forem.

*De Adamante.*

O Cæli soboles benignioris,  
O pulchris Adamas superbe cunis,  
Nam te pallidulo sinu repertum  
Auri accepimus esse pulchrioris.  
Tu vincis niveas nitore gemmas,  
Aurum lumine, cæcidumq; Vitrum:  
Te Regum pretiosa frons superbit,

R 4

Te

Te petunt pueri, & petunt puellæ,  
 Et sepe in nivea manu renides.  
 Frustra miscuerint venena potum,  
 Et mors in liquido natarit auro,  
 Si te gesserit ille, cui venenum  
 Hostilis dare livor appetebat.  
 Tu mentis miseros fugas timores,  
 Et nubes animi, nigrasque curas;  
 Ferrum duritie domas perenni,  
 Et rides furias edacis ignis.  
 Sed tu prodigium, decusque terræ,  
 Verveis calido peris cruore.  
 O vanas hominum, brevesq; gazas!

*Lusitanus Miles pro glande plumbea dentem  
 in Hostes ejaculatur.*

Obsessæ Miles dum mœnia protegit Urbis,  
 Et procul hostiles submovet arce manus,  
 Liventes defunt globuli, quos vibret in hostes,  
 Alutam ut figant lucida tela necem.  
 Siccine destituis medio in certamine, Mavors,  
 Inquit, & e manibus parta trophæa rapis?  
 Frustra subduxit nobis fors invida telum,  
 Nam telum nobis omnia membra dabunt.  
 Dixit, & avulsum dentem vibravit in hostes,  
 Et subiit plumbi munera dentis ebur.  
 Cynegiro palmam eripuit; nam dentibus ille  
 Frenavit puppes, stravit at iste viros.



*Aliud*



*Aliud.*

Dum Lusitanus Miles Urbis obsessæ  
Tutatur arcem , & igneos globos vibrat  
In obsidentes , fortè tela subduxit  
Iniqua fors , nigraque peste nitrata  
Desiderantur hostis in necem glandes .  
Non cecidit animo Miles , & , licet telum  
Fortuna vecors subtrahat , dabunt telum  
Mea membra , dixit , atque ab ore divulsum  
Dentem vibravit alacer hostium in turmas .  
Hunc quem putemus esse , qui modò Miles ,  
Mutatus in Aprum dente pugnat irato ?

*Aliud.*

Lusitades celsæ sublimis in aggere turris  
Fixit in hostiles liventia lumina turmas ,  
Æratæque acies , atque acri percitus ira ,  
Ah liceat , dixit , sceleratum scindere pectus  
His manibus , nigrumque avido bibere ore cruorem ;  
Figere & iratos laniato in corpore dentes .  
Sed quoniam nostræ dirimit fors invida laudi ,  
Ingenium dabit ira , & pœnas ipsa reposcet .  
Dixit , & avulsum ferrato condidit alveo  
Dentem , qui flamma vectus per inane curuli  
Transfixit gelidum subeuntis mœnia pectus  
Militis , atque imo penetrali cordis inhæsit .  
Sic , quamvis hostem prudens fortuna diremit ,  
Hostiles rabidis laniavit dentibus artus .

*Aliud*

*Aliud.*

Anne hunc immeritò verum reat esse Tonantem ,  
Cujus flagranti fulmina ab ore ruunt ?

*Phara Virgo Gallica  
oculis ob vim lachrymarum orbata  
ab impuri amatoris vexatione  
eximitur .*

Solveris in lachrymas, Virgo, quia pulchra venustas ,  
Quæ micat ex oculis, Cypria corda ferit :  
Et nimio pereunt languentia lumina fletu ,  
Et perit erepta luce protervus amor .  
Non erat hic fletus , qui preffit Cypridis ignes ,  
Sed risus niveæ Virginitatis erat .  
Cunas , & tumultum Cypris sortitur in undis ,  
Nam lachrymæ perimunt , quam peperistis aque .

*Horologium Arenarium.*

Clepsydra , quæ volucris metitur tempora Vitæ ,  
Exprimit humanæ sortis inane decus .  
Lubricus in vitreo pulvis suspenditur orbe ,  
Cui patulum tenuis rimula fecit iter .  
Labitur in præceps per aperta foramina pulvis ,  
Excipit atque alio vitreus orbe sinus .  
Concretus pulvis mortalia corpora conflat ,  
Qui plusquam vitreo carcere pulvis inest .  
Cum mors humanos animo secreverit artus ,  
Vitrea frangentur corpora , pulvis erit .

*In*

*In Inventorem pulveris tormentarii .*

Ferreus ille fuit , qui fatis addidit alas ,  
 Et celerem ærato trufit ab ore necem .  
 Nec fatis eft nos poffe mori , cum Parca maligno  
 Fatalis telæ pollice fila fecat ?  
 Mors eft in pretio mortalibus . Ignea grando  
 Gaudet non notas lethi aperire vias .  
 Illum Tifiphone docuit , vel Cerberus atrox ,  
 Cui ars hominum in pœnas ingeniofa fuit .  
 Crediderim haud illum noftro de femine natum ,  
 Cui non humanus pectore fensus erat .  
 Ignibus Enceladi fœtum vibravit in auras ,  
 Fulmineo flammâs dum vomit Ætna jugo .

*Sclopus Ferreus .*

Terribilis longo feſe tubus explicat ære ,  
 Et patulo tenuem laxat ab ore viam .  
 Pulveris inde ſeges nitrati conditur alvo ,  
 Parturit & ſævam machina fœta necem .  
 Mox filicis venis ſcintilla excuditur ignis ,  
 Pulveris admoti quem bibit uſque fitis .  
 Nec mora : Vulcanus comprehendit pulveris eſcam ,  
 Spargitur e gravido livida flamma ſinu .  
 Pulveris immiſtus peſti ruit impetus ignis ,  
 Et rapitur celeri plumbeus igne globus .  
 Æmula Naturæ fuit Ars , ne fulmine poſthac  
 Dicatur ſolus Jupiter eſſe nocens .



Alie-

**Alienis de Magna Hetruriæ Duce Anagram-  
matis Epigrammata subtexuimus .**

*Victoria de Ruvere Magna Dux Hetraria.  
Anagramma purum .*

**In Curru Virtute vehor Dea Regia ad Axem .**

Dum tu sydereis in Cælum tolleris alis ,  
Nobilis & Solii transfuga ad astra volas ,  
Risit , & hæc roseo dixit Victoria vultu ,  
Nomine quæ incedit Diva superba tuo :  
*In Curru Virtute vehor Dea Regia ad Axem ;*  
Dum Regina Arni dotibus Astra petit .  
Vincimus, inque uno Gemina est Victoria Curru .  
Non Laurus , Robur nostra sed Arbor erit .

*Aliud Anagramma purum .  
Victoria de Ruvere Magna Dux Hetruria.*

**Gaude Heroïna : Arx Virtutum dicere vera .**

Pulsa fugit terris Virtus , fugit aurea morum  
Temperies : Arcem quærit, & ambit opem .  
In te mista fluunt decorum agmina, pulsaque terris  
Præsidium Virtus te videt esse suum .  
*Gaude Heroïna : Arx Virtutum dicere vera :*  
Tuta in te Virtus namque, ut in Arce, viget .



*Aliud.*

*Aliud Anagramma purum.*  
*Victoria de Ruvere Magna Dux Hettruria.*

Heroum Genitrix , credaturve aurea Diva .

Divarum sobolem , Heroes , venerata vetustas  
 Miscuit humanum , fydereumque genus .  
 Attonitam Maro si frontem nunc tollat ab umbris ,  
 Dirceus Vates , Mœoniufve fenex ,  
 Suspiciatque tuos, Victoria Regia , Mores ,  
 Et quos Semideos sufficis Hettruriæ ,  
*Heroum Genitrix , credaturve aurea Diva*  
 Semideos dare , sed Moribus esse Dea .

*Aliud Anagramma purum.*  
*Victoria de Ruvere Magna Dux Hettruria.*

Aethereum Ver , Diva Arni Regi Uxor ducta .

Perpetuo regnans Florentia vernat Aprili :  
 Haud æstas illi , haud mœsta recurrit hyems ;  
 Namque olli æthereis regnans Flos venit ab hortis ,  
 Qui æterno servat munere Veris opes .  
 Tu rosei Floræ , Victoria, temporis annos  
 Eternas : tua sunt munera Veris opes .  
*Diva Arni Regi Uxor ducta est Aethereum Ver ,*  
 Scilicet æterno Sydera Vere nitent .



Ocu-

*Oculatissimo Cæco  
 Joanni Baptista Agnenfi,  
 qui plusquam mille Anagrammata mente  
 complexus  
 de Augustissima Deipara,  
 dignatus est ludere consequenti  
 in immeritum Nomen Authoris :*

*Clarus hic Unio nitens planè aureus est .*

*Aureus est planè , atque nitens hic Unio clarus ,  
 Et laudes aliis commodat ipse suas .  
 Unio Matutæ lachrymis concrefcere fertur ,  
 Dum raptum plorat Memnona mæsta parens .  
 Unio sunt lachrymæ , quas fundis , dum tua Solis  
 Divini Genitrix aurea corda rapit .  
 Prodigium Cæleste ! Oculis es captus , & ipsis  
 En margaritas exprimis ex oculis .  
 Mæonius veluti Vates es lumine captus ;  
 Estis enim Princeps artis uterque suæ .  
 Tu major ; namque illius fine lege volavit  
 Musa : tibi sacrum vincla morantur iter .  
 Et paucis arctas Arcana ingentia verbis ,  
 Dum paribus renovas nomina versa notis .  
 Tiresias raptò sic sydere frontis utroque ,  
 Inconcessa aliis cernere fuetus erat .  
 Sed faustis viduatum oculis quis dixerit Argum ,  
 Qui Mille aspexit luminibus Mariam ?*



*Præ-*

*Præstantissimo Viro  
P. Magistro Spadæ Ordinis Predicatorum,  
a quo Author donatus fuerat sequenti  
Anagrammate :*

*Sol pius : hinc variè , nec vanè rutilans .*

Pingit adoratos adversa in nube colores  
Sol , postquam hæc pluviis arva beavit aquis ;  
Plurimaque ex uno surgunt Parelia Sole ,  
Quæ ludunt fictis lumina imaginibus .  
*Sol pius , hinc variè , nec vanè , es , Spada , refulgens ;*  
Solis enim pulchris moribus ora refers .  
Italiæ illustras radiis fœlicibus Urbes ,  
Lucida dum sacra spicula voce vibras .  
Solem te Virtus , Generis lux inclyta Solem ,  
Doctrinæ Solem te facit esse jubar .  
Candidus hic blanda nos luce tuetur Apollo ,  
Laudique immeritæ nobile pandit iter .  
Ante velut nubes ventis agitabar inanis ,  
Nubila Apollinæ nunc facis instar habent .  
Munera cum Sole hæc Spadæ communia ; pulchra  
Omnia Sol etenim conspiciendo facit .

*Reverendissimo P. Alonso Salisalis  
Ministro Generali Seraphici Ordinis Minorum  
Observantium S. Francisci .*

Digna tibi Imperio forma est : sunt corda regendis  
Digna viris : Mens est , Ingeniumque ferax .  
Hinc legere hominum bis centum millia Regem ,  
Teque unum sacris impoſuere fuis .

Fran-

Francisci arcta Cohors legit , cui non videt Orbis  
 Aut numero , aut meritis , aut pietate parem .  
 Ceu chorus Aligerum , quo non præstantior alter  
 Est Meritis , Numero sic alios superat :  
 Et pariter crescunt Numeri , ac Virtutis honores ,  
 Nulla, ut Seraphica, hinc est numerosa Cohors .  
 Sic Acies inter certantes ditior amplo  
 Seraphica est Numero, nam Pietate præest .  
 Est tibi quæ Virtus , Vir maxime , quando Virorum  
 Flos tibi Sceptra sacri detulit Imperii !  
 Namque, Alonse , Salis Alis Virtutis in Axem ,  
 Te sacrum Virtus evehit ad Solium .

*De Libro Ænigma .*

Aliena pellis induit genitam patre  
 Egente sobolem , quæ diem nunquam subit ,  
 Ni verberetur ante , ni in partes eat  
 Concisa plures . Vincla dein seva implicant  
 Exortam in auras ; vincula sed obstant nihil ,  
 Ne libera Orbem peragret . Haud unquam institrix  
 Fuit illa ; sæpe at decoquit : geminat suam  
 Quandoque gazam . Hanc Vulgus , hanc Reges manu  
 Præferre gaudent . Quisquis at cum illa , frequens  
 Confabulatur , ater , aut niveus , solet  
 Mutare vultum cordis , aut hebes stupet .  
 Ut grata amicis accidat , quod corpore  
 Digessit , illud rursus in mensam refert .



*Ale-*



*Alexander Abbas Scarlattus  
e loco, in quo preces fuderat, surgens  
deficientibus viribus prolabitur.*

Postquam fusus humi super æthera mente volaras,  
Ad terram lapsu cur graviore ruis?  
An quia Numinis alloquium te invexerat astris,  
Oscula delibas officiosa solo?  
An quia sydereum pandit locus ille theatrum,  
Hospitio gaudent membra beante frui?  
An quia Divus Amor tibi cor transfixit amico  
Vulnere, post vulnus languida membra jacent?  
Cum titubent post vota pedes, non solus Jacob  
Ivit cælesti claudus ab alloquio.

*In Mortem Viri  
Matthesi, & Medicina præstantissimi.*

Effera quis posthac Parcarum fila moretur,  
Si perit, Ars metuit quo moriente mori?  
Quo nullus melius Naturæ noscere causas,  
Et valuit latebras, Coe, videre tuas.  
Astrorum menfor patrias remeavit ad arces,  
Sprevit & immeritum grandia ferre solum.  
Omnia qui didicit, quotquot vel prisca tulerunt  
Secula, vel potuit mens reperire sagax,  
Mortales postquam meditando expromere vires,  
Non valuit, nova quò discat, ad astra volat.



S

No-

*Nobilis Puella nascitur in Pervigilio  
Deipara Templo oblata: moritur in  
Pervigilio Festi ad Nives.*

Templa subit Virgo, Genitrix te dum explicat alvo:  
Cum cadis, ætivas astra dedere Nives.  
Te nimbo immistam venisse ex Axe nivali,  
Cum Diva & Cæli Templa subire decet.  
Sed quia sunt vivum Templum tua membra Tonantis,  
Suntque aer, tellus, æquora, Templa Dei,  
Hæc manifestâ animus vitâ colit aurea Templa,  
Dum Solyma ad Templum trimula Virgo volat.  
Blanditur terris Nivium dum munere Cælum,  
Terra etiam Nivibus recreat astra suis.

*De præscripto Silentio  
Discipulorum querela.*

Heu cur Harpocrates expulsa Pallade regnat,  
Et movet ingratus sceptrâ timenda Deus?  
Non hîc Pythagoræ excipimus documenta renati,  
Nec post fata hominum triste docemur iter:  
Vivat ut Actæon post funera inania Cervus,  
Sitque sibi Ceyx ipse superstes avis.  
Panditur hîc hilaris Musarum, & Regia Phœbi,  
Quam decet argutis usque animare modis.  
Lætitiæ pater est Phœbus, fruiturque juventæ  
Munere perpetuæ, deliciasque parit.  
Sunt citharæ cordi, & digiti cum voce loquentes  
Pieridum Regi, Pieridumque choro.  
Et quis Apollineis ingrata silentia Regnis  
Imperat, & Samii tristia jura fenis?

An-

Anne tuas audis, torrens facundia, leges  
 Everti, atque hosti Regna ne desistuis?  
 Hic ubi tu attoniti moderaris frēna theatri,  
 Atque tuo Suada vivit in ore lepor:  
 Aurea mellifluo hīc ubi copia flumine currit,  
 Alta velut nivibus flumina monte ruunt,  
 Enecat eloquii hīc dotes, & munera linguæ,  
 Qui semper clamans ore favere jubet?

*Aliud.*

At saltem auditor tunc verba reponere posset,  
 Cum taciti focius provocat ora loquax.  
 Qui negat officii leges, & jura tueri,  
 Ille homines avibus non finit esse pares.  
 Scilicet assiduo mulcentes æthera cantu  
 Per sylvas iterant flebile carmen aves.  
 Si fidicen plectro, digitisque loquacibus illas  
 Provocet, exultant ore referre sonos.  
 Ast ego Palladio, velut ales, carcere clausus,  
 Officio linguæ cedere cogor avi.  
 Mercurium sētor, truncoque simillimus Herma  
 Harere hīc jubeor, labra movere nefas.

*Aliud.*

Cur homini imponis præscripta silentia nulli?  
 Bruta etenim, & sensu quæ viduata, fremunt.  
 Massylæ rugit in sylvis Leo, verberat auras  
 Mugitu Taurus, Tygris, & Ursa gemunt.  
 Si flagrant, stipulæ crepitant, & Delphica laurus:  
 Stridet, si ferro subdita quercus hiat.  
 Ipsæ etiam cautes, exesaque saxa loquuntur,  
 Et de speluncis vocis imago redit.

Post vocis funus reparabilis aſſonat Echo ,  
 Atque animat rurfus , qui periire, ſonos .  
 Et fato defuncta , & habent non nata ſonorem ;  
 At prohibemur nos, turba diſerta, loqui ?

*Aliud .*

Haud nobis levis , aut puerilis quæſtio ſurget :  
 Quo jaſtu tali diripiantur opes :  
 Senio quid dexter ferat , aut canis improba radat ,  
 Actus quo melius verbere turbo volet .  
 Sed bibulis excepta animis documenta loquendi  
 De ſocii rurfus quilibet ore bibet :  
 Et Suadæ leges juvenilibus altius hærent  
 Exceptæ verbis , queis natat ore lepor .  
 Hiftorias animo , lapſumque educimus ævum ,  
 Somnia vel Vatum quæ vigilata docent .  
 Ergo occidetur ſterili revoluta palato  
 Vox , medicina malis , lætitiæque parens ?  
 Quæ cantu oblectat , quæ foedere pectora neſcit ,  
 Quæque una edocuit teſta ſubire viros ?  
 Tradita vox dono Superum mortalibus ægris ,  
 Ut mala propulſent , commoda & alma parent ?  
 Vox perit , inque tuo moritur, Facundia , Regno :  
 Hic ubi verborum copia regnat , obit ?

*Aliud .*

Summe Pater Divum , mentis quid munera profunt ,  
 Quidve homini dotes divitis ingenii ,  
 Ingenii Interpres ſi vox, & nuntia mentis ,  
 Non finitur mentis vox aperire notas ?  
 Imperat Harpocrates , ſceptroque comante minatur ,  
 Et breve ſi verbum murmurat , ille tonat .  
 Præſtat perpetuis heu linguam obducere vinclis ,  
 Ne poſtquam tonuit , tela triſulca ruant .

*Emi-*

*Eminentissimus, & Reverendissimus Princeps  
 Joseph Cardinalis Sacripantes  
 Sanctissimi Domini Nostri Prodatarius,  
 & Sac. Congregationi de Propaganda Fide  
 Præfectus,  
 S. Josephi Patroni sui  
 Cultum religiosissime auget.*

Divinæ Sponso Matris, quem Nomine præfert,  
 Splendorem Princeps Optimus amplificat.  
 Loyolæ in Templo condit Regale Sacellum,  
 Phidiacus de quo, & certat Apellis honor.  
 Fama Operis nondum visi pervaserat Urbem;  
 At vix spectatum plausus ad astra tulit.  
 Cum primùm patuit, tota Urbs confluit, & ipso  
 Purpurei Proceres cum Patre Christiadam.  
 Sortita hunc quando patefacta recenter honorem  
 Ara fuit? Meruit tale sed ista decus:  
 Et meruit Princeps præclaræ Conditor Aræ,  
 Auget Patroni qui decora ampla sui.  
 Illius haud una tantum solemnia luce,  
 Per Soles voluit sed celebrare Novem,  
 Qui Festum anteeunt. Decretum Roma probavit,  
 Quæ tota accurrit, Purpureique Patres.  
 At cum Sacra Dies venit, sua crimina flevit,  
 Seque ream dixit plurima turba virum.  
 Viginti Mille, atque alios dein Mille, refecit  
 Convivas Daps, sub qua latet ipse Deus.  
 Instauranda omnes Sacra sunt hæc Dona per Annos:  
 Sic pia Relligio Principis instituit.  
 Augmentum Joseph ipso si Nomine signat,  
 Hoc quoque Magnanimi Principis Acta docent.

Sequitur specimen Laudum, quæ petitæ sunt  
a Gentilitiis plurimorum Insignibus.

*Sol Exoriens Insigne Academia,  
quam invisit S. R. E. Cardinalis præferens  
in Stemmata Aquilam, & Leonem.*

Ne posthac nobis Phœbus caput erigat undis,  
Et primo lucis flore eoloret humum.  
Pulchrior in medio Cæli volet æquore currus,  
Arduentes vibret dives Apollo faces,  
Quâdo Aquila huc properans nos lumine lustrat amico  
Vicinum Phœbi cernere sueta jubar.  
Permeet ætherei Sol fervida Regna Leonis,  
Ingrato quamvis frigore bruma riget.  
Augebit Phœbi lucem domus alta Leonis,  
Quasque olim accepit, largior addet opes.  
Nam tuus, o Princeps, nostro Leo lumina Phœbo  
Intendit, dignus fulgere in axe Leo.  
Hactenus emensus Cælum Sol noster in undas  
Corruat, Oceano mergere lætus equos:  
Et curru astrorum Cæsar te pronus adoret,  
Pierii o Princeps hospes Apollo chori,  
Cui Rex Sylvarum Regnum portendit, & Ales  
Sufficiet sacro tela trifulca Jovi.  
Vel victus, tua cum splendet lux, cedat Apollo,  
Sol novus & gratum proferat ore diem.



*Tur-*

*Turres, & supra illas Arbor assurgens,  
& duplici Corona ornata Aves,  
Insigne Hieronymi Valvasorii  
Pisaurensis Episcopi.*

Quæ Gentilitio fulgent in Stemmata Turres,  
Imposita atque Arbor Turribus, astra petunt.  
Expansis nituntur Aves ad Sydera pennis  
Fronte coronata, despiciuntque solum.  
Excelsi Regnum pingunt Insignia Cordis:  
Turres, Arbor, Aves, Mens tua ad astra volant.  
Illustres Proavi generoso robore pectus  
Ornant: Turri fortius inde viget:  
Hinc sacras valido molimine flexit habenas:  
Pectoris hinc Arcem vis quaterere ulla nequit.  
Hinc tua non terræ radicibus Arbor inhæret,  
Fructibus at diyes Sydera celsa petit.  
At quos ingenii pennis tentare volatus  
Spectarunt Mentem Rostra, Lycæa, tuam!  
Non quæsitâ unam dedit Infula sacra Coronam:  
Altera nunc supereff. Purpura sacra dabit.

*Canis Liliorum custos, & Aquila,  
Insigne Calisti Puccinelli Generalis Ordinis  
Servorum, & deinde Urbini  
Archiepiscopi.*

Stemma tuas dotes, Caliste, & pingit honores,  
Virtutes Animi quos peperere tui.  
Lilia sollicitus vigili Cantis ore tuetur:  
Sic Animi egregias ipse tuæ opes:  
Et, quæ Virgineis adulescunt Lilia in hortis,  
Pervigil hostili ex impete sic prohibes.

S 4

Ad-

Addita sed pulchris Insignibus alma volucrum  
 Regina alterius signa dat Imperii .  
 Utque aliis Aquila insultat generosa volatu ,  
 Sic alios vincet mox referendus honor .

*Calistus .*  
*Anagramma .*  
*Lis Tusca .*

Calistus Lis Tusca ; oritur nam quæstio , an ullus  
 Hetruriæ majus Vir decus attulerit .

*Aurea Lilia , Circinus , Rastram , & Pile ,*  
*Insigne P. Jacobi Fabretti Generalis .*

Aurea fulgenti dum Stemmata Lilia vernant ,  
 Nobilis Ingenii surgit imago tui .  
 Florea te decorat Virtus , & amabilis oris  
 Majestas : Aurum Mens generosa refert .  
 Circinus , æquatum quo linea tendit in orbem ,  
 Justitiam pingit , qua tua sceptrum vigent .  
 Rastris molimur terram , & per vulnera matris  
 Vita datur plantis , fructibus arbor ovat .  
 Sic terrent tua Rastra reos , terrorque salutem  
 Progignit , vitium crescere namque vetat .  
 Ast Orbis , nostras dum tam bene flectis habenas ,  
 Imperio Terræ te notat esse parem .



*Spi-*



*Spicæ , Punica Mala , & Cruces ,  
Infige P.M.Hyacinthi Granaria Authoris  
Dissertationum in Octo Beatitudines .*

Quàm bene Stemma tuos pingit, Pater Optime, Mores,  
Atque tuæ pingit nobile Mentis Opus !  
Commoda, Delicias, Pœnas, quæ in Stemmata vivunt,  
Producunt Spicæ , Punica Mala , Cruces.  
Ipse Crucem contemptor Opum, contemptor honorum  
Optas : das Spicas , Punica Mala aliis ;  
Namque cibo lactas ignaras ubere mentes ,  
Et recreas mitis fructibus Ingenii .  
At quæ lætitiâ fecundas Pagina Pœnas  
Explicat , ex hilari & gaudia nata Cruce ,  
Stemmata in egregio depingitur . Aspice : campo  
Arbor cæruleo regnat amata Crucis :  
Et fortunatos , quos Vitæ incommoda vexant ,  
Esse refert Cæli Cærus ille color .  
Fracta coronantur Diademate Punica Mala ,  
Sydera nam laceri sunt Diadema Inopis .  
Pascit , directo mucrone & pungit Arista ;  
Namque onerat durus divite messe labor .  
Docta colorarunt ergo tot secula Mores  
Si , Hyacinthe , tuos , & Sobolem ingenii ,  
Quantus es , auguriis quem pingunt Secula , & ample  
Fatidico Gentis Stemma colore notat !



*Re-*

*Rosa, duo Sydera, & Fascia,  
Insigne Franciscæ Theresiæ Laurentiæ  
Margaritæ Gherardiæ Deo se  
in Canobio consecrantis.*

Ut rutilum terræ Sydus Rosa fulget in hortis,  
Cui tenerum haud armat spina cruenta latus.  
Hinc mite ingenium patet, ac cælestis origo;  
Namque Adæ peperit culpa maligna Vepres.  
At Cæli flores sunt Sydera: prima choreas  
Regina hæc inter ducere digna Rosa est.  
En tua sunt penitus cælestia Stemmata, Virgo,  
Terra suum quoque cui contulit ipsa decus.  
Una Rosa est, geminum Sydus; nam dotibus ipsa  
Humanis quamvis clara animos rapias,  
Divinis tamen ascendis rutilantior Axem:  
Cælesti hinc totum Stemma colore notas.  
Cur Stellas, interque Rosas it Fascia? Forſan,  
Qua in Cælum affurgis, semita lactis erit.

*In eandem, quæ, dum S. Familiæ  
Nomen dat,  
pluribus Sanctarum Nominibus insignitur.*

Ignavus cum turparet sua Nomina Miles,  
Magnus Alexander: desere Nomen, ait,  
Aut Mores muta. Sed te, quæ Moribus omnes  
Æthereos Cives, inclyta Virgo, refers,  
Quilibet e proprio signari nomine poscit,  
Et Sancta Superos ambitione rapis.

*Ser-*

*Serpens amplexus Fraxinum  
Insigne Persii Caraccii.*

Fœcundæ Serpens amplexus brachia Mali  
 Ubra Doctrinæ dona spondit Adæ.  
 Fraxinus, ad Cælum tibi quæ pulcherrima surgit,  
 Fronde notat sterili Stemmata clara Domus.  
 Ille nefas porrexit Adæ, fraudemque vorandam  
 Serpens, nam dives fructibus arbor erat.  
 Innocuus ramos complectitur Arboris Anguis,  
 Quæ vidua est pomis, fronde superba virescit.  
 Sic tibi doctrinæ tantum quærentur honores,  
 Atque salutem aliis Arbor amica dabit.

*Aliud.*

Aurati custos vigilabat Velleris Anguis,  
 Dives ubi fulvas explicat Arbor opes.  
 Quæ generosa tibi notat Arbor Nomina Avorum,  
 Doctrinæ aurato vellere dives erit.  
 Hinc adeo custos ramos amplectitur Anguis,  
 Qui pingit Patriæ nobile Stemma Domus.

*Aliud.*

Mercurii Virga Coluber complexus inhæret:  
 Atque tua innocuo Fraxinus Angue virescit.  
 Olli Virga dedit callem per limen utrumque,  
 Pascere facundo & nectare corda virum.  
 Ianua solliciti tibi panditur utraque Juris:  
 Vincere Mercurium copia docta dabit.

*An-*

*Angelus Tubam inflans supra  
tres Montes  
Insigne Josephi de Angelis Medicinæ  
Laureâ ornati .*

Sydereus Iuvenis , patrio qui in Stemmata regnat ,  
Exultans triplici e colle animare Tubam ,  
Destinat anne tuam Famam vulgare per Orbem ,  
Dum Medicæ lauri dat tibi Apollo decus ?  
An melior tibi supremis descendit ab hortis  
Phœbus , avita tulit quem Medicina Deum ?  
Num fuetus Raphael artes aperire salubres  
Tecum ægris medicas vult adhibere manus ?  
An, velut extinctos quondam revocabit ab umbris  
Terribili intendens Angelus ore tubam :  
Sic fugitivæ animæ , & jam debita membra Sepulchro  
Per te producent secula Nestorea ?

*Stella , ac Rosa , cum Epigraphe:  
Ardua molitur :  
Insigne Caroli Demolarij  
suscepturi Lauream Furis Utriusque .*

Ardua molitur Carolus , cui nobile Gentis  
Ardua fatidito Stemma colore notat .  
Stella triplex animi dotes , Moresque decoros ,  
Lucemque Ingenii , Judiciique refert .  
Vel , quæ multiplici Doctrinæ pectus inundant  
Fonte , suisque ornant muneribus Chatites .  
Nam rerum Natura parens , Astræa , novemque  
Huic sua Regna , & opes explicuere Deæ .

Ille

## LIBER SEXTUS. 285

Ille hominum Mores multorum vidit, & Urbes,  
 Flores Virtutum, ut sedula, legit, apis.  
 Et, quæ præclaro ducunt in Stemmata vitam,  
 Dicitur e Pindi colle tulisse Rosas.  
 Hinc triplici Musæ velarunt tempota fronde,  
 Quæ Tybrim, atq; Arnum, quæq; colunt Ligerim.  
 Hinc adeo haud olli decus addit Laurea Juris,  
 Quærit at ex illo Laurea docta decus.

*Leo Gladium ore præferens  
 Stemma Evangelistæ Benvignati  
 Juris Laureâ coronandi.*

Qui tibi fulmineus Leo nobile Stemma colorat,  
 Ingenii laudes exprimit ille tui.  
 Rex nemorum armatur gladio, gladiumque coruscet  
 Ore, colorato vivit in ore furor.  
 Ingeniosa tuo permanant spicula ab ore,  
 Justitiæ & Gladium lingua disertâ vibrat.  
 Regnat ut in Sylvis Leo, Palladis ipse triumphas  
 In Regno: sua dat nunc tibi Sceptra Themis.  
 Vincula Alexander fatalia ut absceidit ense,  
 Sic Lites Gladio diruis Ingenii.  
 Hinc adeo tibi Sydereus, quondam Herculis hostis,  
 Astræ Gladium detulit Axe Leo.

*Gryphus in Stemmata Nobilissimi Juvenis  
 de Jurisprudencia disputantis.*

Dum Themidos Juvenis tutaris Jura severæ,  
 Astræ, & ridens Pallas, ab axe venit:  
 Nunc mihi Marcellos quantumvis obiice, Mavors,  
 Cum docta certent, dixit, & arma toga:

Tar-

Tarpeii vincit mons Vaticanus honores,  
 Et decora hunc Juvenem nobiliora manent.  
 Hæc spondet vivens illustri in Stemmata Gryphus,  
 Thesauris custos suetus adesse vigil.  
 Ingenii nunc ille tui, Morumque tuetur  
 Thesauros, certas queis agit excubias.  
 Dein sua donabunt thesauris præmia lucem,  
 Cum de te quæret Purpura docta decus.

*Ales, Arbor, & Stella in Stemmata  
 Horatii Pallantis Philosophia,  
 & Medicina Doctoris.*

Pallada mente refers, Cognomine Pallada: Pallas  
 Ingenium format, fulget in eloquio.  
 Palladis emensus, Medicas & Apollinis Artes,  
 Ornaris frontem Laureâ Apollineâ.  
 Docta in te regnant Virtutum Numina: Apollo  
 Consuetum in te cum Pallade fœdus init.  
 Ingenii pennis ad fydera niteris: Ales  
 Hoc Gentilitia ex Arbore fortè notat.  
 Daphnidis ast illas frondes reor: omina lauri,  
 Tempora quæ circum serpit Apollinea.  
 Pallada sed quoniam non inter fydera Vates  
 Constituere, Polo fydera lapsa reor,  
 Palladis alterius rutilant quæ Stemmata; Cælum  
 Scilicet hoc illis creditur esse novum.

*Humanum Caput supra Montes  
 Insigne Iulii Theforati  
 Utriusque Iuris Laureæ decus allaturi.*

Thesauros pariunt Montes, quos dives Apollo  
 Fœcundat, solers ingeniumque soli.

• Nunc,

# LIBER SEXTUS. 287

Nunc, qui Thesauros ipso Cognomine præfert,  
 Huic etiam Montes nobile Stemma notant.  
 At quis mentis opes numeret, quis flumina lingue  
 Aurea, quæ hoc sacro e Monte reclusa fluunt?  
 Julius his Vitam gazis donavit Apollo.  
 Debuit ergo illi laurus obire comas.  
 Humanum Caput in Tarpejo Colle sepultum,  
 Roma, tibi augurium si fuit Imperii,  
 Quid Monti superimpositum portendit Iulo,  
 Et rutilo erectum lumine ad astra Caput?  
 Si latitans olim potuit præclara minari,  
 Majora expositum parturit, & pariet.  
 Ad magna ostendit, cui hæc sunt Insignia, natum.  
 Quæ nunc illum ambit Laurea, ludus erit.

## *Sydus supra Turrim Stemma fumentis Lauream Iurisprudentiæ.*

Sublimem supra Turrim quæ Sydera regnant,  
 Et pingunt Generis nobile Stemma tui?  
 Sydus an huc fluxit Martis? nam sæpe decoro  
 Fulserunt Proavi Martis honore tui.  
 An quia corda rapis, venit Cyllenius ales?  
 Hujus te furti quis neget esse reum?  
 Castoris an Stella est? Sapientiæ ad aurea namque  
 Vellera qui fertur, te duce flectet iter.  
 Venisset Pallas, cui corda, atque ora sacraſti;  
 At Stellas inter non habet illa locum.  
 Virginis Astræ lapsus est ex æthere sydus,  
 Atque tibi lances detulit illa suas.

# FINIS.



# ERRATA

# CORRIGE

Pag. 11. vers. 13.	Patria	Patriæ
p. 13. v. 13.	Castalis	Castalia
p. 21. v. 10.	Caræ	Charæ
p. 38. v. 25.	inuocentis	innocentis
p. 39. v. 5.	utgent	urgent
p. 41. v. 7.	Gieret	Cieret
p. 43. v. 22.	uunc	nunc
p. 46. v. 22.	vada ,	vada
p. 48. v. 17.	que	quæ
p. 72. v. 17.	jussit	jussit
p. 86. in tit. Et alibi: Dysticha	Disticha	Disticha
p. 87. v. 29.	progressi	progressi
p. 115. in 3. tit. frigus	frigus	frigus
p. 127. v. 8.	sylvæ	sylvæ
p. 134. v. 9.	Sydernm	Syderum
Ibid. v. 17.	multipliplici	multiplici
Ibid. v. 25.	Præfuri	Præfari
p. 137. v. 26.	ambita	ambitu
p. 139. v. 4.	fine	fine
p. 160. in 3. tit. facrarum	facrarum	facrarum
p. 163. v. 4.	nubes ,	nubes
p. 168. in 1. tit. Principe	Principe	Principe
p. 169. v. 2.	multicelor	multicolor
p. 174. v. 6.	virum .	virum ?
p. 175. in 1. tit. Carnelliis	• Cornelliis	• Cornelliis
p. 183. v. 8.	Aligerum	Aligerum
p. 202. in 3. tit. Dei paræ	Deiparæ	Deiparæ
p. 231. v. 24.	qui	qui
Ibid. v. 25.	peroso	peroso
p. 234. v. 7.	folicita	folicita
p. 241. in tit. accesser at	accesserat	accesserat
p. 247. v. 26.	virum	virum

MAG 2023725







